

1263

6

74

6

37-c

36

17

M. $\frac{8}{2}$



Bibliotheca
ri Coll. Rom.
ociet. Jesu

~~13-6-55~~

6-37-C-36

173.7.57





ROCHI PER V.
SINI DE EPISTO-
LA COMPONENTA

Bibl. Coll. LIBER. *lxxv.*
Editio Tertia. *cont.*



BIBLIOTHECA
ROMANA
VATICANA

Cum gratia & privilegio Caesar. Maiest.

D I L I N G A E

Excudebat IOANNES MAYER.

clb. lb. xxciij.



DE EPISTOLA

LA COMPONENDA

LIBER.

Pars Prima.



*Definitio Epistolæ, & eius
notatio.*

CAPVT I.



EPISTOLA vniuersæ
hunc in modum defi-
nitur: est sermo absen-
tis ad absentem. Si v-
num illud epistolarum
genus intueri voluerimus, cuius causa
inuenta res ipsa est, vt certiores nimi-
rum faceremus absentes, si quid esset,
quod eos scire aut nostra, aut ipsorum
interesset, quod proinde certissimum
est, verissimèq; epistola nominatur,
cùm alia scripta, quibus absentes de his
quæ ad illos, vel ad nos, vel ad vtrosq;
pertinent, certiores non facimus, verū

*Vide cap. 3.
cū scholijs*

B 2

aliud



aliud quoddam argumentū nobis proponimus, forsitan epistolę vocandę nō sint: si hoc inquam genus solum intueamur, sic epistolam definire poterimus: est quędam nostrarum, interdumq; alienarū rerū nuntia, missa ad absentes.

Græcum vocabulū est, ἐπιστολή, ἀπὸ τοῦ ἐπιστέλλειν, quod valet, mittere, quia ad absentes mittitur.

SCHOLIA.

Est sermo absentis) Ouid. lib. 3. Trist. eleg. 7. non insuavi tralatione vsus, ministram sermonis nominauit.

Vade salutatū subito perarata Perhillam

Littera, sermonis fida ministra mei.

Et Epictetus Hadriano Imperat. quid esset epistola interroganti, respondit, tacitus nuntius.
In Augusto. Sueton. Tranquill. de Aug. Imperat. narrat ipsum sermones cum singulis, atq; etiam cum Liuia sua grauiore, non nisi ē scriptis, & ē libello habere solitū, ne plus minusue loqueretur ex tempore. Hoc rarū est, cū pręscriptis de scripto loqui. Quamuis autem per alia quoq; scripta loquamur absentibus, tamen id alio modo facimus, ac in epistola, quę est imago sermonis quotidiani & familiaris (vnde etiā initio salutamus, & in extremo valedicimus) neq; tam breuiter & plane.

Alie-

Alienarum rerum nuntia) *Historia quoque, sicut epistola, quadam metaphora dicitur nuntia, 2. de Orat. sed nuntia vetustatis. Epistola potius presentia, aut non multo ante praterita exponit; nec tam publica quam priuata, & ad paucos pertinentia. Item, historia nec falsa narrare, nec vera potest omittere; vtraque facultas datur epistolæ. Epistola & historia differunt.* Seruat praterea ordinem temporis historia, & vt quidam primum gestum est, ita commemorat, quam legem epistola raro custodit. Plura dici possent, sed in præsens hæc satis erunt, quæ etiam ad cap. de epistola Narratoria accommodari poterunt.

De Antiquitate Epistolæ.

CAPVT II.

Temporibus Noæ extitisse epistolam, ex Diodoro Siculo apparet, vbi de Staurobate Indorum Rege meminit, quem ad Semiramidem Assyriorum Reginam misisse literas scribit. Hanc autem Babylone regnasse eo ipso tempore, quo Noas, qui & Ianus dicebatur, in Italia vixit, testis est Berosus ipse Babylonius. Nec alius sane rei, quam litterarum ope, sanctissimus vir,

Lib. 2. Biblioth. ca. 5.

Lib. 3.

cum post maximam illam aquarum inundationem totū terrarum orbem imperio teneret; tot colonias in diuersas longeque distantes regiones deductas rexisse & gubernasse videtur. Etenim, si is, Beroso auctore, Physicen, si Astronomiam, Theologiam, sacros ritus Italicos homines & Armenios docuit, earumque artium disciplinam litteris commendauit, nonne verissimum fit, eum de hisdem rebus omnibus, quae quotidie contingebant, quam longissime remotos, per litteras etiam docuisse? Antiquissimus item epistolarum usus ex Homero, auctore vetustissimo satis cognoscitur, qui 6. Iliad. Proetum Regem Argiuorum, ante belli Troiani tempora, Bellerophontem cum litteris in Lyciam, ad socerum suum misisse canit.

Brandol. de
ratione scri-
bendi lib. 1.
cap. 2.

Ceterum, à quib. inuenta sit epistola, neque ego satis exploratum habeo, neque existimo quare curiosius oportere. Non enim ad eam quam suscepimus institutionem magnopere pertinet: neque à rerum gestarum scriptoribus, quod ego sciam, memoriae proditum est. Illud inter omnes constat, & superioribus exemplis patet
factum

factum est, hoc scripti genus omnium antiquissimum esse. Nam cum primum litteræ inuentæ sunt, statim ad absentes scribi cæptæ sunt: & fortasse hac potissimum de causa etiam sunt inuentæ, ut cum absentibus quasi cum presentibus loqueremur. Necessitatis enim gratia, quum ante non essent, inuentas certum est, ut absentes ea quæ audire, aut videre non poterant, quoquo modo cognosceret. Quod quidem hinc vel maxime deprehendi potest, quod Ægyptij, antequam litterarum usum haberent, figuris quibusdam atque imaginibus rerum depictis, quæ Hieroglyphica dicebantur, ea quæ volebāt, designabant. Hoc igitur teneatur, epistola cum antiquissima sit, auctorem certum, cui tribui possit eiusdem inuentio, nullum inueniri.

*Epistolæ usus, & quæ proprie
sic appelletur.*

CAPVT III,

Epistolarum hunc esse usum scripsit D. Ambrosius, ut disiuncti locorum interuallis, affectu adhæreamus: in quibus inter absentes, imago refulget præsentia: & collocutio scripta separatos copulat: in quibus etiam cum

*Epist. 45.
lib. 7.*

*Lib. de Elo-
catione.*

amico miscemus animum, & mentem ei nostram infundimus. Hinc Demetrius Phalereus: Plurimum habeat epistola moratum, quemadmodum & dialogus; ferme enim quisque imaginem animi sui, suorumque morum scribit epistolam. Et licet quidem ex alia omni oratione videre mores scribentis, è nulla autem perinde, ut ex epistola. Cicero ad

Ep. 1. lib. 1.

Q. F. Ego cum tua lego, te audire; cum ad te scribo, tecum loqui videor. Et

Epist. 15.

lib. 7. ad Att. Ut ab urbe discessi, nullum adhuc intermisi diem, quin aliquid ad te litterarum darem: non quod haberem magnopere quid scriberem,

*Ep. 52. l. 12
ad Att.*

sed ut loquerer tecum absens: quo mihi, cum coram id non licet, nihil est iucundius. Et Cassius ad Ciceronem. Non

Vide ep. 16.

et 19. l. 15

et Manus.

ep. 11. l. 11.

me hercule in hac mea peregrinatione quidquam libentius facio, quam scribo ad te: videor enim cum praesente loqui & iocari. D. Hieronymus item epist. 42, ad Niceam. Turpilius Comicus tractans de vicissitudine litterarum: sola, inquit, res est, quæ homines absentes praesentes facit. Quam-

Quamquam vero latissime patet nomen epistolæ (fere enim quidquid dici, quidquid scribi potest, sub epistolam cadere, & eius ambitu comprehendî quidam affirmant) illam tamen propriam, veram, & germanam epistolam esse statuimus, cuius causâ inuentam rem ipsam ait M. Tullius lib. 2. ad fam. ep. 4. nempe, qua certiores facimus absentes, si quid est, quod eos scire, aut nostra, aut ipsorum intersit. Huc spectat illud eiusdem ad Q. F. lib. 1. Illud, inquit, quod est epistolæ proprium, ut is ad quem scribitur, de ijs rebus quas ignorat, cetior fiat.

*Narratoria
sive Nuntias
toria, est ve
re epistola.
vide cap. 1.*

SCHOLIA.

Imaginem animi sui.) Socrates apud Platonem, quum esset ex eo quasitum, Archelaum Perdicæ filium, qui tum fortunatissimus haberetur, nonne beatum putaret? Haud scio, inquit: nunquam enim cum eo loquutus sum. Fuit autem senarius antiqui poetæ, & ut arbitror, Menandri, qui versus, quod tangit hic Demetrius, verum esse assenerabat; cuius naturæ sit homo,

*In Gorgia.
Cic. 5. Tusc.*

*Victorium in
Comment.*

B 5

melio-

melioris ne an deterioris notæ, ex oratione ipsius cognosci. Grace ille ita pronuntiatus fuit.

ἀνολέσας χαρακτὴρ ἐκ λόγου γινώσκει ζετού.

Videtur igitur ad illam sententiam allusisse Demetrius, & ut id verum esse concessit, ita addidit, è nullo genere id magis percipi, quàm ex hoc, quod vocatur epistola, in qua indoles, ingenium, moresq; scribentis eximie expressa sunt, ut qui illam legit, eodem tempore quasi apertum aspiciat pectus illius qui scripsit, & intimos eius sensus omnes notos habeat.

M. Tullius lib. 2. ad famil.) M. Tullij verba hæc sunt. Epistolarum genera multa esse non ignoras: sed vnum illud certissimū, cuius causa inuenta res ipsa est, & c. quo loco quæri potest, quare genus illud vnum appellet certissimum. *Questio.* Vtrum ideo, quia de ceteris aliqua dubitatio potest existere? Si potest, quæ nam tandem? sic habendum est: illud (certissimum) ad ipsam appellationem referri, perinde ac si certissimum esset, epistolarum nomine afficienda esse illa scripta, quibus certiores facimus absentes, si quid sit, quod eos scire & c. illa vero scripta, quibus absentes de ijs, quæ ad illos, vel ad utrosq; pertinet, certiores non facimus, sed vel commendamus, vel gratulamur, vel petimus, vel consolamur etc. dubiū videri possit, an vocari similiter epistola debeant. Certissimum igitur nominatur, non quia maxime probatū, cognitum, & spectatum sit: sed, quia

quia certissimū sit, ei appellationem epistola cō-
uenire. Perinde ac si diceret Cicero. *Varia sunt*
scribēdi genera, vel, varia sunt scriptiones, qui-
bis appellatio epistolarum tribuitur, ac dubitet
quispiam fortasse, an satis omnibus illa conueni-
at: sed ijs sane conuenire scriptionibus certissimū
est, quarum causa inuenta res ipsa est, vt certior
res faceremus, &c. Doctus quidā vir certissimū
genus epistolarum exposuit, verissimum & ma-
xime germanum: quæ expositio à superiore non
dissentit, quamuis non indicet quo respiciens Ci-
cero, adiectiū illo potius, quam alio vtatur. Ac
principio quidem epistola huic vni rei destinata
seruiebat, vt per eam aliquid absenti de re, cum
publica tum priuata, quid actum, quid ageretur,
quid etiam futurum putaretur nuntiaret: quales
magnam partem videmus esse Ciceronianas, illas
præsertim, quæ sunt ad T. Pompon. Atticū. At
postea pene omnia, de quibus scribi diciue posset,
epistola commissa fuerunt.

Vtrum epistola artificiū quod-
dā, ac præceptiones requirat.

CAPVT IIII.

SI Epistola sermo est absentis ad ab-
sentem, imago quædam sit oportet
quotidiani sermonis, & colloquij
cuius-

cuiusdam perpetui. Itaq; audiendi non sunt, qui epistolam instar orationis, suis constare partibus, & coloribus docent, nullamq; propemodum inter epistolam & orationem differentiam relinquunt. Vnam esse artem epistolarum nonnulli censebant, nullam adhibere artem, & excultissimam sentiebant esse illam, quæ sine cultu scriberetur, vt tamen nihil sordidum apparet. Quo enim simplicior, facilior, magisq; verbis quotidianis & vsitatis contexta foret epistola, eo ipsam orationem, laudeq; digniorem iudicabant. Qualis sermo meus esset, scribit ad Lucillium Seneca, si vna federemus, aut ambularemus, illaboratus & facilis, tales esse epistolas meas volo, quæ nihil habeant arcessitum & fictum: sed si fieri posset, ostendere quā loqui mallet. Et A. Gellius D. August. epistolas ab elegantia sermonis, neq; morosa neq; anxia, sed facili & simplici commendat. Nocte quoq; ista proxima superiore, inquit, cum librum epistolarum D. Augusti

Lib. 10.

*Lib. 15.
cap. 7.*

August. quas ad Caium nepotem suum scripsit, legeremus, duceremurq; elegantia orationis, neq; morosa, neq; anxiosa, sed facili hercle & simplici, id ipsum in quadam epistola super eodem anno (climacterico) offendimus. Eius epistolæ exemplum hoc est.

*A*se mi Cai, meus ocellus iucundissimus, quem Epistolium
semper medius fidius desidero, cū à me abes: Aug. Imperat. suavis-
sed præcipue diebus talibus, qualis est hodie- simus.
nus, oculi mei requirunt meū Caium, quem (ubi- simus.
cunq; hoc die fuisti) spero latum & bene valen-
tem celebrasse quartum & sexagesimum nata-
lem meum. Nam ut vides κλιμακτῆρα communem seniorum omnium, tertium & sexagesimum annum euasimus. Deos autem oro, ut mihi quan- Annus scilicet seu
tumcunq; superest temporis, id saluis nobis tra- lari seu
ducere liceat in statu Reipub. felicissimo ἀνδρα- scansilis, de
γαθούτων ἡμῶν καὶ διαδελχομένων. quo Plin.
Vale. li. 7. ca. 49.
ix. Kalend. Octob.

Nec vero alium sermonem diuini illius Ciceronis epistolas, qui præ ceteris omnibus suspiciendus & imitandus est, exprimere videmus, quam domesticum & familiarem. Ordinem enim

ita

*Epist. 6.
lib. 6.*

ita negligit; vt vndecunq; visum est,
& pro re nata exordiat; cum aliud
sit, teste Plinio, scribere historiam, aliud
epistolam, etiam de eodem argumento.

*Epist. 6.
lib. 13.*

Alij tamen, ad quorum iudicium
ego meam quoq; sententiam libens ad-
scripserim, non inanem aut vilem
quandam rem epistolam esse arbitran-
tur, sed aliqua Rhetorica, si minus in-
tima, arte componendam existimant.
Id quod de Cicerone ipso cognosci po-
test. Noua quædam postulat, inquit;
& putat me eius generis artificij quod-
dam tenere. Ei ego pollicitus sum, me
ex intima nostra arte deprompturum
mirificum genus commendationis. Er-
go, vt nimis excultus, & ornamentis
compluribus nitidus ac splendens, o-
mnibusq; rhetoricis coloribus distin-
ctus & illuminatus sermo fugiendus
est, sic latinis, puris, elegantibus, & ele-
ctis vocabulis contexenda, & quodam-
rum naturali, tum oratorio artificio il-
lustranda est epistola, vt vitetur plebei
sermonis nimia vulgaritas, & omnis
absit

absit deformitas ac sordes, nimiumq̃
 perturbatus ordo. Ideo non crebra
 proueria, & nonnullas sententias, nō
 admodum tamen frequentes, sed con-
 cinnas & venustas, pro rerum subie-
 ctarum decoro epistolis interferendas
 admonent. D. Gregorius Nazianze-
 nus, epistola ad Nicobulum, in qua
 prudenter ac ingeniose, quæ ad hoc
 ipsum scribendi genus attinent, omnia
 persequitur, proueria non excludit,
 verum crebra non probat. Demetrius
 autem ita scribit. καλὰ ἐπιστολῶν, πνευ-
 ματικὰ παροιμίαι ἐνοῦσαι, καὶ τοῦ το γὰρ μόνου
 ἐνεσθαι αὐτῇ σοφόν, διότι δημοτικόν τι ἐστὶν ἢ
 παροιμία καὶ κοινόν. Pulchritudo episto-
 læ crebra proueria: etenim hoc tan-
 tum in ipsa existat sapiens: est enim
 prouerbium commune quiddam, &
 vulgo satis facit. Nos seruabimus Gre-
 gorij documentum, vt nimirum pro-
 uerbijs necq̃ nunquam, necq̃ sæpe uta-
 mur: accedente præsertim Ciceronis
 exemplo: quem cum legimus, rheto-
 rum præcepta non magnopere deside-
 ramus.

Gregor. &
 Demet. de
 prouerb. in
 epist.

ramus. Sed iuuabit ipsum audire Gregorium, huiusmodi verbis loquentem. Tertium est, epistolarum gratia. Hanc porro seruabimus, si neq³ sicca prorsus & inuenusta scribamus, & illepidam & inornatam, & incultam, quod dicitur, ut sine sententijs & prouerbijs, & dictis & salibus, & reconditis iocis, quibus sermo conditur: neq³ valde his abusi videamur. Alterum enim agreste, alterum verò cum satietate. Hæc autem eatenus vtenda quatenus & purpuris intextilibus. Figuras autem recipiemus quidem & paucas, & has nō impudenter. An-titheta vero, & aqualia, & similiter desinentia rhetoribus dimittemus. Sicubi autē assumamus, tamquam iocantes potius hoc faciamus, quam serio agentes. Summa hæc est, quod ab eloquente quodam homine de aquila accepi, cum diceret: quo tempore aues de principatu disceptabant, & aliæ aliter exornatæ venerunt, in aquila formosissimū id fuisse, quod nihil formosum esse putaretur. Hoc & in epistolis obseruandum, ut minime sint elaboratæ, quod proxime ad naturam accedit.

SCHO-

ἀντιθε-
τα.

ἰσόκωλα.
ὁμοιοτέ-
λευτα.
de quibus
in Orat.
persf.

Festinus
apologus.

SCHOLIA.

Instar orationis) Nonnulli cum de arte epistolica libros faciunt, de generibus causarum, de statibus, de proæmijs, narrationibus, confirmationibus, epilogis, inuent. disposit etc. longe plurima ex Rhetorum commentarijs ad verbum repetita, inculcant: nec generatim modo, verum etiã in singulis propemodum epistolis ista quærunt, & obseruare iubent. Hos alij doctiores grauius reprehendendos putât. Sane, artificiiũ quoddam, & artificium Rhetoricum in epistola seruatur, atq; à doctissimis viris, in primisq; à M. Tullio harum scriptio- num principe seruatum est. Verumtamen, de his præceptis tam multa præscribere, & ubiq; exordia, narrationes, confirmationes occinere, cū nec semper, nec frequenter eas partes in optimorum autorum epistolis demonstrare quisquam possit, hoc inquam probari non potest. Quando inter nos loquimur, an non multa eorum facimus, quæ sunt in arte dicendi? ac nullus, opinor, præcepta loquendi è Rhetorica nobis tradet. Epistolæ autem, non tam orationum ex legibus oratorijs subtili artificio confectarũ (quamquam id quoq; aliquò tenus) quam sermonis quotidiani debent esse similes, in quibus prudentia ipsi etiam arti moderatur.

Inter epistolam & orationem) Quod descri- Oratio &
epistola dis-
serunt.

B

men esse oporteat inter orationem & epistolam, Demetrius ostendit in hunc modum. Et structura quidem verborum dissolutior potius sit: ridiculum est enim in orbem includere sententias, tanquam non epistolam, sed orationem in foro habendam scribas, & non solum ridiculum, verum etiam alienum ab officio amicorum, quod enim proverbio fertur; ficum, ficum dicere, idem in epistolis custodiri debet. Nullo igitur modo anxiosa cura, sollicitumque studium in quadranda oratione, in contextendis plenius ac numerosis comprehensionibus decet, quia casum potius & membratim feratur oportet, hæc enim est, quam intelligit, dissoluta compositio. Nam qui periodos & ambitus illos in epistola extruit, primum, videtur carere iudicio, quod eam decore minime apto ornare vult; deinde contra suum ipsius consilium venit, fortassis enim sua industria laboreque amico iucundior esse molitur, at illa diligens nimium meditatio simplicitatem, quæ cernitur in amicitia, non redolet. Absint ergo circuitiones exquisitæ, absit omnis ostentatio omnisque fucus. Et si non est omnino negligendum Quintiliani præceptum, apud quem ista leguntur. Est igitur ante omnia oratio, alia vincula atque contexta: soluta alia, qualis in sermone & epistolis: nisi quum aliquid supra naturam suam tractant, ut de Philosophia, de republica, similibusque. Quod non eo dico, quia

Lege P. Vi.
Horij Com-
mentat.

Lib. 9. ca. 4.

quia non illud quoq. solutum habeat suos quosdam, & forsitan difficiliore etiam pedes, neq. enim aut hiare semper vocalibus, aut destitui temporibus volunt sermo & epistola: sed non fluunt, nec cohererent, nec verba de verbis trahunt, ut potius laxiora in his vincula, quam nulla sint. Aquila Romanus absq. vlla exceptione illud de epistolarū oratione scribit: cuius verba sequuntur. Est igitur omnis oratio, aut soluta, nulla inter se necessitate numerorū, neq. composita membris quibusdam, vel determinata certa circumscriptione verborum (ea plerumq. in sermone asidua & in epistolis vtimur. Interponitur autem & in orationibus, vbi aliquid simile & proximum sermoni volumus effingere) aut perpetua quam Græci, &c.

Quæ sine cultu) Cic. ad Att. li. 2. ep. 1. Quamquam tua illa (legi. n. libenter) horridula mihi, atq. incompta visa sunt, sed tamē erant ornata hoc ipso, quod ornāmēta neglexerant: et, ut mulieres, ideo bene olere, quia nihil olebant, videbantur.

Quo enim simplicior) Illustrabit hunc locum Paulus Manut. qui ep. 4. lib. 2. ita scriptum reliquit. Non soleo fere studiosius epistolas elaborare: primum, quia, si quid scribitur ad familiares, plane familiariter agendum puto: odi illa nimis ambitiosa, constructa verbis, & sententijs exquisitis. Idem infra. Imitetur epistola sermonē, excurrat libere, nullis adstricta legibus, & suauē

quandam, perfecta non indignam amicitia, negligentiam præferat, alioqui officium scribendi sæpe inter absentes necessarium, gratum quidem semper, iniucundum & graue nimis accurata reddet industria.

Greg. Nazianzenus epistola) Epistola D. Gregory doctissimi sanctissimiq; viri, quam primus græcis ac latinis formis nuper excudit Ald. Manut. Pauli F. mentionem perhonorificam facit comment. in Demet. P. Victorius, paucisq; eiusdem epistolæ capita exponit. In ea, inquit, *De epistolâ* Theologus ille politissimus, sedulo primum disputat de magnitudine epistolæ, quam putat argumentum rebusq;, de quibus illic agitur, accommodari debere. Deinde quomodo obtineri possit, ut illa plana apertaq; sit cum dignitate aliqua, docet: hoc enim quoq; ab illa inprimis postulatur. Ad extremum de lepore ipsius, ac venustate diligenter loquitur: & quæ ratio sit illius pariendæ tradit.

*D. Gregorij
Theologi.*

Pulchritudo epistolæ contra prouerbia) Prouerbia enim olent prudentiam non parua, & sunt tamquam sententiæ quædam vsu ipso veræ cognitæ ac comprobatæ, cum contra in epistolis nihil poni debeat valde eruditum, & à capto idiotarum remotum. Est quoq; popularis res prouerbiū & communis, id est, cuius propter frequentē ipsius vsum nemo ignarus esse potest.

Vnde

*Vnde vidimus magni iudicij poëtam Terentium,
Andria sententiam grauem in ore serui colloca-
re, quia peruulgata erat. Hac Victor.*

*Epistolam scripturus, tria po-
tissimum considerare debet:
sive de epistolæ decoro.*

CAPVT V.

Scripturus igitur epistolam, diligen- *De decoro*
ter consideret, quis sit ipse qui *multa Cic.*
scribit, cui scribat, & quibus de rebus. *in Orat.*
perf.
Alio enim modo scribit notus, alio *Vide Ludo.*
ignotus, alio amicus, vel leuiter ami- *Vnem de*
cus, alio inimicus, alio par, alio impar *conscrib. ep.*
genere, familia, eruditione, ætate, &c. *Ex Brandol.*

In eo ad quem scribitur, quinque con- *cap. 11. l. 2.*
sideranda sunt, natura, fortuna, studiū,
dignitas, affectio. In Natura conside-
randus est sexus: vt vir an mulier, ætas,
vt, puerum adolescens, natu grandior
an senex. natio: vt Italus an Gallus,
patria: vt, Romanus an Venetus. In
Fortuna considerantur natales, nobilis

an ignobilis. Conditio, seruus an liber. Ordo, æques an senator. Opes, diues an pauper. Existimatio, clarus an obscurus. Amplitudo, potens an impotens alicuius auctoritatis an nullius. Status vitæ, pater an filius, maritus an cælebs, priuatus, an cum potestate. In studio consideratur ars liberalis, vt Grammatica, Rhetorica, &c. item Medicina, pictura, cælatura, mercatura, &c. latius enim nomen liberalis, hoc loco patere volumus: an illiberalis, vt, futoria, sartoria, lignaria, ferraria, cæteraq; eius generis, quæ recepto Græco vocabulo mechanitæ appellantur. Dignitas ita consideratur, sacra an profana, vt Pontifex, an Rex, perpetua an ad temp⁹, vt, Princeps an Prætor. In affectione perpenditur notitia, vt, notus an ignotus, beneuolentia, vt, amicus an inimicus. Consuetudo, vt, hospes an familiaris, Propinquitas, vt, ciuis an peregrinus. Coniunctio, vt cognatus an affinis. Officia, vt, bene an male de nobis meritus.

Postre-

Postremo, inspicienda & consideranda est ipsa res seu materia, de qua scribere constituimus, quæ multiplex erit, & varietatem requireret, quandoquidem, sicut neq; ad omnes & ab omnibus, ita neq; de omnibus eodem modo scribendum erit. Aliter loquemur de Repub. aliter de priuatis, aliter de serijs, aliter de iocosis. Sed hæc pars utcumq; ex superioribus duabus cognosci poterit, & ex generibus epistolarum quæ postea tractabuntur, amplius cognoscetur.

S C H O L I A.

In eo, ad quem scribitur) *Dubitare non debemus, quin Cicero (ut hunc potissimum, omnis eloquentiæ magistrum ac ducem præstantissimū nominem) accuratius ad doctos quam indoctos, vel ad doctissimos, qualis erat M. Terentius Varro, quam ad minus doctos, accuratius ad eloquentes, quam ad eos, qui eloquentia nec valebant, nec eius studiosi erant, scriberet. Quin etiā magis breuitati studeret in suis ad eos epistolis, quos illi delectari sciebat: quos inter non postremus erat Brutus. Ut omittā, quantū discrimen esse debuerit inter epistolas (in eodem etiā argumēto) quas ad familiarissimos scripsit, & eas, quas ad minus*

B 4

fami-



familiares: multo etiā magis inter eas, quas familiaribus & eas quas illis, cum quibus non modo familiaritas, sed ne vsus quidem ullus, aut vlla consuetudo intercedebat. Neq̃ enim duntaxat existimandum est, multa Attico (exempli gratia) ab illo scribi, quæ ad nullum alium scripsisset, sed pleraq; etiam alijs plane alijs scripturum verbis fuisse. Ad Atticum enim non solum scribebat interdū quidquid in buccam (vt ipse eum vicissim ad se vult scribere quidquid in buccā) sed etiam verbis vtens, quæ prima in buccam veniebant. Atq; hinc fit, vt multo plura loquendi genera in illis epistolis legamus ex consuetudine sermonis vulgi etiam ipsius petita, & quidem ex ijs, quæ idiotismi vocantur, quam in his, quæ, quamuis epistolæ ad familiares vocentur, non tamen omnes ad familiares sunt, pauca vero ad eos, quibus cum tanta illi esset, quanta cum Attico familiaritas.

Epistolas breuitate commendari.

CAPVT VI.

Commen-
dat M. Tull.
breui: ciem
in Bruto
epist. 24. &
25. lib. 11.

Quanto breuior est epistola, tanto solet esse gratior, præsertim occu-

occupatis, morosis, incognitis seu pa-
 rum notis, amicis simulatis, & ijs de-
 mum, qui eo scribendi genere dele-
 ctantur, quales sunt Principes, & qui *Plin. ad*
 ad Principes scribunt. Propria autem *Traian. &*
 & quasi peculiaris epistolarum est bre- *Traian. ad*
 uitas. Ideo non debet, auctore Seneca, *Plin. Cicer.*
 sinistram legentis manum implere, mo- *epist. 2. lib.*
 do ut aut amicitia, aut tempora, aut *14. & ep. 1.*
 negotia longiorem non exigant. Nam *sub finem*
 sæpe contingit, ut nimio breuitatis stu- *lib. 1. ad*
 dio squalens, ieiuna, ac plane sicca & e- *Q. F.*
 xanguis euadat oratio. Idcirco de Phi-
 losophia, de immortalitate animorum,
 de Deo, de religione, de Repub. huius-
 scemodique rebus, quæ breui explicari
 non possunt, longior esse consuevit.
 Quare, ut vno verbo absoluam, nec o-
 mittenda sunt necessaria, ne nimis vi-
 deantur contractæ epistolæ, nec super-
 flua inferenda, ne præter rationem &
 sine causa sint longæ: ne videlicet mo-
 dum in altero excedentes, peccare iudi-
 cemur. Sed libet audire D. Gregorium
 de breuitate epistolarum. *Qui epistolas*

scribunt, alij quidem pluribus verbis quam deceat, alij vero exsilitèr admodũ scribunt: & utriq; modum non seruant: quemadmodum qui ad scopum iaculantur, siue infra mittunt, siue supra: errare enim equale est, licet à contrarijs fiat. Est autem epistolarum modus ipsa res; cum neq; pluribus verbis, ubi non multa sunt res, scribendum sit: neq; paucioribus, ubi multa. Quid enim oportet, & quæ sequuntur.

SCHOLIA.

(Sinistram legentis manum) At ipsius epistola, interdum dexteram quoq; bis implent, inquit *Viues.* excusari potest fortasse ijs, quæ deinceps in capite sequuntur: res enim ipsa quas explicabat, orationẽ longiorem postulabant. Virum vero ille summus philosophus ea epistolarum angustijs includere potuerit, quæ inclusit, doctiores sententiam dicant. Demetrius quidem aperte repugnat, ut posterius videbimus.

(Idcirco de Philosophia) Argumentum aliquando amplum, varium & copiosum est, ut artari paucis versiculis minime possit. Et in huiusmodi rebus non minus est odiosa contractio, quam

quam in parvis, simplicibus, ac ieiunis longitudo. Neq̃ is est brevis, qui pauca dicit, sed qui multa paucis comprehendit. Quo fit, ut paucorum versusum epist. Iliade longior videri queat, si verba superuacanea sint & inania; & longissima, brevis, si nihil otiosum ac redundans. Demetrius tamen de magnitudine epistolæ differens, eius longitudinē contrahi debere censet, sicut eiusdem locutio valde ornata & polita esse non debet. Statuit autem valde longas, & præterea in flatiores ac tumidiores quam oporteret, potius liberos vocandos, quorum principio appositæ sit salutatio. Tales esse multas Platonis, nominatim illam ad Dionis propinquos, & vnam Thucydidis, & Aristot. ad Alexand. Maced. Verum P. Victorius hos auctores excusat: eosq̃ non hoc verum rectumq̃ esse, quod fecerant, existimasse ait, ut erant prudentes & disertī viri: nec iudicio peccasse, sed commoda quædam sua tunc secutos fuisse. Cum enim argumenta cæpissent, quæ paucis exponi non possent, & ad absentes scriberent necessario aliquo modo in hoc vitium incidebant, Non multis interiectis subiungit. Demetrio igitur illa etiam Cic. quæ petijt à L. Luceio, ut res suas gestas scriberet, epistola visa non foret, atq̃ id duabus de causis, & quia satis longa est & quia est omni verborum ornatu, sententiarumq̃ expolita. Adhibuit enim in ea scribenda stylum

Demetrius
de epistola-
rum longi-
tudine.

Plato, Thucy-
dides, &
Aristotel.
purgantur.

Epist. 18,
lib. 5.

cun-

Ep. 6. lib. 4. eundem, quo utebatur, cum domi orationes scriberet. Ipse tamē laudat eam Pomponio, bellamq; appellat, quod vere de ipsa pradicare potuit.

Viucs. Addam illud coronidis loco) Si epistola potest esse quam longissima, & de quavis materia, proponamus ergo salutationem de Officijs, de Amicitia, de Senectute, & mox fient epistola.
Ep. 2. & 20 lib. 9. quis autem hoc dixerit? Non igitur, quidquid salutationem habet, epistola dicetur, si naturam & ingenium epistolæ non habeat, sed melius sape volumen aut liber. Tamen amicitiae vis, & necessitudinis arctior coniunctio interdum longiores, immo longissimas epistolas exigit. Est enim summi amoris, inquit Plinius, negare veniam breuibus epistolis amicorum, quamuis scias illis constare rationem. Et iterum. Tua vero epistola tanto mihi iucundior fuit, quanto longior.

Porro commodum fore duximus, si non nulla tum græca, tum latina exempla adolescentum caussa proferremus earum epistolarum, quæ summam haberent breuitatem, sed elegantiae tamen & leporis haud expertem. In quo genere principatum obtinent Laconica, quarum nomen omnibus iam paucissimorum versuum epistolis commune factum est. *A* Laconicis ergo incipiamus.

Rhodigin.

lib. 18. c. 4.

Disceptantibus Lacedæmonijs cum Argiuis de finibus, verbosiorē paulo epistolam illi Spartam miserunt, minitantes, plurima se illis detrimenta

menta illaturos, ni cederent. Lacedæmonij, ve
 quibus nil fere prolixa oratione foret odiosius,
 quiq; illorum vanitatem non pili facerent, nihil
 prope aliud rescribendum censuerunt, quam
 verbum vnum ἀἰνᾶ, si: ac si dicerent, si poteritis,
 ista re perficietis, quæ nunc timidius promittitis.
 Demetrius, ubi de quarta dicendi forma, nempe
 vehementia disputat, cola, seu membra breuissi-
 ma, vt in quibus maior sit impetus, laudat. Ex-
 exemplum adducit quandam, si ita nominari fas
 est, epistolam Spartiatarum ad Philippum Re-
 gem, qui cum sapienter dicto arrogantem ratio-
 nem Philippi vellent refellere: docereq; qui mi-
 naretur alijs, debere quoq; ipsum aliquid timere,
 exemplo opulentissimi hominis, qui in grauissi-
 mum malum incidit, conditionemq; contrariam
 penitus superiori illi fortunæ, nihil scripserunt
 aliud, nisi: Διονύσι & ἐπ' ἡγοῖνδω. Docet igitur
 Demetrius peccaturos tunc fuisse Spartiatas, si-
 nemq; suum impedituros, si diligenter rem nar-
 rassent: & quod inuolutum in paucis illis verbis
 erat, explicassent. Archidamus Lacedæmonio-
 rum Imperator, cum in Artadiam irrupisset, au-
 dito, hostibus Eleos ferre auxilium scripsit illis
 in hunc modum. Archidamus Eleis. Quies bo-
 na. Non potuit breuius, & suadere quod erat il-
 lis commodum, & minari malum, si quid perpe-
 ram aggredereetur. Plutarchus refert, Athenien-

Huius Dio-
 nyfij M. Tul.
 3. Tus. &
 ep. 18. li. 9.
 meminit.

Archida-
 mus.

In Alcibia-
 de.

ses

*Jes de clade quadam Lacedamoniorum litteras ad Ephoros interceptisse, eas, ut ipse recitat, erant huiusmodi Ἐξῆς τὰ καλὰ. μὴ δ' αὖ πῖσσυται, πεινῶντι τ' ἄνδρες: ἀπορίομεν τι χρῆσιζαῦ. Effluxerunt præclara res. Minda-
rus interijt, esuriunt milites, hæremus quid faciendum sit. Alexand. Philippi filio nescio quid pluribus verbis petenti, responderunt hæc tantū: περὶ ὧν ἔγραψας, &c. De quibus scripsisti, non.*

Βρῶτ' & πειγαμνωῖς.

*Ex epist. M.
Brut.*

Ακούω ὑμᾶς Δολαβέλλα δεδωκέναι χρήματα. ἃ εἰ μὴ ἐκόντες ἔδοτε, ὁμολογεῖτε ἀδικεῖν με· εἰ δ' ἐκόντες, ἀποδείξατε ἑξ ἑμοῦ ἐκόντες δῶναι. Βρῶτ' & Βιδνωῖς.

Αἱ βδλαὲ ὑμῶν ὁμίγωροι. αἱ ὑπεργίαι βραδεῖαι· τὸ τέλ' & τὰ τῶν ἐννοῖσθε.

Κράτης τοῖς νέοις.

*Ep. Cratetis
Philosophi.*

Ἔθζετε ἑαυτοὺς ἐσθίειν μᾶζαν, καὶ πίνειν ὕδωρ. ἰχθυῶτε καὶ οἶνον μὴ γενέσθαι· ταῦτα γὰρ τοὺς μὲν γέροντας ἀποθνησκοῖ, ὡς περὶ τὰ τ' κίρκης φάρμακα· τὰ δ' ἐνέους ἀποθελύει.

*Gellius quosq; lib. 20. cap. 4. Alexā-
dri ad Aristotelem, ut huius ad Ale-
xandrum epistolia, super libris Phisi-
corum*

torum editis, recitat, eaq; ob breuitate elegantissime filium vehementer commendat.

Cicero Basilio S. D.

Tibi gratulor, mihi gaudeo, te amo, tua tueor. A te amari, & quid agas, quidq; istic agatur, certior fieri volo. Vale.

*Ex epist. M.
Tullij Cicer.
ep. 16. li. 6.*

Cicero Terentia sua S. P. D.

Si vales, bene est, ego valeo. Da operam vt conualescas. Quod opus erit, vt res tempusq; postulat, prouideas atque administres, & ad me de omnibus rebus quam sapissime litteras mittas. Vale.

Ep. 21. l. 14

Cicero Attico S.

Iucundissimas tuas legi litteras. ad Plancum scripsi, misi: habes exemplum. Cum Tirone quid sis locutus, cognoscam ex ipso. Cum sorore ages attentius, si te occupatione ista relaxaris.

*Ad Attic.
ep. 15. l. 16*

C. Plin. Titiano S.

Quid

*Ex Plinio**Secundo.**ep. 32. li. 9.**In alijs.**Quid agis?**quid accu-**rus es? ipse**vitam iu-**cundissi-**mā, id est,**otiosiss. mā**viuo.*

Quid agis? an quod ago ruri ipse? vitam iucundissimam? id est, otiosissimam? Quo fit, vt scribere longiores epistolas nolim, velim legere. Illud, tamquam delicatus: hoc, tamquam ociosus. Nihil est enim aut pigrius delicatis, aut curiosius otiosis. Vale.

*C. Plin. Saturnino S.**Ep. 38. l. 9.*

EGo vero Rufum laudo, non quia tu ita vt facerem petisti, sed quia ille dignissimus. Legi enim librum omnibus numeris absolutum, cui multum apud me gratiæ amor ipsius adiecit. Iudicaui tamen: neque enim soli iudicant, qui maligne legunt. Vale.

*Ex Angelo**Politiano.**Angelus Politianus Cesari Car-*
*mento suo S. D.**Ep. lib. 7.*

Contemni te putas, quod non rescribo. Contemnerem, si rescriberem. Quos enim contemno, respondere his audeo vel occupatus, tibi nec otiosus.

*Angelus Politian. Amico S. D.**Ibidem.*

IRasceris, quod iste me Simius carpit. Non ideo me carpit, vt carpat, sed vt sibi

sibi victū quærat homo famelicus apud quosdā, qui multum gaudēt assentatoribus, plus tamen detractoribus. Vale.

Angelus Politian. Inuido.

INuides omnibus omnia, præter inuidiam. Sed & hanc inuides tuo compari, qui magis inuidus etiam quam tu. Sic inuidiam tibi non inuidet, quam tu illi tamen inuides. Ita rursus ille minus inuidus, Qui sitis, non dicam, ne miserriores faciam, quam nunc estis. Nam si nomen vestrum proferrem, nomen quoque ipsum vobis inuideretis, nec vterque vtrique modo, sed & vterque sibi. Vale.

Angelus Politian. Laurentio Medici S. D.

CYgno poëta similis, vterque candidus, vterque canorus, vterque fluuios amas, vterque Phæbo gratus. Sed negatur canere cignus, nisi cum Zephyrus spirat. Quid igitur mirum, si tacco tam diu tuus poëta, cum tu tam diu non spires meus Zephyrus? Vale.

C

De

De perspicuitate epistolæ.

CAPVT VII.

*De perspi-
cuitate
Quintil.
lib. 8. ca. 2.*

IN omni oratione præcipuam mere-
tur laudem, primâq; virtus est per-
spicuitas, vt multo libentius ignoscen-
dum videatur scriptori inculto, aperto
tamen atq; dilucido, quam politissimo
quidē, sed implicato & obscuro. Nam
ille superior minus iudicatur effugere
vitium potuisse, cum plerunq;, quos
inelegantes & inquinatos, eosdem im-
peditos & tenebricosos, & quos orna-
tos atq; nitidos, eosdem maxime per-
spicuos in scribendo cernamus. Danda
igitur est opera diligens, vt quę scribi-
mus, ab alijs intelligantur. Satius, n. est,
mutum esse, quam dicere quod nemo
intelligat, inquit in Anton. Cicero.
Quamobrem fugienda sunt verba pri-
sca, inusitata, impropria, poëtica, dura
atq; barbara, quibus auctores quidam
iam olim latinum sermonem deforma-
runt, quorum lectioni magna cum cau-
tione,

tione, neq̃ nimis assidue incumbendū est. Fugiendi archaismi, quales apud Plautum præsertim multi leguntur: nec quia latinitatis magister optimus, & ad familiarem quotidianamq̃ collo- cutionem, cuius imago est epistola, per- accommodatus habetur ille Comicus, idcirco quiduis Plautinum siue comi- cum in nostra scriptione vsurpabimus. Illud tamen sciendum, non statim ob- scurum esse, quod aliquis parum litte- ratus, & in bonis probatisq̃ scriptori- bus minimum versatus non intelligit. Sunt etiam, qui tenebras se inuenire queruntur in alienis scriptis, quas ipsi- met secum attulerunt. Præterea, eru- ditorum & familiarium hominum epi- stolæ solent esse minus clare: illorum, propter varias allusiones, amphiboli- as, ellipses, prouerbia, iocos, ænigma- ta, sententias reconditas & abstrusas; horum, præcipue propter breuitatē, & res ipsis inter se tantum notas. Vtraq̃ de causa difficiles sunt ad intelligendū ep. M. Tullij ad Atticum.

Gregor. Nazianzenus de epistolæ perspicuitate hunc in modū præcipit. De perspicuitate illud constat, oportere, qui elaboratum vitet, quantum oporteat, magis ad id, quod communius est, inclinare. Et, ut complectar paucis, optima est & pulcherri-
ma epistola, quæ tum indoctum, tum etiam eruditum persuadere possit: indoctum, ut ad multitudinem scripta, eruditum, ut multitudinis captum superans. Item, quæ sua sponte intelligitur. Æque enim absurdum est, & griphos, considerare, & epistolam interpretari.

SCHOLIA.

Præcipuam meretur laudem) Quod enim non intelligitur cum dicitur aut legitur, perinde est ac si non dictum aut scriptum esset. fertur D. Hieronymus Persium poetam Satyricū in ignem propterea cōiecisse, quod eum legens propter obscuritatem non posset intelligere. Quidam de industria obscure locuti sunt, ut Aristotel. qui sua mysteria noluit à quouis etiam ignauo cognosci, & Heraclitus Physicus, qui de natura nimis obscure memorauit σκοτειν & cognomentum adeptus est. Hoc Cicero arbitratur sine reprehensione fieri,

D. Hieron.
combustit
Persium.

Aristot. &
Heraclitus
obscuri.

ne fieri, si videlicet de industria id facias quem-
admodum etiam, si rerum obscuritas, non verbo-
rum faciat, ut non intelligatur oratio: qualis est 2. de finib.
in Timæo Platonis. Nos nihilominus ab episto-
la omnem prorsus obscuritatem, ipso quoque Cice-
rone haud inuito, abesse oportere iudicamus.

*Ecquid etiam græcas voces, &
quando, epistolis admisce-
re possimus.*

CAPVT IIX.

TAmetsi adeo inconsideratus nemo
adhuc reperiri potuit, qui græca
latinis inferere, in epistola potissimum,
fas ac licitum esse negaret, existunt ta-
men, & extiterunt non ita pauci, qui id
fieri aliquanto egrius paterentur, ado- μισηλ-
λινες.
lescentumque animos nescio qua religio-
ne obstringerent, & interdum dicen-
da mallent prætermittere, quam græce
quidquam proloqui. Isti nobis M. Tull.
opponunt, apud quem est in 1. Tuscul.
his verbis. Dicam si poterolatine, scis

Saty. vlt.
lib. 1.

Saty. 1.

Saty. 6.

enim me græce loqui in latino sermone non plus solere, quam in græco latine. Hoc approbans Auditor; & recte quidem, inquit. Idem in 1. de off. præcipit eo sermone vti nos debere, qui notus sit nobis, ne vt quidam, verba græca inculcantes, iure optimo irrideamur. Præterea, Q. Horatius eos reprehendit, qui Lucillium poëtam Satyricum idcirco admirabantur, quod verbis latinis græca miscuisset: perinde ac si sermo lingua concinnus vtracq; suauior esset. Adde A. Persium eos poëtas vituperantem, qui ad aucupandum doctrinæ nomen idem facitabant, quod Lucillius. Nugari solitos græce &c. Iuuenalis quoq; huiusmodi sermonis græci affectatores iracundius carpit;

omnia græce,
Cum sit turpe magis nostris nescire latine.
Hoc sermone pauent, hoc iram, gaudia, curas,
Hoc cuncta effundunt, & quæ sequuntur.

Nunc age paucis respondeamus.
Quod ad Ciceronem attinet, quam ille multis

multis vocabulis græcis passim in suis monumentis sit usus, Guilhelmus Budæus copiose ostendit: qui non versus *Comment. lingue græcæ.* ras modo fecerit à græcis, sed etiam, quæ mutuatos esse maiores suos nouerat, quæq; idem ipse tamquam vtenda rogauerat, abiurare posteritatem suam docuerit, pro suisq; tueri, & possidere. In epistolis autem integras sententias enuntiat, & ad Atticum paucissimæ sunt sine vocibus græcis. Intelligendum est igitur, frequentiam & crebritatem, & minime necessariam græcorum nominum sententiarumq; inculcationem prohiberi. Cæterum in Tuscul. disput. quos libros legi & cognosci volebat ab omnibus, etiam qui græce nescirent, merito à græcis abstinuit. De poëtis nihil laboramus: fatemurq; carminibus græca vocabula parum concinne, eleganter, aut saltem vilitate interponi. Etsi id in epigrammatis faciat Ausonius.

Quando &
quomodo
græci vien-
dum.

I.

II.

III.

Supereſt, vt doceamus, cū fieri poſſit, quando & quomodo faciendū ſit, iudicio enim opus eſt, ne peccemus. Primū, ſi vel in ſententia, vel in verbo græco ineſt, aut graue, aut argutum aut ſuaue, aut iocoſum, aut demū eiufmodi aliquid, quod latine elatum, feſtiuitatem vimq; ſuam amitteret. Norunt proſecto græce docti, quam illa omnium præſtantiffima lingua, talium Gratiarum ac venuſtatum omnes penus omneſq; cellas refertas habeat. Graijs ingenium, Graijs dedit ore rotundo Muſa loqui, vt ait Horatius ad Piſonem. Tum, ſi quid exprimi, niſi fortasſe barbaro, & latinis auribus inaudito, vocabulo non poſſet: hîc noſtram ægeſtatem Græcorum copia ſubleuabit. Item, apud familiares eoſdēq; eruditos, quibus multa paucis per alluſiones ad hîſtorias, fabulas, per dicta ſapientum, verſiculos poëtarum, prouerbia, & inſinuationes ſignificare velimus. Quas ad res, mirum dictū, quantum nobis det facultatem lingua græca.

His

His de causis tam sæpe ad Attic. scribens M. Tullius græcas voces usurpat, & Paul. Manut. ad Muretum frequentius, quam ad alios ἐκλεῖσθαι, ut obseruauimus.

Cicero porro, cum græcam sententiam adducit, fere aut prima tantum attingit verba, reliqua tamquam nota prætermittit: aut ita totum recitat, ut aliqua tamen mutatione ad id, quod sibi propositum est, accomodet. Vtriusque generis plenæ sunt epistolæ. Exempla omnium quæ diximus, non grauaremur adiungere, nisi longitudinem fugeremus. Magistri vtriusque linguæ vel mediocriter gnari, quod nos omisimus, inter docendum præstabunt, & exempla è Cicerone potissimū, & Plinio Secundo deproment.

*Paul. Man.
comment. in
ep. 9. lib. 1.
ad Q. F.*

SCHOLIA.

Qui Lucillium poëtam) *Lucillij versus, in quibus verba græca latinis miscuit, hi recitantur in Orat. perf.*

C 5

Quam

*Quā lepide lexes composta, ut tesserula omnes,
Endo pavimento, atq̃ emblemate vermiculato.*

Et in 2. de finib.

*In quo Latin' clamores sophos ille solebat
Edere.*

Et 3. de Orat.

Crassum habeo generū, ne rhetoricotero' tu sis.

Quæstio.

Vinea.

*Quærat aliquis, utrum in latina epistola,
non græca modo, sed Germanica item, Gallica,
Hispanica, aut cuiuspiam alterius barbari idio-
matis vocabula atq̃ versus inserere concessum
sit. Quidam huius rei potestatem nobis largiun-
tur, asserentes, M. Tullium non quod lingua græ-
ca elegans & exulta esset supra ceteras, idcirco
res arcanas illa contexisse: sed quod Attico no-
ta esset. Quod si aliam quandam à Romanorum
vsu remōtiorem sciisset Atticus, eam ipsam
vsurpaturum fuisse Ciceronem, in rebus, quas
nolebat euulgari. Nos totum hoc in medio re-
linquimus, & ut magnopere non probamus, sic
non valde reprehendimus. Illud non placet,
tantummodo arcanorum occultandorum gratia
vocibus græcis M. Ciceronem uti voluisse.*

Omni-

*Omnibus ne in rebus epistola
versetur.*

CAPVT IX.

Propriam esse materiam epistolæ,
& non omne argumentum per
eam commode explicari posse, cultis-
simus grauissimuscq; scriptor Deme-
trius Phalereus ex auctoritate Aristo-
telis (quem ipse veram & legitimam
epistolæ scribendæ formam consecu-
tum esse arbitratur, ac Simplicius quo-
que commentarijs in categorias affir-
mat) ostendere conatur. Aristoteles
igitur in epist. quadam sua hoc ipsum
satis docuerat, cum ita scripsisset: τὸ το
δὲ ἔγραψό σοι: ἔγραψα ἐπιστολικόν. hoc au-
tem nō scribo ad te: non enim epistolæ
accomodatū est. Quare, inquit Deme-
trius, si quis epistola sua acutas dispu-
tationes persequatur, quales fuerunt
eorum, qui Sophistæ dicebantur, siue
naturæ ipsius rationem explicet, hic
nequaquam epistolam scribere dicen-
dus

*Aristoteles
perfectus in
scribenda
epist.*

*Pulchrum
præceptum.*

*ὅτι οὗτος ἀπὸ
μυχαῖνης.*

dus est. Scriptio enim quædam huma-
 nitatis illecebrarumq; plena debet esse
 epistola, & illa quidem brevis & sim-
 plicis cuiusdam rei expositio, eodemq;
 pacto simplicibus nominibus texti. Et
 paulo post, cum declarare vellet, in quã
 culpam incideret, qui tamquam sen-
 tentias cuderet, dum scriberet episto-
 lam; & aliquem accurate quopiam im-
 pelleret autoritate sua, inquit: Qui au-
 tem sententias edit, & suadet aliquid,
 non ei similis est, qui per epistolam lo-
 quatur, sed per machinam, hoc est, per
 instrumentum quoddam, quo in sce-
 nam personæ Deorum repente descen-
 debant. Proprium ergo putat Deme-
 trius præstantissimę illius nature, præ-
 cipere hominibus, quid facto opus sit,
 & quæ sequi illos oporteat in vita, aut
 fugere. Cicero ad Q. F. lib. I. epist. 1.
 cum eum de iracundia, qua laborabat,
 & quæ cæteras Q. laudes obscurabat
 nonnihil, fraterne reprehendisset, non
 addit ea, quæ sententiam nostram val-
 de confirmant. Quare illud non susci-
 piam

piam, ut quæ de iracundia dici solent à doctissimis hominibus, ea tibi nunc exponam, &c. Illud, quod est epistolæ proprium, ut is, ad quem scribitur, &c. Significat ergo Tullius, disputationes huiusmodi, etiam morales, non cadere in epistolam. Vnde percipitur, cuoluta vi naturæ per epistolæ, quanto peius peccent illi, qui res obscuras, & remotas à sensibus hominum communique vitæ, includebant in epistolis. Epicurus autem in eam culpam potissimum incidit, ut intelligere licet ex scriptis Laertij, quibus vitam ipsius subtiliter persecutus est: nouam enim illam suam rationem cum integris voluminibus antea copiose explicasset, de iisdem rebus scripsit postea ad amicos nonnullas epistolas, quibus erudire ipsos voluit, & tradere paucis disciplinam illam, cuius ipse princeps & auctor fuerat: hoc enim ipsi sedulo ab eo petierant, qui vellent degustare præcepta primo illo tempore mirifice grata & accepta hominibus. Leguntur autem tres huiusce-

*V. Horius in
Comment.*



*Epicurus
notatur.*

πρὸς τὸν Ἰουλιανὸν ἰουλιανὸς ἐπιστολῆς ἰλλῖς: quartum prima est ad Herodotum, de rebus naturalibus. Secunda ad Pithoclem, de rebus superis. Tertia ad Menæceum, de rebus bonis & malis.

SCHOLIA.

Βιωτικῶν.

Seneca.

Ficinus.

Error com-
munis.

Acutas disputationes persequatur) In eadem naui est Seneca maior, cuius epistolæ, quid sunt aliud, nisi volumina de Philosophia? & Marsilius Ficinus, qui in epistolis suis de Platonis questionibus perpetuo fere disputat. M. Tull. moralis Philosophiæ locos (ei enim mirifice deditus fuit) gravissimos sæpe inserit. Immo etiam aliquoties Physica attingit. De Repub. vero sapientissime, elegantissimeq; loquitur tam crebro, ut si illius sententias congerere velimus, non sit futurus modus. Verum aliud est tota epistola de re difficili, obscura, minime in vulgus nota differere, aliud ipsam graviter & erudite dictis interdum aspergere. hoc aut vitiosum non est, aut longe minus quam alterum, vitiosum. Quod si doctrina Demetrii vera est, ut ego quidem bona ex parte, si non omnino, veram esse mihi persuadeo, multi hodie in errore magno hærent, qui epist. eruditas quarunt, & nisi quæ ingeniosa, plena rerum & argumentorum sit, legere non dignantur: cū tamen ut audiimus in hoc ipso

ipso capite, epistola scriptio quædam humanitas illecebrariq; plena esse debeat, brevis & simplicis cuiusdam rei expositio, & simplicibus nominibus contexta. Istuc profecto non erit, nec esse poterit, si de abstrusis, Philosophicis, Theologicis aut Medicis, similibusq; rebus conscribatur.

De tribus epistolarum characteribus.

CAPVT X.

Sicut in omni oratoria elocutione tres sunt dicendi figuræ, grauis, mediocris, humilis, sic varij sunt epistolæ characteres, longe tamen ab illis (si doctis quibusdam viris credimus) diuersi; cum illis hi inferiores sint. Pro qualitate enim materiæ de qua agitur, & personæ cui scribimus, vel grauitè, vel summissè, vel moderate scribendum est.

*Cicer. in Orat. perf.
Quint. l. 12. cap. 10.
Q. Cornif. lib. 4.
Demet. Phaleren.*

Nam locosæ & familiares epistolæ, & quæ de domesticis rebus tractant, vel ad eos, quibus scribimus, spectantibus, in humili genere constituuntur. Ideo

Figura attenuata.

Ideo nullam his adhibendam esse artem, & sine cultu scribendas multi admonent: quinimmo, quotidianis texendas esse verbis, & plebeio utendum sermone, Cicerone, Seneca & alij docent.

Figura subtilis. Vide Quint. li. 9. cap. 4.

Epist. 21. lib. 9.

Cum autem de Philosophia, de religione, de Deo alijsque huiusmodi argumentis grauib (de quibus certe, quid Demetrius senserit ac statuerit, iam didicimus) quidquam exponimus, in summo scribendae sunt genere: verum ita, ut ex Ciceronis auctoritate, nihil simile habeant, aut iudicio, aut con-

Figura temperata.

Commendatitiae vero, & quibus vel accusamus, excusamusque, vel petimus, vel gratulamur, vel aliquid hoc genus facimus, mediocrem figuram desiderant: modo ne ad principes & magistratus, ad doctos & graues viros scribantur, tunc enim grauitatem quandam potius flagitare, quam hoc temperamentum videntur. Quales enim putamus fuisse epistolas illas, quibus viri eloquentes & docti, atque ipse in primis

Ari-

Aristoteles Alexandrum Magnum, incensum cupiditate verissimæ gloriæ, cohortabatur ad decus: Iam vero, quæ leguntur Domesthenis ad Philippum, habere eas quiddam amplum, longeque distare à communi sermone, negari non potest. Nec desunt Ciceronis in hoc genere nonnullæ, ut illa ad Luceium lib. 5. Fam. de sui consulatus historia separatim componenda: & illa ad Dolabellam li. 9. qua ei de sublata columna & ijs, qui eam Cæsari mortuo, tanquam Deo, in foro crexerant, supplicio affectis, gratulatur. In illa vero ad Lentulum, quæ incipit, Periucundæ, *Ep. 9. lib. 1.* partes multæ sunt, in quibus aliquanto maior vel verborum copia, vel sententiarum splendor apparet, quam dialogi ratio, & natura postulet. Age, quid in ea dialogo simile reperitur, in qua M. Brutus Ciceronem accusat, quod suppliciter nimis, ac demisse, ad Octavium scripsisset? Verum hoc, quidquid est licentiæ, prudentia moderatur: tempus, personarum dignitas, res ipsa,

D quo-

1. Philipp.

Ep. 9. lib. 1.

Epist. 16.
ad Brutum.

quousq; progredi liceat, ostendit. Proprie vero, simplici stylo contentæ sunt epistolæ. Ne mireris igitur, si epistolas de pace seu bello scriptas à nonnullis in graui genere positas inuenias, ab alijs in mediocri. Nam in eodem etiam argumento, in quolibet epistolarum genere non semper (vt docti asserunt) eodem utemur stilo: sed modo tenui, modo graui, modo medio, & rei naturæ inferuientes, & temporibus ipsis, & personarum dignitati, tum nostrarum qui scribimus, tum eorum ad quos scribimus.

*Paul. Man.
in epist. 1.
ad Lentulũ.*

Proprie tamen & simplici argumento, & simplici stylo contentæ sunt epistolæ. Recte, & festiue Cicero ad Pætum. Quid tibi ego videor in epistolis? nonne plebeio sermone agere tecum? nec enim semper eodem modo, quid enim simile habet epistola aut iudicio, aut concioni? quin ipsa iudicia non solemus omnia tractare vno modo: epistolas vero quotidianis verbis texere solemus. Idem tamen, qui hoc præcipit,

pſit, non vſquequaque ſeruat ſuam regulam: indulget enim ingenio nonnumquam, & epiſtolas concinnat, atq; ornat verbis aliquanto illuſterioribus, quam quæ populo familiaria, & comuni ſermone trita ſunt. Sed hoc eiufmodi eſt, vt, immodice, ac temere ſi fiat, ſtultitiam pariat, & in reprehenſionem incurrat: ſin modice, & loco, delectet ſine ſatietate, & laudem aſſequatur. Decet igitur idem, & dedecet, pro utentis ingenio, quod alijs quoq; rebus contingit. Hac virtute vel ſolus inter Latinos, vt mihi quidem videtur, vel certe maxime omnium Cicero excelluit. Demotheſenem quidem ita vicit, vt comparatio nulla ſit: quod Quinctilianus quoq; vidit.

SCHOLIA.

Oratores varijs dicendi generibus uſi ſunt, vt in 2. de Orat. & Orat. perf. M. Tullius ostendit. Quamquam vero inter orationes & epiſtolas magnum eſt diſcrimen, tamen ab illis ad has, aut ſaltem ad locos aliquot harum, transferri omnes illas tres dicendi formas, graue ſiue amplam, te-

Li. 9. ep. 21

Epist. 21.
lib. 9.

nuem, & mediam nemo, opinor, negabit. Et licet verum videatur illud; epistolas quotidianis verbis texere solemus, & plebeio sermone agendum esse, tamen ipsemet Cicero aliquando verborum fulmina adhibuit, sic enim exorditur epistolam ad Papirium Pætum: *Ain³ tandem? insanire tibi videris, quod imitere verborum meorum, vt scribis, fulmina? Sane cum tam varia sint epistolarum genera, scriptionem quoq; earundem variam esse rationi consentaneum est. Quis enim nescit, eum qui familiariter iocatur, alio dicendi charactere vti, quam eum qui seuerè grauiterq; scribit? Immo sicut non vno modo iocamur, ita non in omnibus iocosissimis literis vna est orationis forma: & vt non est vnum earum litterarum quæ serio grauiterq; scribuntur argumentum, ita non idem omnino in vnaquaq; earum genus orationis oportet adhibere. Quemadmodum enim ipse Cicero non omnia iudicia vno modo tractari solere dicit, sed priuatas causas, & eas tenues, agi subtilius, capitulis aut famæ ornatiis: sic non omnes epistolas graues, in quibus vel de Repub. vel de alia quapiam magni momenti re agitur, eodem sermonis genere scriptas esse, sed quibusdā multo plura esse adhibita elocutionis ornamenta existimandū est. Quinetiam quemadmodum oratorum bonorum duo esse genera scribit in Bruto ipse Cicero, vnum attenua-*

te presseq̃, alterum sublate ampleq̃ dicentium, ita fortasse quarundam etiam epistolarũ sermonem attenuatum ac pressum, quarundam sublatum esse dicere possumus. Demetrius narrat permutatis personis, mutari etiam aliquantulum debere stylum rationemq̃ omnem scribendi. Si fuerint scilicet illæ inter se magno intervallo discrepantes, vt sunt regum atq̃ opulentissimorum virorum, siue ciuitatum nationumq̃ ac priuatorum hominum. Sic enim inquit, Quia autem & ciuitatibus aliquando, & regibus scribimus, sint sane huiusmodi epistolæ paulum elatæ: proponere enim sibi oportet eum, qui scribit, personam eius ad quem scribit: efficereq̃ vt illa ipsi respondeat.

Epistolarum complura esse genera.

CAPVT XI.

IAm, quo melius & facilius epistolarum artem percipere possimus, ad ipsarum genera descendere operæ precium duxi. His enim cum suis partibus cognitis, ipsorumq̃ artificio per-
D 3 spectro,

*Plinius ep.
2. lib. 9.*

ſpecto, breui temporis currículo, non modo ſcholasticas, quas appellant, vmbraſilesq; epiſtolas, à præceptore dictatas, optime nobis conficere licebit: verum etiam noſtro Marte, vel meditati, vel ex improviſo per fertiles & amœnos epiſtolarũ campos, mira quadam animi noſtri delectatione vagabimur, non ſine maxima omnium admiratione. Nam licet, vt dictum eſt, nullam artem ex intimis Rhetorum præceptis expromptã amet epiſtola, quodam tamen artificio, non ſolum ex natura natum, ſed ex ipſa etiam Rhetorica excerptum, in Cic. Plinij, aliorumq; clariffimorum viſſorum epiſtolis obſervatum, non aſpernari videtur. Quod quidem ſua ferè ſponte, vel negligentia quadam diligentia à nobis re quiſitum, ſeſe offerre ſolet. Epiſtolarũ igitur genera varia eſſe, varij dixerunt; alij tria, alij viginti, alij quadraginta, alij octaginta, alij tot demũ epiſtolarum genera eſſe ſcripſerunt, quod ſunt materiæ, quæ quotidie eueniunt, de quibus

bus dici potest, quæ quidem sunt infinitæ. Verum ego, quotcunq; tandem sint, de illis tantum disputandum esse censeo, quæ frequentiora sunt, ad quæ cætera, si plurima esse voluerimus, referri possunt, & de quibus ab omnibus fere, qui de conscribendis epistolis præceperunt, dictum quã optime quamq; diligentissime fuit. Hoc loco pulchram sane & eruditam epistolarum distributionem ex Paulo Manutio ad verbum scribam.

Duo epistolarum genera sunt: quorum alterum græce ἠθικὸν alterũ πραγµατικὸν, vocatur: nos morale, & negotiale possumus apprellare. Omnium enim epistolarum argumenta vel à negotio, vel ab officio, tamquam à duobus fontibus deducuntur. Ne- Negotiales.
gotiales, quo res in statu sit, siue nostra, siue aliena, siue priuata, siue publica, significant. nec, si quæ sunt, in quibus aliqua de re disputatur, ab hoc genere disiungo. nostrum enim negotium videtur esse, si ultro scribimus:

aliorum si rogati. Quamquam disputationes remouet ab epist. scriptor egregius Demetrius, at non Latini. Nam Varro quaestiones multas epistolis explicauit, ut Gellius & Carisius docent: & Valgius Rufus, ut idem Carisius ostendit, scripsit de rebus per epistolam quaesitis, qua nos quoque in inscriptione delectati sumus.

Morales.

Morales officium potius quam negotiū, continent. quod genus late patet. Hinc enim emergunt, quaecumque aut humanitatis, aut beneuolentiae, aut alicuius omnino virtutis aliquam significationem habent: ut commendatitiae, consolatoriae, letitiam aut dolorem indicantes, admonentes, hortantes, querentes, obiurgantes, gratias agentes, rem ut summatim complectar, quae materiam à negotio non sumunt.

Mista.

Tertium quoddam genus, ex utroque mistum reperiri non negauerim: sed hoc ut aequaliter ex utroque constet, id est ut eae causae, quae ad scribendum adduxere, graues aequae sint, nec morales negotialibus, aut negotia-

gotiales moralibus vincantur, per quam raro solet euenire. Quod si morale, aut negotiale in epistola mista excellat, (quod autem, ut ea scriberetur, vehementius impulit, id dico excellere) quis dubitet, quin, quæ res in ea plus habet ponderis, eadem ei nomen tribuat? Non enim in assignando genere vel partes nominanda sunt, vel longitudinis habenda ratio est: possunt esse plures morales partes, quam negotiales omnes: nec tamen ad morale genus epistola pertinebit. Quo enim (ut iam dixi) præcipue adducimur ad scribendum, id siue multis, siue paucis verbis exponatur, epistolas facit aut negotiales aut morales. Ac morales quidem in simplici plerumq³ versantur argumento: suisq³ quasi finibus contentæ, negotialem materiam non attingunt: negotiales contra, non quia necesse sit, sed quia deceat, morale sæpe aliquid assumunt. Possum probare exemplis, possum auctoritate eorum, qui de epistolis præcepta tradiderunt: sed ipsa quoq³ in promptu ratio est. Quis enim cum scri-

Negotiales
sæpe assu-
munt moras
le.

bit, quod vel sua, vel eius ad quem scribit, intersit, aliquam rei perficienda cupiditatem non exponit? quis ad ea quae restant, curam & diligentiam non pollicetur? quis aut confecto negotio non letatur: aut desperato, non dolet? quae interdum grati animi, humanitatis quidem semper signa sunt. Moneor etiam non leuiter auctoritate Demetrii, scripsoris accurati in primis & docti: Πλεῖστον, αὐτὸ ἐχέτω τὸ ἠθικὸν ἢ ἐπιστολὴν, ὥσπερ καὶ ὁ Διάλογος: χεῖρόν γάρ ἐκὼνα ἐκαστὸν τῆ αὐτῆς ψυχῆς γράφει τὴν ἠθικὴν. Plurimum habeat epistola moralitatis, ferme enim unusquisque imaginem animi sui scribit epistolam. Exempla vero Ciceronis ad Lentulum scriptae epistolae suppeditant: negotiales enim omnes fere sunt: & his tamen morales Cicero libenter admiscet, nimirum officij causa: ut, in patriam opera ac virtute Lentuli reuocatus, tanti beneficij memoriam, & remunerandi studium declaret.

SCHOLIA.

M. Tul.

M. Tullius epistolam quandam sic orditur. Ep. 4. li. 1.
Epistolarum genera multa esse non ignoras: sed
unum illud certissimum, cuius causa inuenta
res ipsa est, ut certiores faceremus absentes, si
quid esset, quod eos scire aut nostra aut ipsorum
interesset. Huius generis literas à me profecto non
expectas. tuarum enim rerum domesticarum ha-
bes & scriptores & nuntios: in meis autem rebus
nihil est sane noui. Reliqua sunt epistolarum ge-
nera duo, quæ me magnopere delectant: unum
familiares & iocosum; alterum seuerum & graue.
Ubi mens eius non fuit, quotquot essent, episto-
larum formas recensere, cum non harum modo,
verum & aliarum pene omnium quæ in hoc li-
bro tractantur, pulcherrima exempla apud ipsum
liceat inuenire, & epistolæ 13. lib. 4. hoc est in-
tium. Querenti mihi iam diu, quid ad te potissi-
imum scriberem, non modo certa res vlla, sed ne
genus quidem literarum vsitatum veniebat in
mentem. Vnam enim partem & consuetudinem
earum epistolarum, quibus secundis rebus uti so-
lebamus, tempus eripuerat: perfeceratq; fortu-
na, ne quid tale scribere possem, aut omnino co-
gitare. Relinquebatur triste quoddam & mise-
rum, & his temporibus consentaneum genus lit-
terarum, id quoq; deficiebat me, in quo debebat
esse aut promissio auxilij alicuius, aut consolatio
doloris tui. Viden' hic gratulatorias, pollicita-
torias,

Cicer. nolue
it 3. solum
epistolarum
genera po
nere

torias, consolatorias epistolas satis aperte indicari? Voluit autem quiddam dicere & concludere Cicero ibidem, cui conclusioni seu complexioni hæc diuisio tripartita satis idonea videbatur. *Ceterum, non ita absurde sentiunt, qui alias omnes species ad tres illas, de quibus Cicero dixit, reuocari posse arbitrantur, & quæ ad primum genus rediguntur necessarias; quæ ad secundum, iucundas: quæ ad tertium, viles vocant. Recte enim epistolas quibus certiores facimus absentes si quid sit quod eos, et quæ sequuntur, necessarias appellabimus, familiares autem & iocosas merito iucundas: seueras & graues optimo iure viles esse dicemus. Quoniam igitur reuocari posse affirmauimus, videamus, quo pacto id commodè fiat.*

Reliquas
formas pos-
se reuocari
ad tres.

Ad tertiã.

In seueris igitur & grauibz primum tenent locum Consolatoriæ, in quibus philosophicis sententijs maxime locus est, cum sapientissimi viri in consolando libenter ac multum versati sint, & sit potius grauißimi hominis, quam cuiusuis alterius, consolari. Huc pertinent Obiurgatoriæ siue Reprehensoriæ, Expostulatoriæ, Accusatoriæ, Hortatoriæ, Debortatoriæ, Excusatoriæ, Exprobratoriæ, Inuectiua, &c. Ad secundum genus, earum nimirum, quæ ab ipso Cicerone familiares nominantur, pertinere dici possunt, Gratulatoriæ, Lamentatoriæ seu Flebiles, tum præsertim,

Ad secundam.

sertim, cum non nostras ipsi calamitates, sed amici, deploramus. Immo etiam tum, quum nostras ipsi miscrias lugemus ac deploramus, nostrumq; dolorem, gemitus & lacrymas in sinum amici velut effundimus, familiarium nomine comprehendi poterunt. Huc item referuntur Commendatitia, Deprecatoria, Petitoria; maxime cum hoc genus, illa dua quas iam nominabamus eius sint species, ad hac Gratiarum attrices, quibus Petitoria plerunq; materiam præbent, & Officiosæ. In primo autem genere poterunt reponi Domestica, quibus scilicet res domestica nuntiantur, deinde illa, quæ de alijs rebus non perinde necessarijs scribuntur, utramq; speciem nuntiatorias vocemus. Vide etiam

Ad primã.

Brandolin. cap. 1.

libr. 2.



PARS

PARS ALTERA.

De salutatione in capite epistolarum adhibenda.

CAPVT XII.

VEteres illi cum congredierentur, aut aliqui alter in alterum fortuito, vt fit, seu alij in alios inciderent, ex primis verbis quæ proferrent, futuri sermonis omen quoddam capiebant. Quo igitur congressio illa confabulatioq; siue colloquium faustum boniq; foret ominis, vicissim inter se salutem precabantur. Hinc apud poëtas, cum aliquid magni incipiendum, aut gerendum est, iubemur dicere bona verba, fauere linguis, & apud Græcos ἐν φημῶν malum quippe sermonem rei infelicitatem portendere credebāt. Hanc consuetudinem ad epistolam, quæ, vt sæpe dixi, collocutio est absentium, græci latiniq; homines transtulerunt, & eam à salu-

*Origo salu-
tationis.*

à salute inchoarunt. Qua ratione statim beneuolam & amicam erga illos, quibus scriberent; voluntatem suam declarare, illorumque gratiam inire uoluerunt. Ad quod sane multum valere existimabant, si mutuo precarentur salutem, pua nihil est melius: uerissime namque dictum à quodam accepimus.

οὐκ ἔσθ' ὃ γείας κερταίου ὀδὲν ἐν βίῳ.

Nil uita melius sanitate possidet.

Ex monastichis uariorum poetarum.

Salutabant autem in tertia persona. M. Tull. Appio Pulchro S. D. uel quod illa enallage personæ quandam uideretur habere festiuitatē, uel quod antiquitus salutatio epistolæ ipsi non adderetur, uerum intergo eius pro titulo, tanquam à tabellario recitanda scriberetur, seu, ut is moneretur, cui epistolam deberet reddere. Sed fuisse eiusmodi titulos partem epistolæ, & in exordio scriptos, multis & euidentibus argumentis potest planum fieri.

Virum salutatio seu titulus, fuerit pars epistolæ.

Primum, quoties Cicero, Salustius, Cæsar, Demosthenes, & alij epistolam aliquius

uius

cuius referunt, vel suam vel alienam,
 sic exordiuntur: Antonius Hirtio &
 Cæsari: Lentulus Catilinæ salutem:
 L. Catilina Catulo S. Cn. Pompeius L.
 Domitio S. βασιλεὺς μακεδόνων φίλῳ
 πρὸ ἀθηναίων τῇ βουλῇ καὶ τοῖς δήμῳ χαίρειν.
 Rex Macedonum Philippus S. P. Q.
 Atheniensium S. D. Ovidianæ episto-
 læ idem habent initium, etsi more poë-
 tico variatum. Quid attinebat, si illa
 tabellario scribebantur, in historia re-
 ferre? quum satis fuisset dicere, episto-
 lam esse illius ad illum: sed nimirum
 epistolam integram volebant subiice-
 re ab initio ad calcem. Cicero de lege
 Agraria: Is videlicet, antequam veni-
 at in Pontum, literas ad Cn. Pompeium
 mittet; quarum ego iam exemplum ab
 istis compositum esse arbitror. P. Ser-
 uilius, Rullus, Tribunus plebis decem-
 uir, S. D. Pompeio, Cn. F. Non credo
 adscripturum esse, Magno: non enim
 videtur id, quod imminuere lege cona-
 tur, concessurus verbo. Sed apertissi-
 me primo libro Epist. Cicer. Valerio
 Iuris

Orat. 2.

Ep. ultima.

Iuris consulto S. D. Cur enim hoc tibi non gratificer? quum nihil ad huc de iuris prudentia dixisset. Plutar. in Demosthene scribit, inuentum in libello Demosthenis initium epistolæ eius ad Antipatrum regem Macedoniae, Demosthenes Antipatro: nec aliud quidquam. Liu. lib. 34. de epist. Syracusanorum ad Marcellum: Prætores Syracusani Marcello suo S. tum secundum salutem, vt solet, recte eum atq; ordine fecisse, &c. & in iure ciuili de negotijs gestis, Hensenius Apollinaris Iulio Paulo S. Et in summo adscribi solitum hunc titulum, declarat Lucianus in parasitico: Quin & illud, inquit, mihi perridiculum videtur, si in epistolis in summo, quemadmodum solemus, scripserimus, Simonidi parasito. Deniq; nulla est veterum epistola, quæ non titulum illum habeat, siue ab auctore suo posita, siue ab alio citata. Si is titulus tabellario erat adscriptus quum mitteretur, certe nihil fuit necesse addi, cum ab alio referretur, aut ederetur ab auctore.

ctore. sed hac de re argumentorum factis: quæ eo adduxi, quod non quilibet de plebe, sed docti nonnulli homines sunt in contraria sententia, & ita contendunt fuisse, quemadmodum ipsi opinantur, solum ob tertiam illam personam, Dicit: nec considerant, non solitos priscos illos homines nomini suo primam addere personam, etiam de se loquentes, sed tertiam: ut in rationibus & contractibus. P. Scipio fateatur se debere, vel accepisse, vel recipit daturum se, aut quid simile: potius quam, Ego P. Scipio fateor. Insecutis deinde seculis receptum est, in prima persona dici: porro epistolæ antiquissimam consuetudinem retinuerunt. Restat nunc ut videamus, quæ in salutando, seu latine seu græce exarare lubebit epistolam, obseruemus: qua in parte præcepta nostra ad veterum scriptorum normam & exemplar dirigemus, recentiorum quorundam novas salutandi formas plane omitemus.

SCHO-

SCHOLIA.

*Inter alia præcepta, quæ in sua elegantissima
paranesi Demonico sapiens & facundus magi-
ster Isocrates reliquit, illud non postremum est.
τῷ τρόπῳ γίνεσθαι φιλοπροσήγορος, τοῦ δὲ λόγου
εὐπροσήγορος, ἐστὶ δὲ φιλοπροσηγορίας μὲν τὸ
προσφωνεῖν τοὺς ἀπαντῶντας. Moribus esto af-
fabilis, sermone comis. Est autem affabilitatis
obuios salutare. Itaq; neminem salutantes, inhu-
mani censentur. Iam vero, si salutare indicium
est, & argumentum humanitatis, & epistola mo-
res ingeniumq; nostrum debet omnino exprimere,
& plena esse humanitatis, ut vult Demetrius,
satis claret, quam recte mos & consuetudo salu-
tandi ex communi sermone huc translata fuerit.*

Quidianæ epistolæ.

Phædra Hyppolyto.

*Qua, nisi tu dederis, caritura est ipsa salutem
Mittit Amazonio Cressa puella viro.*

Lib. 1. de Pont. eleg. 9.

*A tibi dilecto missam Nasone salutem
Accipe, pars animæ magna Seuere mea.*

Eodem lib. eleg. 11.

*Naso suo profugus mittit tibi Flacce salutem,
Mittere rem si quis qua caret ipse, potest.*

E 2

Lib.

Lib. 2. eleg. 7.

*Esse salutatum te vult mea littera primum
A male pacatis Attice missa Getis.*

Cur enim hoc tibi) Manutius, quamvis contradicente Victorio, sensum horum verborum ex titulo pendere contendit: aliud porro huic simile exemplum ex epistolis ad Atticum scriptis affert, quod sententiam Viuis confirmat. Ita igitur est libr. 3. M. Cicer. S. D. Q. Cæcilio Q. F. Pomponiano Attico. Quod quidem ita esse, & auunculum tuum functum esse officio, vehementissime probo. Vide illius castigat. & huius scholia in epistolas.

De latina & græca salutandi ratione.

CAPVT XIII.

PRincipio, eius qui scribit nomen, (qua voce prænomen, cognomen & agnomen etiam complector) ponendum est casu recto: deinde litteræ S. P. D. quæ significant, salutem plurimam dicit: siue S. D. tantum. Tum eius nomina, ad quem scribitur eodem modo, sed dandi casu. M. Tullius Cicerone

cero S. D. C. Asinio Pollioni vel sic, M. Tullius Cic. C. Asinio Pollioni S. P. D. vel, S. D. Quando ad eundē sapius, aut ad perfamiliarē scribimus, satis erit vnum vtrobiq; nomen ponere, cum littera S. Cicerō Attico S. Marcus Q. F. S.

Quod si nos aliquem magistratum gerimus, aut si fuerit aliqua dignitas nostra illiusc, ad quem est epistola, adiungemus eam hoc modo. M. Tull. Cicer. Imp. P. Lentulo procos S. D. Hinc Philippica 13. reprehenditur à Cicerone M. Antonius, quod cum ad A. Hirtium Cos. & Cæsarem Octauium Propræt. scripsisset, eos honorum suorum nominibus non appellauerit, vt diceret: M. Antonius A. Hirtio Cos. & C. Cæsari Propræt. S. Cæterum huius rei causam fuisse hanc ibidem testatur orator, quod Antonius, cum se Cos. aut Imperat. nominare non posset, deponere alienum nomen ipse maluerit, quam illis suum reddere.

Ad vxorem, liberos, propinquos,

E 3

aut

aut alioqui vehementer dilectos cum scribimus, adijcere solemus pronomē, suus. M. Tullius in titulo epist. scripserat: Tullius Tullio Tironi S. D. Tiro, illud, Tullio, ad inuidiam vitandam omittendum rescripsit. Tum Cicer. ep. 18. ad eundem: quid igitur? non sic oportet? equidem censeo sic, addendum etiam, suo. Huic pronomini plerumque etiam adiectiuum vnum atque alterum adiungimus, quod nostrum in eos amorem declaret M. Tull. Cic. Terentiæ, & Tulliolæ, & Cic. suis S. P. D. Cic. S. D. Terentiæ suæ. Tull. Tironi suo S. D. Tullius Terentiæ suæ, pater Tulliolæ duabus animis suis: & Cic. matri optimæ & suauissimæ sorori S. P. D. Cic. Terentiæ suæ, & pater suauissimæ filiæ Tulliolæ S. D. Tullius, & Cic. & Q. Q. Tironi humanissimo & optimo S. D. Cicer. Fil. Tironi suo dulcissimo S. P. D. Quintiliani & Plinij temporibus caput recipimus, vt omnibus fere, nisi aperte essent inimici, adderetur suo. Martialis de charta epistolari:

Sen

Viner.

*Sen leuiter noto seu caro missa sodali,
Omnes ista suos charta vocare solet.*

Irridetur ab eruditis quorundā mos
superstitiosus, qui nomen suum poste-
riore loco solent collocare, cum ad ma-
gnos & illustres viros scribunt: vide-
licet, vt honorem illis habeant, putant
enim nescio quam dignitatem in prae-
positione nominis inesse. Verum, cum
ista ratio à religiosis & sanctis homini-
bus, ad Pontifices aut Episcopos scri-
bentibus origenem sumpserit, nos eos-
dem vita & moribus imitari, in scriben-
do & loquendo duces sequi non debe-
mus.

*Brandol. R.
1. cap. 9.*

Apud græcos triplex erat vsitata sa-
lutatio in epistolis *χαίρειν, εὖ πράττειν &*
ὕγιαίνειν. Per primam optabant sibi, vt
cum omnia ex animi sententia celsis-
sent, animus lætitia frueretur. Per se-
cundam, vt actiones feliciter cederent,
& prono cursu. Per tertiam bene op-
tabant corpori, quod est primum inter
res humanas. Est tamen ambiguum,
& ad sanitatem mentis etiam pertinet.

*Budæus cō-
ment. lin.
gue græcæ.*

Primi generis exempla, βασιλεὺς βασι-
 λῆων μέγας Ἀρταξέρξης παίτω χαίρειν, &
 Xenoph. pædiæ 4. κύριε Κναξάει χαί-
 ρειν. Et Demosthenes aliquoties in suis
 epistolis. Porro quamvis ἐνπράττειν
 idem sit, quod καλῶς πράττειν, tamen il-
 lud, non hoc salutationi epistolarum
 adhibetur: existimatq̃ Plato longe ap-
 tiorē hanc salutationem esse, quam
 quæ fit verbo χαίρειν. Vide principium
 illius epistolæ ad Dionysium, quæ est
 ordine tertiā. Sic igitur salutatur. πλάτων
 Διονυσίῳ εὖ πράττειν. Horatius vtrumq̃
 expressit eodem versu:

Epist. 8.
 lib. 1.

Celso gaudere, & bene rem gerere Albinouano.

Epīcurus aliam quandam salutatio-
 nem vsurpauit, εὖ διαγειν. Precabatur
 id, in quo felicitatem summam esse sta-
 tuebat, vitam nempe suauem & iucun-
 dam, molestiarumq̃ prorsus expertē.
 Intelligendum est autem cum huius-
 modi verbis infinitis, vocabulum εὖ
 χεῖν, precatur, optat. &c.

SCHO.

SCHOLIA.

Principio, eius qui) *Videtur etiam Ovidius suis elegijs seu epistolis præscripsisse hæc verba. P. Ouid. Naso N.S.D. Id colligitur ex eleg. 5. lib. 2. de Ponto. vbi ita loquitur:*

*Condita disparibus numeris ego Naso solano
Præposita mihi verba salute meo.*

Ex initio item eleg. 2. lib. 3. de Ponto, cum ait:

*Quam legis à nobis missam tibi Cotta salutem
Missa sit vt vere, perueniatq; precor.*

Et ex 9. lib. &c.

Quod si nos aliquem magistratum) *Quia in salutatione & inscriptione literarum, magistratum, dignitatum, honorum cum nostrorum, tum illorū ad quos scribimus facienda est mentio, vtemur vocibus Christianis, quæ sunt, Cardinalis, Pontifex seu Episcopus, Abbas (pro quo vsurpant quidam non male, Canobiarcha, Archimandrita) Prælatus, Decanus, Canonico- Appellatio- nes magis-
rum collegium, Sacellanus siue à sacris, Pres- stratum
byter, Confessarius siue à confessionibus, Concio- & honorum
nator siue à sacris concionibus, Cancellarius, Ma- apud nos.
reschallus, Cubicularius, à cubiculis, Secretari-
us, à secretis, siue ab ep. &c. His igitur vtamur,
quandoquidem latiniora non habemus.*

E 5

Et

Et ad sanitatem mentis) Menecrates quidam medicus, quum desperata quadam curationes ipsi feliciter cessissent, populari adulatione dictus est Iupiter. Hoc cognomento vir arrogantis ingenij delectatus insolentius, usus est eo titulo. Tandem quum & Agesilao scriberet, nec veritus esset hac vii salutatione: Menecrates Iupiter Agesilao regi salutem: Rex hoc offensus proæmio, præterea nihil dignatus est legere, sed rescripsit in hunc modum: Rex Agesilaus Menecrati υγιαίνετω.

De exordio epistolæ.

CAPVT XIV.

Ludo. Rb
ner.

Mos vetus
exordiendi
epistolam.

Epist. 11.
lib. 1.

FVit olim mos vetus, quem Seneca vsq; ad suam ætatem seruatum scribit, epistolas sic exordiri: Si vales bene est, ego quoq; valeo. Plin. Cæcilius Fabio iusto S. olim nullas mihi epist. mittis. Nihil est, inquis, quod scribam: at hoc ipsum scribe, nihil esse quod scribas: vel solū illud, vnde incipere priores solebant, si vales bene est, ego valeo. Id varijs modis enuntiabatur: si vales valeo: si vales bene est, ego valeo.

leo. Dolabella Ciceroni: si vales gaudeo, equidem valeo, & Tullia nostra recte valet. & Cicer. Terentia minus belle habuit, sed certo scio iam conualuisse eam. L. Luceius Ciceroni: si vales bene est, ego valeo, sicut soleo, paulo etiam deterius quam soleo. Lepidus Sen. & pop. Romano: si vos liberiq; vestri valetis, bene est, ego quoq; valeo. Interim non adijciebant quidquam de se, quum non recte valere volebant significare, animo praesertim: aut sibi esse curae illorum salutem, suam non item illis: ut Metellus Ciceroni: si vales, bene est. Cicero Metello: si tu exercitusq; tuus valetis, bene est. Quae particula desinit esse in usu, sicut illa in orationibus, loquem ego Optimum Maximum: sed non ita, quin addi possit, & aliquando debeat, ornetq; epistolam.

Principium epistolae nomen eius ad quem scribimus, nisi certis de causis, habere non debet. Causae autem sunt, ut vel aliquem affectum animi exprimamus: ut, Ego, vero, Serui, vellem, ut

scri-

*Cicero Dis-
uinat. in C.
Verrem.*

*Lipp. Bran-
dol. initium
epistolae ac
liquando
nomen has
bet.*

scribis, in meo grauissimo casu affuisses. Vel, vt in re admodum graui attentorem habeamus auditorem: vt, ego, Leutule, initio rerum atq; actionum mearum. Vel, cum aliquid vehementius exprimere volumus, quod non in principio modo, sed in tota quoq; epistola fit: vt, Urbem mi Rufe cole, & in ista luce uiue. Seneca fere semper nomen eius ad quem scribit, apponit: Plinius, quod ego meminerim, nunquam: Cicero his fere, quas exposui, de causis.

*Abruptum
initium.*

Sunt etiam multæ Ciceronis epistolæ, quarum initium abruptum est & patheticum. Vt 8. 11. lib. 2. & 13. lib. 7. & 6. 15. 17. lib. 8. & 17. 19. & 21. lib. 9. & 40. lib. 10. & 30. lib. 12. Ad Att. 5. lib. 4. Et 3. lib. 1. ad Q. F. hoc habet principium: Mi frater, mi frater, mi frater, tu ne id veritus es &c. Hæc abrupta initia potissimum in iocosis & familiaribus decent, quibus id assequimur, vt non mutam epistolam epistolæ, sed viuo sermoni viuum item sermo-

monem referre videamur. Et quoniam
vtrinque missæ acceptæque litteræ mutuū
alloquium imitantur, pulcherrimum
fuerit, illas, quam rem repræsentant, e-
andem quam appositissime adumbra-
re.

SCHOLIA.

Si vales, bene est) *Allusit hac etiam Ouid.*
eleg. 3. lib. 5. Trist.

Quam legi, ex illa tibi venit epistola certa.

Latus ubi æquoreis Ister aditur aquas.

Si tibi contingit cum dulci vita salute,

Candida fortuna, pars manet vna vita.

Et eleg. 14. lib. eiusdem, post initium.

Si tamē ipse vales, aliqua post parte valemus,

Quippe mea est humeris falsa ruina tuis.

Imperatores qui præerant exercitui in pro-
uincijs, resque gerebant, quum ad Senatum scri-
bebant, aut magistratus, præscribere literis sole-
bant; si vos liberi, vestri valetis, bene est: ego Ep. 35. lib.
exercitusque valemus. Quod in epistolis Ciceronis 10. ep. 15.
sæpe legimus. Hanc consuetudinem sic annotat lib. 12. ep.
et obseruat in historia Dio. Οὐδὲ καὶ ὁ Ἀδριανὸς 12. lib. 15.
γράφει πρὸς τὴν βασιλὴν ὅτι ἐχρήσατο τῇ Turneb.
πρὸς aduers. 2.
cap. 15.

Epist. 2. &
2. lib. 5.

πρὸ οἰμῶν τῶ σωῆναι τοῖς αὐτοκράτορσι,
ὅτι, εἰ αὐτοὶ γὰρ οἱ παῖδες ὑμῶν ὑγιαίνειτε,
ἐγὼ ἂν ἔχαι· ἐγὼ καὶ τὰ σεαυτὺματα ὑγιαίνο-
μεν. Idcirco & Adrianus ad senatū literas mit-
tens, usitato Imperatoribus proæmio nō est usus
& c. Vicissim autem ad ipsos cū scribebatur, hoc,
id est, simile erat epistola principium. Si tu ex-
ercitusq̃ valetis, bene est & c.

Dignum est observatione, epistolas quæ
principium capiunt ab his duabus vocibus. Ego
vero. seu, Mihi vero, Tu vero, ex illis esse, qui-
bus alicui respondetur ad id, de quo ille scripse-
rit, vel de quo per quempiam à se missum inter-
rogarit. Hoc quidam imprudenter Ciceroniani
non videntes, idem plerisq̃ suarum epistolarum
dant initium: perinde ac si ornatus tantum gra-
tia Cicero illa vocabula principijs adhiberet. Vi-
de lib. 4. 6. lib. 7. 30. lib. 9. 5. lib. 16. 12. &
23. Quemadmodum autem illæ epistolæ, quæ in
primo limine habent particulam, vero, præceden-
te pronomine, respondentis sunt, ita etiam quæ
habent, Am' tu? vel. Am' tandem? ut 21.
lib. 9. ad famil. & 5. lib. 4. ad Attic.

De epistola Narratoria.

CAPVT XV.

Pri-

PRimum epistolarum genus illud *Δικηγμα*
vnum affirmare ausim (ne à M. *τιχά.*

Tullio discedam) cuius caussa epi- *Cicer. ep. 1.*
stola ipsa inuenta est, vt absentes de re- *5. 7. & 9.*
bus doceremus, si quæ essent, quas eos *lib. 1. 11.*
scire, aut nostra, aut ipsorum referret. *20. lib. 11.*
quod Expositorium, seu Narratorium *Ad Q. Fr.*
appellare libet. In hoc genere obser- *ep. 1. Plin.*
uandum est, vt, antequam ad narratio- *ep. 6. li. 1.*
nem ipsam, quæ brevis, simplex, dilu- *1. 7. lib. 2.*
cida, pura, elegans, propria esse debet, *9. lib. 3.*
descendamus, beneuolentiam ab eo cui *12. lib. 4.*
scribimus aliquo modo captemus: *Politia. 8.*
quanquam, cum epistola expressio *lib. 11. 14.*
quædam amoris debeat esse, & pulch- *lib. 12. P.*
ritudo eius (vt sentit Demetrius) sint *Manut. 21.*
aptæ blanditiæ, in singulis etiam epi- *lib. 2.*
stolis, concilianda pro rei occasione be- *18. lib. 3.*
neuolentia erit.

Deinde rerum ac temporum ordi-
nem conseruantes, vt res gestæ sunt,
exponemus. Et vt exordiri solent à re-
bus latis, ita primum de amici rebus
(vt videantur sibi curæ esse) dicere
moris est, (vbi de suis etiam aliquid sit
scri-

scribendum) deinde ad sua descendunt.

Sæpe tamen à narratione ipsa incipere poteris, vbi vel antea scripseris de eadem ipsa re, vel breuitas temporis nõ nisi rei expositionem desiderat, vel amicitia ipsa nullum admittit exordiũ.

Et in principio quandoq; vt in fine, nostram solemus amico operam polliceri, vt patet in epistolis ad Lentulum.

Decetero, nullo ad eam rem, quam scribimus apparatu, vel arte opus est, sed simpliciter, & simplicibus nominibus res expedienda, nisi quid de ipsa Repub. de Deo, & similibus rebus, quæ grauitatem quandam præ se ferunt, erit dicendum.

SCHOLIA.

Quum nuntiandum seu narrandum erit aliquid considerare oportebit, qua de causa id narratur, perspecto enim fine, omnis narratio, atq; adeo tota epistola multo rectius instituetur. Si igitur ex ea solum cognitio rei & notitia queritur, res primum ita proponetur lectorisq; animus ita in expectationem adducetur, vt si id petierit ad se

ad se perscribi, sciat nos ipsi diligenter & accurate satisfacturos: si non petierit, nos eum rei cognoscenda cupidum reddemus, ut intelligat, nos etiam absentes, ea quæ scire is velle debeat, vltro cogitare atq; afferre. Postea rem sic narrabimus, ut quæ cognitione digna sunt, eorum nihil prætermittamus. Si delectationis causa suscepta fuerit narratio, adhibenda erit sententiarum verborumq; maior quædam urbanitas, maiorq; varietas, & omnia deniq; ad iucunditatem ab initio conferenda. Vide Brandol. libr. 2. cap. 15.

Beneuolentia ab eo cui) Quomodo etiam in oratione, non solum in exordio, verum in reliquo item cursu, quoties locus postulabit, auditorum captanda est beneuolentia, quod in 2. de Orat. M. Antõ. contra Græcos disputans, præclare docuit.

Si partim gesta, partim gerenda exponemus, (est enim quando id fiat) ita narrabimus quæ gesta erunt, ut ex ijs facile quæ gerenda erunt, intelligantur, ita ut non solum præterita & præsentia exponamus, sed futura etiam coniecturis quodammodo significemus. Tum quid vel ipsi ab amico petamus, vel illi faciendum arbitremur, paucis aperiemus. Item quid in quaq; re boni aut mali sit, breuissime declarabimus, si volemus. Ad extremum similia pollicebimur nos esse scripturos, & ab amico ut ipse quoq; si quid noui acciderit ad nos perscribat, petemus. Vide Brandol.

Quot in respondendo spectanda, & de responsione ad Narratoriam.

CAPVT XVI.

DVo sunt, si Viuem audimus, in respondendo potissimum spectanda: hoc est, quæ scripta sunt ab eo, cui respondemus, & quo animo. Possunt enim res aut malæ esse, aut parum rectæ in animo bono: aut bonæ in malo. Si malæ, laudabitur animus, & mens ipsa, à qua dimanāt: res vero ipsas, quia laudare minus possumus, excusabimus, vel leuiter & amice amicum, prout res exposcere videbitur, admonebimus. Sin bonæ erunt res, nec cum malo animo consentire videbuntur, nihil oberit dissimulare, & animum ex rebus ipsis censere. Itaque dicemus non dubitare nos de animo, quando quidem indicia eius, nempe res ipsas, talia intuemur: hic res comendabuntur. Verum hæc & alia melius cognosci poterunt, si, quomodo ad singula epistolarum genera respondendū sit viderimus. Ad

Ad expositionem igitur (vt à primo exordiamur genere) iucūdas nobis fuisse literas rescribemus: ex quibus omnia quæ scire desiderabamus cognouerimus: gratum fuisse amorem, quo nos prosequitur, cæterasq; huiuscemodi res non insuaues.

*Cic. 21. l. 5.
32. libr. 7.
18. lib. 12.
Ad Att. li.
8. ad Pom-
peii scripta.
Plin. lib. 5.
7. lib. 9.*

Rogabimus vt ita facere pergat, vti cœpit, & quam sæpissime scribat.

Præterea gratias etiam agere poterimus, vicissim & nos scribentes ea, quorum ipsum cognoscendorum esse autem putabimus.

*Cic. 8. li. 2.
15. lib. 4.*

Si quid autē ab amico desideramus, quod prætermisū esse videat, modeste illis de rebus ipsum admonebimus, ita vt ad laudē potius nostraverba spectet.

SCHOLIA.

Si malæ, laudabitur animus) *Dicem res quales quales sint molestas nobis esse nō posse, quæ ex tali fonte profluāt, ex animo cādido, sincero, &c. Sic fecit M. Tull. in epist. quadam ad M. Anton. de restitutione Sex. Clodij, & de literis P. Clodij.*

Admonebimus) *Vt nimirum verbis talibus aliquanto cautius in posternum vtatur, vt videat quid loquatur, paucos fore, qui animum excen-*

sent, cum indicem mentis orationem eiusmodi videant.

De Commendatitia.

CAPVT XVII.

ΕΥΣΑΤΙ-
κὴ ἡ ᾠα-
ραθετι-
κῆ.

Cic. ep. 17.

et 31. lib.

13. 13. lib.

9. et omnes

lib. 13.

Plin. 24. 11.

14. 15. lib.

4. 6. 8. lib.

6.

Cic. ep. 59.

60. Ad Att.

tic. lib. 16.

in epist. ad

Plancum.

Plin. 29.

lib. 9. Cic.

5. 7. lib. 2.

et 5. lib. 5.

Alterum epistolarum genus, quo aliquem alicui comendamus, comendatitiū appellatur: quod cū officiosum esse oporteat, hæc fere in eo obseruari solent. Primum religiose, & sine ambitione commendando, narabis causas tuæ amicitiae cum eo ipso, quem comendas, eiusq; dices laudes: deinde ad petitionem descendes, quæ æqua sit, honesta, necessaria, & facilis factu: postremo fiet remunerationis mentio, & ex parte tua, & ex parte comendati: licet non semper à Cicerone id fieri legamus.

Si commendatio erit vulgaris, vel parum honesta videatur esse (cogimur enim quandoq; nonnullos, in rebus nō admodum etiam honestis commendare, aut nostra sponte, aut aliorum rogatu) vel animus illius cui scribimus, erit

erit aut à nobis alienatus, aut ab illo, quem commendamus: tunc captabimus beneuolentiam, vel vtemur insinuatione, aliquoue artificio: prout res poscere videbitur.

*Cicer. ep. 1.
47. lib. 13.
Ad Att. li.
16. in epist.
ad Capit.
Plin. 9 13.
lib. 2. 2. li.
3. 3 1. li. 7.*

Pudentis hominis est, cum alium commendat, illis præsertim, qui cum aliqua sunt potestate, exprimere, ea tantum se petere, quæ & suus pudor postulat, & fides ac dignitas illius, cui commendatur, patitur: vt quæ amicus æqua postulabit, lubente ipso, impetret.

Cum iterum & sæpe aliquem commendas de eadem ipsa re, ne nimis importunus videaris, vt tibi ignoscat, rogabis. Nam id te non facere significabis, quod parum confidas vel illius liberalitati, vel amicitia: sed id omne conferes, vel in desiderium, quo maximo teneris, rem gratam ac vtilem amico faciendi, vel in rem ipsam; cum tantares, ac etiam existimatio agatur.

*Cic. 24. 44.
lib. 13. vl.
& penult.
lib. 16. ad
Att.*

Si vero quidquam is, cui commendatur, pro amico fecerit, gratias ages,

*Cic. 28. 61.
41. 55. lib.
& 13.*

Plin. ep. 8.
lib. 9.

& quam gratissimo viro beneficium commodasse ipsum declarabis, quamq̃ tibi gratum fuerit ostendes. Non dubium tibi esse, quin & tua causa, & suæ etiam constantiæ gratia, in eadem sit mansurus liberalitate. Et ideo rogabis, ut quæ initio ostendit, deinde quæ fecit, ad exitum augeat, & cumulet.

SCHOLIA.

De commendatitia) *Commendare* græcis est *συμβάλλω*, pro quo laudare dixit Horatius, hoc versu.

Epist. 9. l. 1.

Scilicet ut tibi se laudare & tradere coner. respiciens ad id, unde orta est significatio illa verbi, commendare. Neq̃ enim dubito, quin ex eo sit, quod cum quem alicui commendamus, tradimus, & velut fidei alicuius committimus, laudare soleamus. Valde autem miror quosdam, barbaro quam latino vocabulo uti maluisse: commendatoriam enim appellarunt, quam Cicero commendatitiam vocauit (cum namq̃ commendatitias litteras dicit, non minus certe commendatitiam epist. dicere existimari potest.) Verum ubi litteras commendatitias appellat? epist. 5. lib. 5. & 26. lib. 13. Ergo Ciceroniana voce vrendum est omnino, quando id fieri potest com-
mode.

Eiusq̃;

Eiusq; dicas laudes) *Teuendum est vero præceptum Theognidis.*

μή ποτ' ἐπαινήσῃς πρὶν ἂν εἰδῇς ἄνδρα σα-
 ὄγγλῳ. ὃ θυμὸν καὶ τρεῖ ποῦ ὅσις ἂν ἦ (φλωῶς.

*Ne quemquā lauda, nisi noueris ante quibus sit
 Moribus, atq; animo qualis, & ingenio.*

*Sic Xenocrates à Polyperchonte, siue Polyper-
 chonte tyranno de quadam commendatione re-
 prehendebatur, iuebaturq; in posterum diligen-
 ter secum considerare, quem commendaret. Pul-
 chre etiam Horatius.*

*Qualem cōmendes etiam atq; etiā aspice, ne mox Ep. 18. li. 1.
 Incutiant aliena tibi peccata pudorem.*

*Est porro commendatio epistolarum pæne pro-
 pria; in alijs enim scribendi generibus ea vix uti-
 mur, & ab omnibus qui scribunt, frequentissi-
 me vsurpatur. Nemo. n. fere est, qui vel se, vel
 alium aliquando nō commendet. Itaq; tam varia,
 quam frequens est. Pro personarum enim & re-
 rum qualitate aliter atq; aliter tractatur. Perso-
 næ in hoc genere duæ potissimum considerantur:
 eius qui cōmendatur. et eius cui cōmendatur. A-
 liter enim nos ipsos aut liberos nostros, aliter fa-
 miliares atq; amicos, aliter hospites atq; incogni-
 tos commendamus. Magna præterea doctrina,*

*Commenda-
 tio epistola-
 rū propria.*

*Persona ei-
 us qui com-
 mendatur.*

Personae eos-
rum, quibus
commendatur
aliquis.

Res ipsa.

virtutis, dignitatis, professionis, nobilitatis, fortuna, &c. in commendatione ratio habenda est: ut non eodem modo doctum & indoctum, sacrum & profanum, magistratum aut dignitatem aliquam gerentem, ac priuatum: item diuitem atq; inopem, liberum ac seruum, nobilem atque ignobilem commendemus. Danda enim opera est, ut de vnoquoq; conuenienter accommodateq; loquamur. Eorum quoq; quibus commendamus, delectus habendus est, ut non eodem modo principi atq; amico, item magistratui ac priuato rem quampiam, aut hominem commendemus. Cum amicis agere sine magna causa, & liberius licet. Principibus neq; omnes, neq; omnia, nec sine magna necessitate commendare fas est: omnia apud illos grauitur & seuerius dicenda. Rerum quoque non mediocrem ducere rationem oportet. Et primum quidem non nisi iusta aut honesta, aut necessaria commendatio suscipienda est. Deinde videndum est, ut res sit eius, cui commendatur dignitati, facultati, natureq; accommodata. Hac & alia multa Brandolin. lib. 2. cap. 25.

Discant postremo illud studiosi, Ciceronem in hoc genere litterarum libenter & crebro uti solere verbo, tradere. Sic enim est, ep. 17. li. 7. sic ei te commendavi & tradidi, ut grauissime diligentissimeq; potui. & ep. 1. lib. 13. traditus mihi commendatusq; est. reliquos locos ut longior ne sim, prudens omitto.

Præ-

Præterea in commendatitijs M. Tullij hoc frequentissimum videbis, ut cum conditione siue exceptione petat, ut illis quos commendat, præstetur id officium quod requirunt. epist. 2. 56. 70. lib. 13.

Petitio cum conditione.

Deresponsione ad Commendatitiam.

CAPVT XVIII.

CUM ad epistolam commendatitiam rescribimus, nostrum esse videtur considerare, amicus ne sit qui cōmendatur, an nulla nobis familiaritate coniunctus, an aliquo modo à nobis alienus: iusta ne sit commendatio, an iniqua.

Si amicus erit, & digne, atq; ut meretur, commendatus, gratam nobis fuisse commendationem dicemus, in qua præsertim de homine agatur, qui multos iam annos cum suis, vel ab incunte ætate in nostris amicis & familiaribus numeretur: multumq; à nobis diligatur,

*Cic 11. li. 5
Ad Att. 20
lib. 2. 15.
lib. 4. 11.
lib 14 ad
Antonium.*

P. Man. 3. 2. lib. 3. f. in fine. 3. lib. 4. in fine. Cic. 14. lib. 15. P. Man. 20. lib. 2. tur, non solum propter veterem amicitiam ac amorem nostrum, nec non obseruantiam in nos atq̃ nostros, sed propter summam etiam eius humanitatem, doctrinam, bonos mores cæteraq̃ virtutes. Iisdem vteris rationibus, cum aliquis tibi, quem alteri commendas, erit commendatus. Illud etiam addere poterimus, nostram salutem, dignitatem, ac vtilitatem magnæ semper illi curę fuisse. Quamobrem rescribemus, non posse nos ei non amicos esse; neq̃ solum amici commendatione, quæ apud nos valeat, valueritq̃ semper plurimum, sed nostro etiam iudicio ac voluntate. Ergo summo nos studio & cura, omnia pro amico vel fecisse, vel facturos dicemus, nihilq̃ nobis laboriosum ac molestū videri posse: sed omnia cum facilitâ, tum honesta. Quod tamen admonemur, agemus gratias; quod rogamur, queremur. Admoneri enim debemus, non rogari vt faciamus, quod nobis non facere turpissimum est.

Plin. 17. lib. 4.

Si

Si nulla tibi cum commendato erit necessitudo, ita tamen hominem commendatum habeas, velim (cum amicus sit amici) vt tuam operam, consilium ac fauorem, nulla vnquam in re desideret.

Inhoneste commendatio non est inhoneste, ac insolenter reiſcienda: semper enim amico aliqua ex parte morem esse gerendum existimo. Sic igitur respondere poterimus, iam diu nos desiderasse aliquam nobis dari occasionem nostri in eum animi ostendēdi. Et ideo dolere scribemus, nos posse nos, salua existimatione nostra, illius morem gerere voluntati. Beneficium tamen in aliud tempus magis idoneum nos differre dicemus: quæ res & amplio- rem illi vtilitatem conciliatura, & nostram beneuolentiam clarius testatura, nobisq; ipsis maiori gloriæ futura sit: non minus enim beneficium dare videtur, qui honeste negat quod negandum iudicat, quam qui æqua concedit, pars beneficij est, si belle neget, quod petitur, inquit Publius Syrus. Quandoq;

Cic. 10. l. 5.

ca

ea qua decet modestia, mirari nos dicemus, amicum nostrum, tanta cum doctrina, tum virtute præditum; tales recipere causas. Hominem esse crudelem, ingratum, indignum omni commendatione: omnia tamen nos cupere, quæ amicus velit. Nam si causa ad nos solos pertinet, nos vel remitemus, & condonabimus omnem nostram iniuriam, animaduersionem, & supplicium, quo vsuri in illum essemus: vel rogabimus obtestabimurque amicum ipsum, ne ad crudelia, iniqua, indigna nos facienda impellat. Quod si res ad alios pertinebit, hoc est, cum alij etiam insigni aliqua affecti erunt iniuria, tum non in nostra esse potestate, nec si esset, fas esse dicemus, quidquam condonare.

Verum si illum, qui aliqua commendatione dignus iudicatur, vel sua causa, vel eius ipsius, qui commendat: nec tibi tamē commendatum esse velis, nec alijs commendare, ob acceptam aliquā iniuriam, aliamue ob causam, explicabis rationes, si minus iustas atque honestas,

*Plin. 30. li.
6. in fine.*

stas, aliqua tamen ex parte probabiles, quibus te ad id recusandum adductum esse scribes; commendationem tamen ipsam aliquo modo excusabis.

Cæterum optimi, cuiusq; viri munus esse tibi persuadeas velim, nullo vnquam tempore, nec inhonesta concedere, nec honesta denegare. De hac porro materia multa etiam ex sequenti capite assumi poterunt: commendatitia enim epistola, & petitoria sunt afines.

SCHOLIA.

Inhonestæ commendatio) *Verum iniusta petenti amico gratificandum esset, quæstio fuit olim inter doctos, de qua erudite disputavit A. Gellius lib. 1. cap. 3. Cicero quidem in Lælio, ita docet: Ut etiam si qua fortuna acciderit, ut minus iustæ voluntates amicorum adiuuandæ sint, in quibus eorum aut caput agatur, aut fama, declinandum sit de via, modo ne summa turpitudine sequatur. Et Chilo Lacedæmonius ut amicum conseruaret, falsum consilium dedit, sed in fine vitæ, an id reprehendi iure posset, dubitauit. Melius profecto Pericles, quem cum amicus quispian*

Cicero.
Chilo.
Pericles.

ἐν δὲ ταῖς
ἁπλῇ βω-
μῶν. *spiam rogaret ut in causa quadam pro re sua
petieraret, oportet me, inquit, commodare ami-
cis, sed usq, ad aras. Refertur hoc prouerbiū à
Plutarcho etiam in libello de vitiosa verecun-
dia. Quo quidem admonemur, eatenus amicorum
caussa à recto paululum declinare, quatenus sine
numinis offensione id fieri potest.*

De Petitoria.

CAPVT XIX.

ἈΙΤΗΤΙ-
ΚΑ

*Cic. epist. 2.
lib. 3. 12.
lib. 5. 16.
lib. 4. 6.
lib. 15.*

OMnes petitiones (quod genus
commendatio proximum est)
aut honeste sunt, aut mediæ (nam tur-
pem rem non decet bonum virum nec
petere, nec petitam concedere.) Hone-
stam vocant consilium, amicitiam, ad-
monitionem, institutionem, mediam
verò, & quasi neutram, pecuniam, fa-
uorem, adiumentum pro nobis aut a-
micis.

Ep. 9. li. 5. Commendatio cum de nobismeti-
psis loquimur, perquā modesta debet
esse, qualis habetur illa Vatiniij ad Ci-
ceronem: nunquā enim dimittere no-
strum in rogando pudorem debemus.

Idcirco

Idcirco antequam descendatur ad petitionem, sæpe possumus facere nobis beneuolum illum cui scribimus, enumerando & illius liberalitatem ac humanitatem, qua cum in alios, tum in nos uti solitus sit (ideo nemini nos magis debere desiderare, quam illi, cui alias plurimum debuimus, ostendemus) & nostram in illum obseruantiam ac fidem.

*Plin. 33.
lib. 3.*

Pol. 3. li. 1.

Præterea quam necessarium sit nobis quod petitur, quamque utile, & quam illi à quo petimus non inutile.

*Cic. ep. 6. li.
2. P. Man.
7. 8. 10. li.
2. 4. lib. 3.*

In omnibus petitionibus Rhetoricum esse docet Seruius Honoratus, hoc obseruare; ut possit præstari quod petitur; ut iusta sit res; ut habeat modum petitio; & sequatur remuneratio, quæ digito quodammodo significanda potius est aliquando, quam aperte commemoranda: & eò satius erit polliceri, si ita res ferre videbitur, gratum ac memorem animum nostrum. Quas quidem omnes partes, in omnibus pæne epistolis, quibus aliquid petit Cicero,

ro, haud difficile est inuenire diligenter lectitanti.

SCHOLIA.

Finitima commendationi est petitio, altera enim alterius auxilio maxime eget. Nam & in commendatione petimus, & in petitione saepe commendamus: vtraq; tamen proprios locos habet. Lege Brandol. cap. 26. lib. 2.

Seruius Honoratus) Nempe ad hos versus 1. Aeneid. quibus ista praecepta elegantissime obseruata cernimus. Sic igitur Iuno supplex ad Aeolum.

I.

*Aeole, namq; tibi Diuum pater atq; hominũ rex
Et mulcere dedit fluctus, & tollere vento.*

II.

*Gens inimica mihi Tyrrhenum nauigat aquor,
Ilium in Italiam portans victosq; penates.*

III.

*Incute vim ventis submersasq; obrue puppes,
Aut age diuersas & disijce corpora ponto.*

IIII.

*Sunt mihi bis septẽ præstanti corpore nymphae,
Quarum, quæ forma pulcherrima. Deiopeiam
Connubio iungã stabili, propriamq; dicabo, etc.*

De responsione ad Peti- toriam.

CAPVT XX.

AD petitionem cum respondetur, si ad plura rescribendum est, ad id, quod primo petatum est responderi solet: deinde ordine ad reliqua.

*Plin. ep. 5.
lib. 2. Cic.
6. lib. 5.
1. lib. 7.
16. lib. 9.
17. lib. 22.*

Principium cuiusque rei desiderat ferre semper, vel, De, præpositionem, vel Quod, coniunctionem: ut, De successore, De prædâ, De rationibus, Quod scribis, Quod dicis, Quod quæris.

*Cicer. 13.
lib. 12.*

Cum ad plures literas est rescribendum, eodem vteris ordine: & ubi ad vnas responsum est, sæpe dici solet, vnus respondi, venio ad alteras: licet quandoque nullo seruato ordine rescribat Cicerô, & ab vltimis etiam incipiat, ut vel placuit, vel magis conuenire visum fuit.

Conuenit huic loco, si petita concedes, verborum quædam comitas: ver-

*Cicer. 17.
lib. 12.*

G

bi

Plin. 8. li. 1. bi gratia: te id ipsum, quod petit, iam
et 14. li. 1. destinasse, tibiq; , sponte currenti cal-
28. li. 2. 8. caria addita fuisse; nihil esse, quod ab
15. libr. 3. amico tibi mandari aut maius, aut gra-
P. Man. 10. tius: nihil quod honestius à te suscipi
lib. 4. 4. li. possit, quam ut id agas: iniuriam tibi
13. 13. lib. fieri putare cum rogaris, maiora illum
2. 33. li. 3. cui das, esse promeritū: dolere te, quod
22. lib. 4. tam effuse, tam ambiciose sis ab amico
 rogatus: plura te facturum fuisse dices,
 si vel per facultatem tuam, vel per il-
 lius voluntatem, vel per honestatem
 tibi licuisset.

Plin. 23.
lib. 1.

Cum vel consilium, vel admonitio,
 vel aliquid simile petitur, ingenue &
 libere, amice, fideliter ac prudenter cō-
 silium dabis, & admonebis, rem ipsam
 rationibus comprobans.

Verum, si rem petitam, aliquam ob
 causam denegabis, denegareq; tuum
 esse videretur, prætermittā omni ver-
 borum asperitate, tam comiter, & tam
 apte rationes, cur id facias, reddes, ut
 non solum tibi amicum illum conser-
 ves, verum etiam amicissimum facias.

Id

Id quod fieri poterit, cum scribetur, nō tantopere nobis considerandum esse, quid vīr optimus in præsentiā velit, quam quid semper sit probaturus: iudicio tamen illius ac voluntati, quantum rei honestas postulabit, satis faciendum erit: quod sit etiā interdum cum aliqua conditione.

Nonnunquam licet pro amico omnia te libenter & fecisse & facturum ostendas: contraria tamen, adhibitis rationibus, persuadere conaberis.

SCHOLIA.

Quæ à nobis per epistolam petuntur, ea vel concedimus vel negamus, quum concedimus, si difficilia fuerint, primum amici petitionem exponemus: deinde rei difficultatem vel ab ipsius rei natura, vel à nostra facultate demonstrabimus: tum difficultates omnes superatas à nobis eius causa ostendemus, dicemusq; id vel amicitia nostra, vel eius virtuti, vel nobilitati, vel necessitati tribuisse, nosq; illi omnia debere. Si facilia, gaudere nos asseremus, oblatam nobis esse facultatem ei gratificandi, sed nostram in eum voluntatem aliqua magna in re ostendere vehementer.

Conceduntur res difficiles.

Facile.

menter cupere. Tum de nostro in eum animo, de sua contra in nos benivolentia, de virtutibus, in primisq; de modestia, quâ in petendo sit usus aliquid dicemus. Deinde rem ipsam ut minimam facillimamq; concedemus: rogantes ut nostra opera frequentius & maioribus in rebus uti velit: nosq; idem facturos, quum opus fuerit, ostendemus: eaq; omnia scribemus, quæ animi nostri bonitatem, liberalitatemq; declarent, ut libentissime quidquid fecimus, fecisse videamur.

Quando ne-
gamus.

Si negabimus, primo eius petitionem exponemus: deinde rei difficultatem, tum ab ipsius rei natura, tum à nostra imbecillitate, à loci, temporis, facultatum, instrumentorum penuria proferemus. Rem quoq; si poterimus, ei vel inutilem, vel incommodam, vel indignam eius persona ostendemus. Rogabimus demde, ut æquo animo ferre velit: atq; ita rem negabimus, ut ille per nos non stetisse, quo minus efficeretur, existimet, nostramq; in eum voluntatem, benivolentiam fidem, diligentiamq; & præteritorum officiorum exemplo testabimur, & in posterum omnibus in rebus cupidissime pollicebimur: dabimusq; operam, ne quid ex hac negatione nostræ amicitie detrahatur. Brandol. lib.

2. cap. 26.

De

De Hortatoria & Dehortatoria.

CAPVT XXI.

Sequitur Hortatorium genus cum πρὸς τὸν
 Dehortatorio suo contrario con- πικρὸν
 iunctum. Quod tum plenum esse iudi- Ἀποτρε-
 cabis, cum qui hortatur dehortaturus, πικρὸν.
 alicuius est auctoritatis: suadere, n. est Cic. epist. 3.
 grauissimæ personæ. auctoritas vel æ- 4. 7. 18. li.
 tate comparatur, vel multarum rerum 2. 7. 8. 9.
 vsu ac cognitione, vel nobilitate, vel 10. 13. lib.
 diuturno liberalium artium studio. A 4. 6. lib. 7.
 liouin non vehemens, nec animosa ad Brutum.
 (vt decet) potest esse hortatio, non gra- Plin 3. 2 1.
 uis & sententiosa, non affectibus ple- lib. 1. 10.
 na. lib. 2. 1. 5.
12. lib. 9.

Præterea nihil te nec tua, nec cuius-
 quam gratia, ad id faciendum impelli
 dices, sed eius ipsius, ad quem scribis
 causa. Ideo pollicearis necesse est, te &
 amantissimum & fidelissimum consi-
 lium daturum.

G 3

Osten-

Cic. ad Att. lib. 10. in ep. Anto. & Cas. ad Cic. Calius li. 8. epist. 17. Plin. ep. 3. libr. 2. P. Man. 7. lib. 3. Cic. epist. 14. lib. 5. Ostendes rem hortatione, siue dehortatione dignam: afferes commoda siue incommoda (suadentur enim utilia, honesta, necessaria, facilia factu, & æqua: contraria vero dissuadentur) quibus si non sua, Reipub. certe causa ad id peragendum moueri deberet, vel ipsorum parentum, vel filiorum, vel familiarum, vel amicorum affiniumque, vel nostræ demum (si quid ad rem facere videbitur) beneuolentiæ, & necessitudinis: vel etiam ne inimici aliena laude ac utilitate dolentes, maxima ex nostris incommodis afficiantur lætitiæ. Multum etiam nonnunquam ad persuadendum valet, cum dicis, non dubitare te, quin hæc tua consilia plurimum habitura sint auctoritatis: & sine his etiam amicus re ipsa responsurus esset tuæ de illo expectationi. Rationibus & exemplis res est corroboranda: cum qui hortantur, soleant proponere imitandos claros viros. Itaque Cicerō ad Att. libr. 14. epist. 9. ad Dolabellam: Proponam, inquit, tibi claros viros, quod

Cic. ad Trebon. ep. 21. li. 15. multum refert si laudes eū, quæ cohortere. Hoc facit ipse ep. 1. li. 2. & 8. li. 12. & alibi sepius.

quod facere solent qui hortantur. Ne-
minem habeo clariorē teipso, teipsum
imiteris oportet, & quæ sequuntur.

Patet epist.

*7. ad Mars-
cellum lib.*

*4. & ad
Curionem*

lib. 2. ep. 4.

Plin. 24. li.

4. 14. li. 9.

Hortatio, Dehortatioq; eo mode-
stiores esse debent, quo maior est, nobi-
lior, & doctior, quem hortamur, aut de-
hortamur. Nam considerandum est
qui scribat, cui scribat & qua de re: cū
varijs ingenijs, vt corporibus, varia ad-
hibenda sit medicina. Quandoq; iisdē
alijs vel præceptis, vel exemplis monen-
di sunt, quibus ipsi nos monemus.

P. Man. 9.

lib. 1. 14.

21. lib. 1.

SCHOLIA.

De Hortatoria & Dehortatoria) Possunt
etiam suasoria & dissuasoria appellari; adiecti-
uum quidem suasorius apud Fabium non vno lo-
co reperitur. Est tamen aliquid discriminis in-
ter suasionem & exhortationem, nam nec eodem
tendit vtraq; nec via simili. Nam suadendo id
agitur, vt velis: exhortando, vt audeas. Suasio
probationibus docet, exhortatio stimulis excitat:
suasor sententiam mutat, exhortator animum
addit. Suademus aut errantibus, aut certe hæ-
sitantibus: exhortamur cessantes, aut etiam iam
currentes. Quare si rem ad viuum excutiamus,

*Suasio &
exhortatio
differunt.*

exhortatio suasoria epistola pars erit, nempe epilogus, qui affectibus constat, non argumentis. Neque enim suadenti sat erit, quid sit optimum factu docuisse, nisi & stimulos subijciat, ne vel difficultate, vel periculo deterriti, vel ignavia retardati, quod optimum esse viderimus, non sequamur. Sed ut in suasionem fere semper incidit exhortatio, ita in hac non raro continget uti suasionem. Putant quidam hortatiuam epistolam dici posse, cum hortatiuum alicubi legamus. Sed hoc genus, is, qui epistolicos typos conscripsit, plane omisit; auctor, & iudicio non satis limato, & græce non admodum sciens, qui deprecatoriā epistolam ἀφιωματικὴν, & gratulatoriam συγχαριστικὴν, vocat, cum illa voce quiduis potius quam hoc significari possit, & συγχαρίζομαι non significet gratulor, sed συγχαίρω, à quo συγχαρτικὴ, dicendum fuisset.

Auctor ty-
porum epist.

In hoc genere præmunitione consuevit uti M. Tullius. ad Marcellum epist. 7. lib. 4. Etsi eo te adhuc consilio vsum intelligo, ut id reprehendere non audeam (non quin ab eo ipse dissentiam, sed quod ea te sapientia esse iudicem, ut meum consilium non anteponam tuo) tamen & amicitie nostræ vetustas, & tua summa erga me beneuolentia, (quæ mihi iam à pueritia tua cognita est) me hortata est, ut ea scriberem ad te,
qua

quæ & salutis tuæ conducere arbitrarer, & non aliena esse ducerem à dignitate. Huic sane præfationi, seu (ut appellari antea) præmunitioni similis est ista Horatii, nisi quod breuior:

Quamuis, Scaua, satis per te tibi cōsulis, & scis Ep. 17 l. 1.
 Quo tandem pacto deceat maioribus uti,
 Disce, docēdus adhuc, quæ cēset amicus: ut si
 Cæcus iter monstrare velit. Tamē aspice si quid
 Et nos quod cures proprium fecisse loquamur.

Et in epist. ad Lollium, postquam dixit, 18. lib. 1.
 Protinus ut moneam, addit; si quid monitoris
 eges tu. Cicero autem eam etiam ad eundem
 Marcellum epist. quæ illam proxime sequitur,
 ita exorditur. Neq; monere te audeo præstanti
 prudentia virum. Et tamen aliquanto post scri-
 bit; Illud tamen vel tu me monuisse, vel consu-
 luisse puta, vel propter benevolentiam tacere nō
 potuisse. Alicubi vero excusationem non præ-
 ponit, sed postponit, ut in epist. 3. ad Plancum
 lib. 10. Hæc amore magis impulsus scribenda ad
 te putavi, quam quod arbitrarer te monitis &
 præceptis meis egere. Quin etiam epist. 4. lib. 2.
 ad Curionem, ita claudit: In hanc sententiam,
 scriberem plura, nisi te tua sponte satis incitatum
 esse considerem. Et hoc quidquid attigi, non
 feci inflammandi tui causâ, sed testificandi amo-
 ris mei. Eleganter profecto & Naso suam mo-

G 5

nitio.

nitioem excusat, quum scribit uxori in fine libri 5. *Tristium*:

*Nec te credideris, quia non facis ista, moneri:
Vela damus, quamuis remige naus eat.
Qui monet vt facias, quod iã facis, ille monedo
Laudat, & hortatu comprobat acta suo.*

Eiusdem est illud, eleg. 11. lib. 2.
de Ponto.

*Acer, & ad palmae perse cursus honores,
Si tamen horteria, fortius ibit equus.*

De responsione ad Hortatoriã & Dehortatoriam.

CAPVT XXII.

*Cic. ep. 4. li.
10. 21. lib.
16.*

*Plin. 19.
lib. 7.*

Cic. 4. l. 10.

AD Hortatoriam rescribes, gratam tibi fuisse hortationem, qua usus fuit amicus: plurimum apud te valuisse illius auctoritatem, consilia, admonitiones, vtpote quæ ab amico, à fideli, à prudenti animo proficiscantur: omnia te facturum esse, ad quæ hortatus fuisti, etiamsi aut aliter sentires, aut dubi

dubitares: siquidem amici admonitio nos (si secus sentimus) reprimere: hortatio (si dubitamus) impellere potest, ut id sequamur, quod ille optimum putat. Præterea ages etiam gratias, semper id te in memoria habiturum commemorans.

Cum hortatus, dehortatusue fueris de rebus, quas tua sponte facturum, non facturumue esses, respondere poteris (si ea, ad quæ hortatus fuisti, in animo est facere) confirmari tua consilia, cum sentis prudentibus, fideliterque suadentibus idem videri: si statuisti non facere, à quibus ille dehortabatur, te mirari dicces, cur id dicat, aut talia de te suspicetur, cum non desint rationes, cur id de te, nec dicere, nec suspicari deberet. Omnia tamen in bonam te accipere partem scribes.

Si quid vehementer addubites, in ea re de qua hortaris, te nihilominus facturum dices, ut hortatur, quia ipse hortatur: tuæ tamen dubitationis rationes commemorabis. Petes igitur ab amico,

Cic. 13. l. 2.

Plin. 16.

lib. 2. 8. lib.

5.

Cic. 16. l. 2.

P. Man 25.

lib. 2.

Plin. 19. l. 2

Plin. 10.
lib. 9.

co, vt examinet secum, omnesq; quos mouisti in vtraq; parte calculos, ponat: vt id eligat, in quo vicerit ratio: ab amico enim ratio exigetur, te excusabit obsequiū. Cum vero amici præceptis parere cupimus, & aliqua impedimur causa, quo minus ea exequi possimus, tunc idoneis vtendum erit excusationibus.

De Laudatoria.

Επαινε-
τική.

CAPVT XXIII.

Cic. 14. lib.

9. 10. libr.

10. 10. C

ult. lib. 2.

13. lib. 12.

16. lib. 13.

2. libr. 15.

Pli. 11. l. 3

3. 17. lib.

4. 34. li. 6.

22. li 7.

9. lib. 10.

P. Man. 12.

libr. 2 3 2.

42. libr. 4.

Cic. 12. l 5.

7. libr. 17.

LAudatorium genus, quo aut nos, & nostra, aut alios & aliena commendamus, sumit materiam ex rebus aut externis, aut corporis, aut animi: quæ vel ad nos ipsos spectent, vel ad alios. Cum vel eos ipsos, ad quos scribimus, vel alios, alienaue laudamus à doctrina, iustitia, temperantia, fortitudine, acceptis beneficijs, rebus beneficijs, alijsq; virtutibus, à rerum magnificencia, copia, varietate, pulchritudine, ceterisq; rebus, illud cauendum est,

est, ne laudatio in adulationis vitium
aut suspicionem incidat: tunc enim in-
suavis solet esse, cum illis quibus scri-
bimus, tum alijs. Nam ad cælum tolle-
re aliquem verissimis & iustissimis lau-
dibus debemus. Consultum igitur fo-
ret, ea tantum laudare, quæ illis tan-
quam stimulus ad virtutē esse possunt.
Solemus etiam nonnunquam alios,
aliaue laudare, non tantum quia ea o-
mnibus digna laudibus iudicamus, ve-
rum etiam, ut illum cui scribimus ad a-
liquid faciendum cohortemur.

*Plin. 3. 10.
16. lib. 1.
3. & 17.
lib. 2.*

Cum vel nosmetipsos vel nostra lau-
damus, adeo modesti debemus esse, &
verecundi, ut nunquam ad eam laudē,
nisi coacti, sed apte tamen & congru-
enter veniamus. Impeditum est enim
seipsum laudare, ne vitium arrogantiae
subsequatur: solum vero liberum, al-
terum laudare, inquit Cæcinna ad Cic.
epist. 7. lib. 6. Laus igitur ex aliorum
lingua illustris, vera & solida habetur:
ex nostro vero ore sordescit fere sem-
per. Quod si ad illos scribimus, quibus
cum

*Cic. 7. lib.
3. 2. & ult.
lib. 5.
P. Man. 9.
lib. 1. in fi.*

*Plin. 5. lib.
4. 23. li. 9.*

*Cic. 7. l. 5.
ad Att. 14.
lib. 1. fere
in medio.*

cum maxima nobis intercedit familiaritas, libere cū his tanquam nobiscum loqui posse videmur.

SCHOLIA.

Brandol.

lib. 2. c. 9.

De laudatione, si lubet, lege extremum secundum de Orat. & Partit. Orat. sub finem. Etiam laudari possunt in epistola, qui ex hominum vita iam demigrarūt: verum ita instituere descriptionem oportebit, ut magis eos ad quos scribimus consolari, quam demortuos velle commendare videamur.

Vir bonus
cur se ipse
laudet.

Adeo modesti debemus esse) Tristissimus vitæ morumq; cultor Plutarch. Cheronæus elegantem libellum reliquit de eo, Quo pacto quis seipsum citra inuidiam laudare possit. Ibi non longe à principio: Vir ciuilis, inquit, gloriam non ut mercedem aut solatium appetit amatq; actionibus astantem; sed quod fidei & bonitatis opinio de se apud alios, plurimum ac præstantiorum actionum præbeat occasiones.

De laudandis
rebus.

De laudandis rebus nihil dictum est: & tamen illas integris epist. nonnunquam celebrari, non est dubium. Res igitur aut corporeæ sunt, aut corpore vacant. Illarum aliæ naturales, seu à natura institutæ sunt, ut elementa, & quæ in
iisdem

isdem nascuntur. Alia hominum labore & industria comparantur, ut templa, domus, vrbes, &c. Earum quæ corpore carent partim sunt artes, ut pictura &c. partim scientia ut Rhetorica, Philosophia, &c. partim virtutes, ut iustitia, fortitudo, & alia. Quomodo singula horum laudanda sint, docet Brand. lib. 2. cap. 10.

Illud ignorandum non est, apud nos Christianos laudari quasdam res solere, quas antiqui lumine illo caelesti minime collustrati, non satis cognoscebant, ideo non multum predicabant. Ea sunt, verbi gratia, mansuetudo & clementia erga inimicos, immo vero amor & charitas erga eos qui nos oderunt. Liberalitas illa, qua egen- Multa apud
Christianos
tantum lau-
dantur. tibus & mendicis benigne facimus, quam græco vocabulo ἐλεημοσύνη, id est, misericordiam seu miserationem appellamus. Præterea dolor ille, quem ex aduersis aliorum rebus capimus, cum alienis malis atq; incommodis perinde ut nostris afficimur, græci vōcant συμπάθεια, nos quanquam parum latine, condolentiam seu commiserationē; durius est, compassio. Patientia iniuriarum & dolorum. Humilitatem vi- Humilitas. dentur magis re, quam nomine ignorasse. Vocarunt enim summisionem animi, demissionem, modestiam; & vsurpabant illa, submissee, modeste de se ipso sentire, loqui, se gerere, &c. At vero contemptum, abiectiōem, miseriam, calamita-

mitatem cum significare vellent, humilitatis vocem usurpabant. Cic. pro Quintio: Quod si tu iudex nullo praesidio fuisse videre contra vim et gratiam, solitudini atq; inopia: si apud hos consilium ex opibus, non ex veritate caussa pendetur, nihil est iam sanctum, atq; sincerum in ciuitate, nihil quod humilitatem cuiusquam grauitas & virtus iudicis consoletur. Ut tamen libere dicam quod sentio, potius quandam morum suauitatem illam summisionem, quam virtutem interpretati sunt: ideo illi magistri viuendi Plato, Aristoteles, Cicero nihil in praeceptis de ea separati n reliquerunt. Castitas faeminarum, summae virtutis putabatur, viris propemodum dedecori erat. Apud nos, etiam adolescentes, qui mulieres non tangunt, commendantur, vt verissime in aureolo suo libello πρὸς παρθενίας D. Ioannes Chrysostomus ita scripserit, ὅτι παρθενίας καλὸν ἀποσείφονται μὴ ἰουδαῖοι· θάνατον δὲ ἔχουσιν οἱ Ἕλληνες καὶ καταπλήττονται· ἡμεῖς δὲ μόνον ἐκκλησίᾳ τῇ θεῷ: id est, virginитatis laudem Iudaei auersantur: admirantur ac suspiciunt gentes: sola autem colit Ecclesia Dei. Fides, spes, charitas Christianorum virtutes sunt, Ethnicis incognita, quae non mediocrem ad laudandum materiam suppeditabunt.

De responsione ad Laudatorem.

CAPVT XXIII.

AD laudationem, qua ab aliquo affecti sumus, modice ac moderate respondendum est, nostras, & nostrarum rerum extenuando laudes. Tamen cum de nostris laudibus neque prorsus assentiendum sit, ne nos ipsi, qua in re minime debemus, nimium amare videamur: neque valde repugnandum, ne quod in nobis est honorificum, stulte rejiciamus, gaudebimus nos & nostros, seu nostra laudari: & eo magis, quo vel meliores, vel doctiores, vel grauius sunt, qui aliqua nos laude prosequuntur: probata enim virtus, a magnis praesertim viris, omnibus fortunis est anteponenda. Poterimus igitur non sine gratia dicere, laetari nos a laudato laudari viro: nosque dum nostras legimus laudes, agnoscere quodammodo.

*Cic. ep. 15.
lib. 2. fere
in princ. 6.
lib. 16.
P. Man. 40.
lib. 4. 12.
lib. 1. 41.
lib. 3 32
lib. 4.*

*Cic. 12. lib.
5.
P. Man. 30.
lib. 3. Omnes fere po-
litiani co-
do, ad Polita.*

H

do,

do, non sine maxima animi nostri voluptate; ipsius, cum, qui propriam ingenij & virtutum gloriam assequitur, is sciat quam optime alienas describere. Et ideo referemus ad euitandam arrogantiam, vel in benignitatem dicentis, qui iisdem laudibus, & maioribus ornatus sit, vel in beneuolentiam in nos, qui neminem volumus nimis esse in nostra laude liberalem.

P. Man. 31.

libr. 3. 34.

libr. 4. 14.

libr. 2. 32.

40. libr. 4.

4. libr. 4.

Illum tamen fructum te ex ea laudatione consecutum dicere poteris, quod cum virtus laudata crescat, vimque cohortandi habere videatur, magis ad virtutes, aliasque res laude dignas inflammatus fuisti. Itaque te enixurum multo etiam dices, quam antea diligentius, ut accedas proxime, si vlla ratione poteris, quo ille te peruenisse existimat, ut aliquando veritati iure, quod fortasse nunc humanitati magna ex parte largitur.

Plin. 13.

libr. 8. 31.

lib. 9.

Sed si laudes essent tam verae tamque claræ, ut in conspectu fere omnium essent sitæ, negarique minime possent, mentio-

tionem illorum faciemus (si qui fuerunt) honorificam, quorum opera, studio, auctoritate, id factum à nobis fuit. Verum à sola Dei Opt. Max. bonitate profectas dicere, & pio, & Christiano homine dignum esset. Idem etiam ser- *Cic. 10. l. 3.*
uare poteris, cum quis diceret, ab alijs te laudari: ni & illud addere velis, te cum tua latari causa, quod ea merces detur tibi laborum & vigiliarum tuarum, tum quod ea in ciuitate tua tribuantur, quæ fortibus & industrijs viris digna sunt.

Interdum pudoris est ingenui, nihil penitus ad laudationem respondere; præsertim si præteriri silentio possit, saluo honore nostro. Id quod tum maxime fieri solet, cum & alia sunt, de quibus scribi oporteat.

Cum vero laudantur alij, eosdem & nos laudabimus; confirmantes, quod ab amico laudatum fuit, & addentes, si quid addi poterit: vitia autem tacebi- *Plin. 3. lib. 9.*
mus, nisi aliqua per iocum potius, quàm serio vituperare voluerimus.

H 2

SCHO.

SCHOLIA.

A laudato laudari viro) *Locus Cicer. ex epist. bellissima ad Luceium, a quo petit res ab se gestas litteris mandari, hic est. Atq; hoc præstantius mihi fuerit, & ad læticiam animi & ad memoriæ dignitatem, si in tua scripta pervenero, quam si in cæterorum; quod non ingenium mihi solum suppeditatum fuerit tuū, sicut Timoleon- ti à Timæo, aut ab Herodoto Themistocli, sed etiā auctoritas clarissimi & spectatissimi viri, & in Repub. maximis gravissimisq; causis cogniti, atq; in primis probati: ut mihi non solum præconium, quod cum in Sigaum venisset Alexander ab Homero Achilli tributum esse dixit, sed etiam graue testimonium impertitum clari hominis magniq; videatur. Placet enim Hector ille mihi Neuianus, qui non tantum laudari se lætatur, sed addit etiam, à laudato viro. Versus autem Neuij poëtæ, quo hoc dicentem Hectorem introducebat, videtur hic esse.*

Lætus sum laudari me abs te, pater, laudato viro. à quo exorsus est epist. 6. lib. 15. addens; Ea est enim profecto iucunda laus, quæ ab ijs proficiscitur, qui ipsi in laude vixerunt.

De Accusatoria, seu Expo- stulatoria.

CAPVT XXV.

Accusatio, seu Expostulatio fit, cū *ΕΠΙΤΙ*
aliquem accusamus, aut cum de *ΜΗΤΙΚΗ*
aliquo alicuiusue vitio expostulamus. *ἢ μεμ-*
Accusamus illum, qui quod promise- *πῆχην.*
rat, non præstitit. Item accusamus *Cic epist. 6.*
aliquem breuitatis epistolæ, tarditatis, *lib. 3. 9. &*
negligentiæ, intermissionis litterarum, *14. libr. 7.*
modeste tamen & ingeniose. Queri- *Plin. 11.*
mur non recte esse quid ab aliquo fa- *13. lib. 1.*
ctum, potissimum erga nos, aut res no- *2. 6 lib. 2.*
bis charas, et relictos nos esse ab aliquo. *22. libr. 8.*
26. lib. 10.

Cum alium accusant docti, de alioue *Cicer. 9. ex*
conqueruntur, causas addere solent, *libr 7. 26.*
lenissimis vtentes verbis, cur miren- *lib. 10. 16.*
tur, cur querantur, cur illud recte fa- *& 17. ad.*
ctum non sit: illud solum agentes, vt il- *Bruzum.*
lud in posterum nolit fieri, magisq; sol- *P. Man. 22.*
liciti videantur esse de futuro, quam *libr 2. 23.*
dolere de præterito. Ideo aut petunt, *24. libr. 4.*

H 3

aut

aut hortantur, aut rogant, ne post hac ea, non faciat solum, verumetiam aliqua virtute compenset.

Interdum nos etiam ipsi excusamus amicum, cur aliquid prætermiserit, omiseritue, vel non credentes illum fuisse in causa, vel errorem vitiumue aliquo modo extenuantes.

cic. 6. l. 3.
14. lib. 4. Debet præterea qui alios reprehendit, omni vacare culpa. Idcirco Cicero cum alicuius se suspectum esse rei arbitratur, diligenter se expurgat, factumque suum cum facto illius, quem accusare paratus est, si opus est, comparat.

Aliquando simpliciter querimur de aliquo, adhibitis tantum causis nostræ querelæ.

SCHOLIA.

Intermissionis litterarum) Cum exposulabimus cum amico de non missis, seu raro aut tarde missis litteris, excusabimus tamen interdum ipsum de animo, & culpam in locorum interuallum, aut simile aliquid conferemus, quod etiam qui rescribit, facere potest. Sic Ouid. eleg. 6. lib. 4. Trist:

In

*Innumeri montes inter me teq; viaq;
 Fluminaq; & campi, nec freta pauca iacent.
 Mille potest cauſſis à te qua littera ſepe
 Miſſa ſit, in noſtras rara venire manus.
 Mille tamẽ cauſſas ſcribendo vince frequẽter,
 Excusem ne te ſemper amico mihi.*

Debet præterea, qui) *Ne occinatur illud :*

*Cũ tua peruideas oculis mala lippus inunctis, Horat. ſat.
 Cur in amicorum vitijs tam cernis acutum, 3. lib. 1.
 Quam aut aquila aut ſerpens Epidaurius?*

Et illud Catullianum,

Non videmus mantica quod in tergo eſt.

Et Plautinum,

Vitium quod de me prædicas, id tibi eſt.

In Afinar.

De reſponſione ad Accuſato- riam ſeu Expoſtula- toriam.

CAPVT XXVI.

Primo loco conſiderandum eſt, iu- *cic. 19. lib.
 ſta ne accuſatio ſit, ſeu expoſtula- 15. ad Att.
 tio, 16. lib. 11.*

H. 4

P. Man. 18.
libr. 1. Cic.
28. lib. 11.
Plin. 17. 28
libr. 7. 19.
lib. 9.
P. Man. 22.
lib. 2.

tio, an iniqua: si iniqua, vel non fecisse, dixisseue, dicemus: vel recte nos fecisse, aut dixisse, honestis quidem rationibus & modestis comprobabimus: deinde grauem nobis non fuisse illam accusationem monstrabimus, sed gratam potius, cū ab amico animo, à prudenti, à fideli venerit.

Si, qui scribit, iustam nos accusandi causam habebit, extenuabimus rem ipsam, aut non consulto eam nos fecisse dicentes, aut aliorum peccatis coactos. Quandoq; non crimen, sed culpam, à nobis amouemus in aliumq; hominem, vel in quampiam rem conferimus. Sæpe comparata causa dicimus necesse fuisse alterum facere: & id quod fecerimus, satius fuisse. E duobus enim malis, cum fugiendum maius sit, minus est eligendum. Verum si merito reprehendimur, nulloq; modo crimen à nobis nec remouere nec reijcere in alium hominem, aliamue rem possumus, confitendū est libere & ingenue delictum amico (modo id tibi apud alios nulli vel

cic. 7. li 9.
Ad Att. 9.
lib. 11.
P. Man. 3.
lib. 4.

vel vitio, vel fraudi esse possit) ubi non solum parata solet esse venia, sed summa etiam laus.

SCHOLIA.

Multa praterea de hoc epistolarum genere afferri possent in medium, sed consultius putamus lectorem ad Brandolin. mittere, qui de excusandi siue defendendi genere lib. 2. cap. 21. erudite disputavit. Lege, si placet, quæ scripta sunt de statu seu constitutione assumptiva à Q. Cornificio ad C. Heren. lib. 1. Non sunt enim hic inculcanda, immo nec admodum religiose in scribendis epistolis observanda, ut antea docuimus.

De exprobratoria.

CAPVT XXVII.

EXprobratio etiam, qua in illos solemus uti, à quibus pro officijs, nulla nobis relata est gratia, sub Expostulationis genere contineri videtur: quæ licet turpis illa quidem (ut fatentur omnes) & vix tolerabilis sit: quia meminisse debet, qui accepit beneficiũ,

H 5

obli.

*Cic. 2. 5.
lib. 5.*

obliuisci qui dedit: interdum tamen ingrati animi vitium impellit nos ad exprobrandum. Itaque sic moderanda est, non ut te collati beneficii penitus di-
cas, ac illius vitio tuam immutaturus sis sententiam: sed ut ostendas malefici-
cium pro beneficio non esse reponen-
dum: & virum bonum semper cum
memorem beneficii, tum gratum esse
oportere.

Cic. 17. l. 5.

Commemorat interdum Cicero of-
ficia omnia, quæ amico præstitit, non
quò aliquid aut queratur, aut expro-
bret: sed quò ex hac beneficiorum cõ-
memoratione ad ipsam descendat hor-
tationem, siue consolationem, facilius-
que quæ velit persuadeat, aut alia præ-
stet beneficia.

SCHOLIA.

*Expostula-
tio & ex-
probratio
differunt.*

*Cum amicis expostulamus, inimicis & ingra-
tis exprobramus. Quapropter in illo genere mi-
tiores, in hoc aliquanto seueriores sumus. Et quo-
niam ab humanitate videmur recedere, ita lo-
quamur, ut appareat nos id facere coactos quod
facimus, & ab ingrato homine beneficiorumq;
immemore impulsos. Huic formæ epistolarum
abrupta*

abrupta initia conueniunt. Exemplum illustre est illa Medea ad Iasonem apud Ouidium.

Quia meminisse debet) Propterea scilicet Pistura
Gratiarum.
pinguntur virgines, & iuuenes Gratia, quod accepti beneficij recordatio nunquam senescere debeat, aut intermori. Item vna auersam duc alic conspiciunt: quod pro accepto beneficio duplicem, & quasi cum fœnore gratiam rependere debeamus. Quomodo enim? Cum non modo pulchrius, sed iucundius etiam sit beneficio afficere quam affici: nec vlla res perinde magnum gaudij pariat, ac beneficentia, quod ipsa quoq; Gratiarum nomina declarant.

De responsione ad Exprobratorem.

CAPVT XXIIIX.

AD exprobrationem eodem modo est respondendum (si iustam exprobrandi causam habet) quo ad Accusatoriam respondisti, ea tamen modestia & tranquillitate animi, vt paupertatem tuam excusans, viriumq; imbecillitatem & fortunam ipsam, aliquidue simile, nec immemor beneficij, nec ingratus vir habearis.

Pol.

Polliceberis tamen te, si vlllo vnquam tempore data fuerit occasio, te ipsa præstaturum, vt homini non ingrato se beneficium tribuisse cognoscat.

Si nulla esset causa (solent enim quãdoq; homines, vel natura ipsa, vel aliqua alia ratione adducti, iusta & debita etiam officia commemorare, aut præter rem exprobrare) tum poteris & aptè, & cōmode dicere, relatā tibi potius esse gratiam, quā beneficium præstitum: aut parem te vicem, aut aliqua ex parte pro viribus tuis reddidisse, indiesq; maiorem, si per tuas fortunas licebit, redditurum.

Quamobrem concludes, nihil fuisse, cur talia diceret, cū illa cōmemoratio, quasi exprobratio fuerit immemoris beneficii, à quo vitio tam te alienum esse scribes, quam, qui plurimum.

De Inuectiua.

CAPVT XXIX.

Ab

AB hoc genere non separant Inue- ΕΠΙΤΙ-
ΜΗΤΙΚΗ.
ctiuas, quando in aliquem inue- Plin. 4. l. 2.
Cic. 7. l. 3.
Vlt. med.
himur, & atrocissimis verbis ali- 13. libr. 8.
10. lib. 11.
ad Att. 10.
lib. 7. 4. lib.
8. 6. 3 lib.
14. ad Otho-
uium.
cuius scelera, vt ingrati, vt crudelis, vt P. Man. 2.
12. lib. 22
infidi, vt tyranni insectamur. Quæ
probandæ sunt, quatenus ad insectatio-
nem vitij, aliosq; ab eo vitæ genere de-
terrendos paratæ sunt: nam vt inua-
dendum est in vitia, ita homini quan-
tum fieri poterit parcendum, optimi
quiq; existimant.

SCHOLIA.

*Satis fere omnes propensi sumus ad obiurgan-
dum & admonendum, ipsi obiurgari & admo-
neri vix sustinemus. Recte in monostichis.*

ἅπαντες ἑσμεν εἰς τὸν ἐπιτιμῶσιν
αὐτοὶ δ' ἀμαρτάνοντες, ὁ γινώσκων. εἰς πα-
ράνοιαν.

*Ad admonendum omnes sumus promptissimi,
Peccata sed nostra tamen haud agnoscimus.*

*Quare non est ita necesse nos multa hic præ-
scribere. Christiano tamen homini sicut modera-
te irascendum, ita quoq; moderate in alios inue-
hendum est: vt amarities obiurgationis quadam
lenitate & mansuetudine temperetur.*

De

De responsione ad Inuectiuam.

CAPVT XXX.

Ad Q. P.
epist. 1.

Cic. 7. 8.
lib. 3. 2.
lib. 5.

Inuectiuæ ac maledicæ epistolæ, vel nihil respondendum esse optimi quique, doctissimiq; viri existimant, vel non illico, vbi ea reddita, sed sedata commotione animi, & refrigerato ardore illo perturbationis.

Sed tum omnia epistolæ, epistolarumue accusatoris capita ponenda sunt: deinde pacate & moderate omnia ordine refutanda, rationibus subiectis, aut attenuanda suspicio. Vitam nostram ex antea actis spectandam esse scribemus, nullam nobis causam, vtilitatem, aut commodum fuisse id faciendi, dicendiue, immo incommodum, damnum dedecus.

Quandocq; non omnibus accusatoris capitibus in principio repetitis, sed ordine tantum, quod primum dixit, pri-

primum refutabimus: in vna quaque
caussa repetendo (quod solet Cic.) ac-
cusatoris verba.

Amicitiam nos quoad ipse volet,
conseruatuos indicabimus: nam sem-
per debet esse inuectiuæ modesta re-
sponsio, non arrogans, non superba,
procul ab omni ira: licet quandoq; &
Cicero, & alij grauissime læsi, & non Cic. 28. lib.
tantum sua, quantum vel Reipub. vel 7. 3. li. 114
aliorum, aliarumue rerum caussa, irati
acerbissime rescripserint.

SCHOLIA.

Vel nihil respondendum) *Sositheus* poëta
coram populo *Cleantem* præsentem hoc carmi-
ne proscidit. ὅς κλεάνθης μογία Βοηλατῆς, quos apophibet
Cleantis fatuitas agitat. Ille tanto conuitio ta-
ctus, vultum non mutauit. Qua patientia dele-
ctati auditores, applaudentes *Philosopho*, *Sosi-*
theum eieccrunt. Quum *Sositheus* diceret se pæ-
nitere, quod eum maledicto aspersisset, respondit
Cleantes, absurdum fore. si quum poëta frequen-
ter illudant *Libero patri*, & *Herculi*, nec illi
succenseant, ipse ob leue conuitium indignare-
tur. De dijs enim multa probrosa scripserunt
poëta.

poëta. Magna fuit hominis huius & Christianis imitanda moderatio, qui cum ipsi Deum sæpe offendant grauitè, & eius tamen animaduersionem non sentiant, par est, vt exemplo conditoris sui, non statim de vindicta cogitent, sed vincant in bono malum, vt Paulus docet. Quod si respondendum fuerit, ne quid perturbato animo dicatur & fiat, vt sine ira irasci videamur.

De Excusatoria, seu Purgatoria.

CAPVT XXXI.

παραι-
τητικὴ ἢ
ἀπολο-
γητικὴ.
cic. 7. li. 1.
15. 17. lib.
2. 3-7. lib.
6. 1. lib. 8.
18. 31. 35.
lib. 10. 21.
24. lib. 16.
Ad Att. 6.
32 lib. 2.
1. lib. 3.
2. lib. 4.

EXcusatio qua vel nos, vel alios de tarditate, raritate, longitudine, ac breuitate litterarum excusamus, de quibus ijs rebus, de quibus aliqui vel nos, aliosue accusant, vel de nobis conqueruntur, accusare, conqueriue possunt, simplicem, breuem & dilucidam expositionem habere debet, cum attentione suspicionis.

In hoc genere, si poterimus, crimen à nobis remouebimus, sin minus, afferenda

renda est facti ratio, culpaq; reiſcienda
 vel in fortunam, vel imprudentiam,
 vel neceſſitatem, excuſando pauper-
 tatem orationis, ignorantiam, angu-
 ſtias temporis, occupationes, morbos,
 pericula, & huiusmodi res, quibus ad
 aliquid, aut pro amicis, aut pro nobis
 etiam iſtis faciendum, non faciendum,
 ue adducti fuimus.

Ingenui tamen hominis eſt, pro lo-
 co & tempore, rem non modo fateri,
 ſed petere etiam vt ſibi ignoſcatur: &
 polliceri, ſe negligentiam illam, iactu-
 ram temporis, non præſtita beneficia,
 & reliqua id genus, aſidua diligentia,
 multo labore, cura, ſtudio, & amore,
 vel cum ſcœnore compenſaturum.

Perquam feſtiua tamen, & venuſta
 habetur excuſatio, cum eodem crimi-
 ne amicum condemnandum eſſe dici-
 mus, quo nos vel condemnat, vel con-
 demnare poſſet. Huc pertinet (quod
 huius generis videtur eſſe proprium)
 cum vel non accuſati excuſamus nos,
 rationeſq; in medium afferimus, cur

I

aut

*Cic. ad Brn-
 tum 17. 15.
 Ad Q. F. 1.
 lib. 1.*

*Plin. 8. lib.
 14. libr. 3.
 14. libr. 3.
 4. lib. 5. 4.
 libr. 6. 20.
 libr. 7. 12.
 li. 8. 8. 29.
 lib. 9.*

*P. Man. 7.
 10. lib. 14.
 18. libr. 2.
 27. libr. 4.
 Polit. 12.*

*lib. 4.
 7. lib. 6.
 Cic. 14. lib.
 6. 1. 3. lib.
 14. ad Att.
 1. lib. 1.*

*Plin. 35.
 lib. 9.
 Cic. 1. li. 1.
 vlt. 6.*

*Cic. 5. l. 2.
 in fine. 7. 8.
 lib. 4.*

Ad Att.
vlt. & per
vlt. li. 16.

aut aliquid fecerimus, dixerimusue, aut
amicum hortatí ad aliquid fuerimus,
vt puta cum semel atq̃ iterum, vel sæ-
pius aliquem eidem commendas, vide-
risq̃ illius liberalitatí, cui scribis, diffi-
dere: tum enim causas, quam obrem id
facias, explicabis.

De responsione ad Excusato- riam, seu Purgatoriam.

CAPVT XXXII.

Cic. 4. ll. 4.
15. libr. 9.
4. libr. 10.
Ad Att. 7.
libr. 11.
Pl. n. 13. li.
7.
P. Man. 24.
lib. 2.

*suspicio
venenum
amicitiæ.*

AD excusationem responsio adeo
modesta erit, vt rem non aliter
me accepisse dicam, quam ipse vel fece-
rit, vel dixerit. Ideo si quis se excusat,
cur vel sepe eodem exemplo, vel rarius
scribat, & huiusmodi, accipiam excu-
sationem qua vsus est, ex ea parte, quæ
ad scribentis honorem spectat. Nam
cum nostra amicitia nullas recipere de-
beat suspiciones, nec amicus peccare
prætermittendo officio potest, nec nos
animum

animum illius aliter atq; est, interpretari. Quocirca tollendæ penitus sunt ex mutua nostra beneuolentia omnes suspiciones.

Verum cum modestiæ causâ diceret, vel pauperem se esse orationis, vel indoctum, vel aliquid simile, id nunquam concedere, nostræ etiam est modestiæ, vel potius humanitatis.

*Paupertate
orationis se
laborare
scripserat
salpium ad
Cic. ep. 4.
lib. 4.*

Dicam aliquando iustam, & idoneam esse excusationem: id tamen ne sæpius faciat rogabo, rationesq; subiiciam: & demum assiduitate potius litterarum, aut aliqua alia re explendum esse officium, quam excusatione ostendam.

*Cic. 35.
lib. 16.*

Quod si excusatio minus probabilis videretur, inueniendæ sunt rationes, quibus modeste ostendamus, non esse accipiendam: admonebimusq; ut maiorem in posterum, aut utilitatis, aut honoris sui, aut commodi aliorum rationem habeat.

Hæc tamē omnia ita scribenda sunt, ut ad virtutes potius bonosq; mores ille inflammetur, quam ad vllam prouocetur

cetur iram: & eo considerata est hominis natura, & illi quandoq; sic indulgendum (etiamsi minus idonea videatur causa) ut nocere tibi minime possit.

De Deprecatoria.

CAPVT XXXIII.

*παραισι
ΤΙΧΗ.* **H**Æc forma immerito prætermissa est à quibusdam, cum eius usus non minus quam ceterarum, frequens videatur. Ergo in hæc pistola peccatum, seu culpam nostram aliorumue, quorū nomine scribimus, plane aperteq; confiteri solemus, hoc primum.

*Quibus modis peccatū
extenuemus* Tum orare, ut nobis, vel illis venia tribuatur. Quam ut facilius impetremus, rem siue crimen extenuabimus his modis & rationibus. Quod per imprudentiam, quod per ætatis imbecillitatem, quod nunc primum, ante hæc nunquam in illud vitium incidimus. Addemus, nos, seu illum pro quo scribimus,

bimus, in magno mœrore versari, præ pudore domo pedem non efferre, timere omnia, & non mediocrem ob admis- sam culpam dolorem præseferre, vt misericordia dignus videri possit.

Ad hæc, eius quem placare voluerimus lenitatem clementiamq; laudabimus, & ex antecedente probitate hominis qui peccauit, spem bonam illi faciemus, vt ipsum supplicantem venia impertiuisse non pœniteat. Inueni huius generis exemplum apud Plinium, quod, & quia breue, & quia suaue est, non grauabor adducere ad verbum.

C. Plinius Sabiniano suo.

Libertus tuus, cui succensere te dixe- *Epist. 21.
lib. 9.*
ras, venit ad me, aduolutusq; pedi-
bus meis tanquã tuis hæsit, fleuit mul-
tum, multum rogauit, multum etiam
tacuit: in summa, fecit mihi fidem pœ-
nitentiæ. vere credo emendatum, quia
deliquisse se sentit. Irasceris scio, & ira-
sceris merito, id quoq; scio. Sed tunc
I 3 præ-

γνώμη.

Blandam
vim adhi-
bet.

præcipua mansuetudinis laus, cum iræ
caussa iustissima est. Amasti hominem,
& spero amabis. interim sufficit vt ex-
orari te sinas. Licebit rursus irasci, si
meruerit: quod exoratus excusatius fa-
cies. Remitte aliquid adolescentiæ ip-
sius, remitte lacrymis, remitte indulgē-
tiæ tuæ: ne torseris illum, ne torseris
etiam te. torqueris enim cum tam lenis
irasceris. Vereor ne videar non rogare,
sed cogere, si precibus eius meas iunxe-
ro. Iungam tamen, tanto plenius & ef-
fusius, quanto ipsum acrius, seueriusq̃
corripui, districte minatus, nunquam
me postea rogaturum. Hoc illi, quem
terreri oportebat: tibi non idem. nam
fortasse iterum rogabo, iterum impe-
trabo: sit modo tale. vt rogare me, vt
præstare te deceat.

*De responsione ad Depre-
catoriam.*

CAPVT XXXIII.

Lau-

Laudare initio poterimus confessi-
onem culpæ, qua nos maxime im-
pelli dicemus ad ignoscendum, si-
quidem ignoscere pulchrum iam mise-
ro, poenæq; genus, vidisse precantem,
vt ait Claudianus. Cupere nos, quan-
tum in nobis est, nemini prorsus irasci,
neminem punire, sed aliorum delictis à
mansuetudine nostra ad iustissimam
iram aliquando traduci, immo potius
trahi. Nihilominus semper apud nos
plus valuisse illam ad ignoscendum,
quam istam ad puniendum, nec nos
tam aliorum iniurijs lædi, quam sum-
missione placari. Pollicebimur, si ita se
in posterum gesserit, vt promiserit, nos
illum multo chariorem habituros, De-
niq; alia huiusmodi non insuaui pau-
lum cogitanti, & epistolam deprecato-
riam inspicienti, in mentem venient.

De Focosa.

CAPVT XXXV.

πακτι-
κῆν σκω-
πτικῆ.

Cic. *vt. lib.*
1. *omnes fe-*
re lib. 7. ad
Trebat. &
multæ ad
Petum l. 9.
Plin. 6. l. 1.
12. lib. 7.
P. Man. 17.
libr. 1. 27.
lib. 3. fere
in fine. 52.
libr. 4. Cic.
12. 23. lib.
7.
Plin. 15.
21. libr. 1.
Cic. 1. de
offic.

REliquum est Iocosum genus, in quo sedem esse aiunt risui: eo enim vtimur, cum de rebus iocosis loquimur. Sed ac re ad iocos adhibendū est iudicium: nam non cum omnibus iocandum est, sed inspicienda est persona, & pro personę qualitate iocandum, & non iocandum esse censeo: cum sint, qui iocum nec dicere soleant, nec ferre possint.

Illiberale, petulans, flagitiosum, obscœnum iocandi genus est reiiciendū, amplectendum elegans, vrbānum, ingeniosum, facetum. Iocose aliquem carpere, & de eo conqueri, quandam affert gratiam: nam iocando possum aliorum dicta, sententias, & facta confutare.

Sed cum iocus naturę sit munus, in eoq; obacumen & leporem, quibus rebus ioci commendantur, & admiratio, & delectatio inesse soleat, illud maxime cauendum est, ne dum nos ridicula dicere volumus, in ridiculo ipsi simus.

SCHO.

SCHOLIA.

Iocosus & facetis epistolis mirum in modum delectatus est M. Tullius: tantumq[ue] ἐὺχρηστικῶς indulgit, ut vix ullam iocandi occasionem prætermittere potuerit, sed quemadmodum in congressu & coram facetus erat, ita etiam in litteris, quibus absens cum amicis loquebatur. Nec vero hoc iocandi studium obscure tulit. scribit enim ad Papirium epist. 5. lib. 9. Ego autem (existimes licet quod lubet) mirifice capior facetijs. Item ad Voluminium epist. 32. lib. 7. Urbanitatis possessionem, amabo, quibus suis interdictis defendamus. Quam autem prompto ad iocandum fuerit ingenio, & quam in promptu iocos habuerit, atq[ue] ut ab illis temperare sibi non potuerit, quam deniq[ue] natura φιλογέλοιος, & φιλοσπώμωυ fuerit, in ea ad Papirium Patum epistola, quæ illam proxime sequitur, declarat. Effugere autem si velim nonnullorum acute aut facete dictorum offensionem, fama ingenij mihi est abijcienda: quod si id possem, non recusarem. Porro Cicero hac cautione utitur in suarum epistolarum iocis, ut non velit nisi tempestive iocari. Sed quid ago? inquit ad Dolabellam ep. 10. lib. 9. quum mihi sit incertum, tranquillo ne sis animo, an, ut in bello, in aliqua maiuscula cura

Cicer. facio. tum.
Cautio.
I s - nego-

negotione versere? addit. quum igitur mihi erit exploratum, te libenter esse risurum, scribam ad te pluribus. Item epist. 4. lib. 2. Iocere ne tecum per literas? ciuem me hercule non puto esse, qui temporibus his ridere possit. Aliquando etiam in rebus scuerissimis utitur iocis. Nonnunquam ex ipso loquendi genere iocandi occasionem arripit. Sed diligens lectio ipsius epistolarum, praesertim earum, quae sunt ad Atticum, & haec & plura docebit.

Cicero quo-
modo con-
cludat io-
tasua.

Solet autem suas iocationes ita claudere. Sed iam satis iocati sumus. Sed haec iocati sumus, & tuo more, & non nihil etiam nostro. Sed de ioca satis est. Ac plerumque his alijsque huiusmodi loquendi generibus transitum sibi a iocoso sermone ad serium parat. Nonnunquam vero dicit; Extra iocum, vel. remoto ioco. Alicubi contra, aliquid suo iocoso sermoni praefatur, quo verba sua non esse serio loquentis praemoneat. Sic tu (libet enim mihi iocari) quod disertum non erit, ne putaris meum. Vicißim vero alicubi admonet, ea quae dicit, non esse iocantis verba. Atque haec nolo me iocari putes. Sed haec de illis epistolis dicta sunt, quae mixtos habent

iocos.



De

De responsione ad Iocofam.

CAPVT XXXVI.

AD iocofam epistolam iocose respondere, modo ne quis offendatur. Ad graues viros, & maiores, habitata omni ratione grauitatis, dignitatis, & ætatis, modeste est respondendum. Nam non eodem modo ad omnes rescribam: in pares siquidem & inferiores licebit vti iocis: in alios vero, vel non vtar, vel modice vtar, aut etiam intra modum.

Cic. 10. 11.
Libr. 7. 16.
17. libr. 9.
vlt. mea. 20
eiusdem.

SCHOLIA.

De ridiculis & iocosis eleganter & copiose disputatum est à Casare in 2. de Orat. ad Q. F. vbi tota res in duo genera diuiditur, & loci complures afferuntur, vt si quis eam partem diligenter accurateq; cognouerit, ei materis ad iocandum deesse vix possit. De facetijs item & iocis admodum fuse & praeclare disputauit libris de Sermone Iouianus Pontanus. Præter hos legendi sunt

1. de leg.
Scriptores
faceti.

sunt scriptores, quorum ingenia naturæq; ad iocandum & ludendum propensiores fuerunt. qualis inter Græcos est Aristophanes Comicus, vel ipsius M. Tullij iudicio facetissimus. Qualis eiusdem sententia Plautus, de quo illa in 1. off. grauius sane scripta sunt. Duplex omnino est iocandi genus: vnum illiberale, petulans, flagitiosum, obscænum: alterum elegans, urbanum, ingeniosum, facetum. Quo genere non modo Plautus noster, & Atticor. antiqua comædia, sed etiã Philosophorum Socraticorum libri referti sunt, & quæ sequuntur. Macrobius Saturnal. lib. 2. varios multorũ iocos refert. in eodem lib. cap. 1. & Plauto & ipsi M. Tullio huius rei magnam facultatem tribuit, sic enim ait: Et iam primo animaduerto duos, quos eloquentissimos antiqua atastulit, Comicum Plautum, & oratorem Tullium, eos ambos etiam ad iocorum venustatem ceteris præstitisse. Plautus quidem ea re ita clarus fuit, vt post mortem eius comædiæ, quæ incertæ ferebantur, Plautinæ tamen esse, de iocorum copia noscerentur. Cicero autem quantum in ea re valuerit, quis ignorat, qui vel Liberti eius libros, quos is de patroni iocis composuit, quos quidam ipsius putant esse, legere curauit?

Idem Gellius lib. 3. cap. 3.

De

*De Flebili, seu Lacrymosa, &
responſione ad eam.*

CAPVT XXXVII.

Flebile genus faciūt nonnulli, cum ΘΕΝΥΝΤΙ-
aut querimur, aut dolemus, aut κλ.
ingemimus, aut cruciamur aliquid vel Cic. 9. lib.
nobis, vel parentibus, vel amicis, & af- 14. ad Att.
finibus, vel patriæ accidisse incommo- 4. libr. 1.
di. 4. libr. 10.
Plin. 5. 6.
lib. 5.

In quo quidem genere rationes no-
stri doloris, gemitus, cruciatus, afferen-
dæ sunt: & quam spem, si vlla est, &
qua in re quoue in homine habeamus.

Solet flebilis epistola gaudere inter-
rogationibus, & exclamationibus, vt
& magis illum ad quem scribimus, mo-
uere possimus, & nostrum dolorem ac
mœrorem non mediocrem esse signifi- τὸ γὰρ
cemus: modum tamen aliquem in illis, μέτρον
vt omnibus alijs in rebus, adhibendum ἐστὶν ἀρι-
esse tibi persuadeas velim. στον.

Sci.

Sciant vero studiosi, non omnibus epistolarum generibus, quale videmus esse flebile; certas posse præscribi regulas de illarum œconomia; quocirca ea tantum à nobis ponuntur, quæ apud doctos obseruari animaduerti potuerunt. Quod ad responsionem huius generis attinet, præcepta è proxime sequenti capite huc etiam transferantur.

SCHOLIA.

De flebili seu) Poterit etiam appellari tristis & miseria. Cicer. epist. 13. lib. 4. relinquebatur triste quoddam & miserum, & his temporibus vsitatum genus litterarum. Item, miserabiliter scripta, vt ad Atticum lib. 10. de quadam Cælij epistola loquitur. Tales sunt libri decimi quarti, in quibus eius gemitus & lacrymas videmus; & quedam ad Atticum, vt lib 11. 7. In qua præter alia hæc scribuntur. O rem miseram. Quid scribam? aut quid velim? Breue faciam. lacrymæ enim se subito profuderunt. Et paucis interiectis. Ignosce, obsecro te; non possum præ fletu & dolore diutius in hoc loco immorari. Aliæ vero multa sunt epistolæ, in quibus licet fletus mentionem non itidem faciat, omnino tamen flebiles vocari possunt. Ex earum numero

numero est 13. libr. 4. ubi triste etiam illud & miserum genus literarum se deficere ait. In eadem cum alia, tum hac scribit. Sapiusq; mihi veniebat in mentem queri quod viverem, quam gaudere quod viverem. Et paulo post. Tamen his conficior curis, ut hoc ipsum quod maneam in vita, peccare me existimem. Sed alicubi tamen afflictum se erigere conatur, alicubi etiam ita fractum esse negat, ut fortuna succumbendum putet, ut in 11. lib. 9. Sed cum in nonnullis locis eorum quos protulimus, tum in alijs videtur Cicero magis, quam virum fortem doceret, in gemitus & lamenta se effudisse, nam ut ait Pacuvius,

Conqueri adversam fortunam non lamentari decet:

Id viri est officium, fletus muliebri ingenio additus.

Sed hoc Ciceronem excusat, quod in epistolis Cicero ex potius, quam in alijs scriptis talem se ostendat; excusat. & quidem inter eius epistolas illa potissimum sint miserabiliter ac flebiliter scriptæ, quæ sunt ad uxorem. magis enim venia dignus videtur qui apud mulierem lamentatur muliebriter, quam qui apud virum.

De

De Consolatoria.

CAPVT XXXVIII.

παραμυ-
 θητική. **I**N consolando natura nos docet, ut
 cic. 2. libr. 2. 10. li. 3. primum alterius infelicitate, mole-
 5. lib. 4. stia, dolore, rei alicuius iactura, & mor-
 14. 16. lib. te doleamus: deinde blande & amice
 5. 4. lib. 6. reddamus rationes, quibus amicum à
 ad Att. 10. molestijs, et dolore abducere conemur,
 11. lib. 12. eum vehementer hortantes, ut omnem
 5. lib. 4. aduersam fortunam fortiter ferat, &
 Plin. 10. quid sit forti & sapienti homine dignū
 11. lib. 8. cogitet, quid grauitas, quid altitudo
 Pol. 8. li. 2. animi, quid acta eius vita, quid studia,
 1. lib. 4. quid artes ab eo flagitēt, quibus à pue-
 P. Man. 18. ritia floruit, quid ipsa natura, quid
 lib. 1. fere tempora, quid necessitas. Non illi so-
 in med. 47. lum id accidisse: ea nos conditione na-
 lib. 4. tos esse, ut nihil quod homini euenire
 Ad Att. 2. possit, recusare debeamus. Turpe esse
 lib. 15. expectare temporis medicinam, quam
 repræsentare ratione possimus: &
 (quod omnium maximum est) acquie-
 scendum esse in summi Dei voluntate,
 cuius

cuius nutu iuste, clementer, & sapienter fiunt, reguntur, gubernantur omnia: cuiusque proprium est, dolorem & incommoda omnia in lætitiā vtilitatemque mutare.

Poteris quandoque à rationibus incipere ipsis, quibus aliquando amicus consolatus te fuit. Indignum enim viro esse existimant docti, quod alteri præceperit, id ipsum facere non posse, vel non conari.

*Cic. ep. 9.
ad Brutum.
P. Man. 46.
lib. 4. in fine.*

Si non potes aliquid efficere suadendo, gratia contendes, & rogando, si quid tua causa, & aliorum velit, ut illis se molestis laxet, eaque faciat quæ & se, & prudentia, & fortitudine animi sui digna iudicabit. Si quid profeceris, quantum voluptatis assecuturus sis, ostendes: sin nihil, officio tamen benevolentissimi, atque amicissimi functum te fuisse significabis.

Cic. 14. l. 3.

Excusant se quandoque qui consolantur, cur longiores non sint, ne vel diffidere prudentiæ illius videantur, vel illi obtundere, si minus eo erga se studio delectaretur,

K

In

In fine vero epistolæ nostram illi
operam studiumq; pro viribus nostris
pollicebimur.

SCHOLIA.

Consolatio
via, pul-
cherrima
prorsus &
suavissima
epistola.

Nullum est profecto epistolariū genus, in quo
libentius versari debeat hominem Christianum,
quam consolatorium. Nobis enim proprium est,
sicut gaudere cum gaudentibus, ita cum flenti-
bus flere, aliorumq; vulnera & plagas oratione
nostra sanare. Qua quidem non est aliud medi-
camentum præsentius atq; salutaris. pulchre
versiculus græcus.

Ἐνυχὺς νοσέουσ, ἐστὶ φάρμακον λόγος.

Languentis animi pharmacum est oratio.

cic. 3. Tu-
scul.

Et quoniam vita hæc quam vivimus, miseria-
rum plena, gravissimorumq; incommodorum re-
ferta est, nec quisquam mortalis reperitur, quem
non attingat dolor, ut scripsit Euripides, nullum
officium æquè frequenter est opus; magnumq;
beneficium existimari debet, alienum luctum vel
tollere, vel mitigare. Porro idem hoc genus, ut
pulcherrimum & frequentissimū, sic etiam pro-
pter multos est Philosophia locos, propter exem-
plorum copiam, quæ in consolando adhibentur
gravissimum, & non cuiusvis præterea, sed au-
toritate quadam & sapientia præditi hominis
est.

¶ Caterum cum M. Tullius in omnibus epistolarum formis, ut qui maxime, excelluerit, in scribendis consolatorijs valet longe plurimum, ex quibus (quoniam multe sunt) non pauca eademq̃ optima praecepta colligi poterūt, & quanta in illo homine suauitas, quam eximius quamq̃ pius alienorum dolorum sensus fuerit, perspicue ac manifesto cognosci. Quo autem granibus sententijs, & ad consolationem aptis abundare possumus, legendi sunt prater M. Tullij scripta & praesertim Tusculanas disputationes Plutarchus, Seneca, Epictetus, Franciscus Petrarca de remedijs vtriusq̃ fortunae, item exemplorū & apophthegmatum libelli.

Lam. Ma.
Tullij.

Quid studia, quid artes? Per multum ad leuandos animi dolores valent studia litterarum, & valere debent. quare si quem non indoctum consolabimur, ei studia sua, tamquam praesentem medicinam commendabimus. Testatur hoc prater ceteros auctores Ouid. eleg. 3. libr. 5. Trist.

Detineo studijs animum, falloq̃ labores,

Exterior curis & dare verba meis.

Quid potius faciam desertis solus in oris?

Quamue malis aliam querere coner opem?

Carminibus quæro miserarum obliuia rerum,

Premia si studio consequar ista, sat est.

K 2

Non

Non illi solum accidisse) Non solum eorum
 qui supersunt, sed eorum etiam qui iam olim
 vita exiuerunt similes casus respicere, solatium
 affert. Atq; ideo M. Tullius se in consolatione
 (quem librum scripsit, ut se ipsum de Tulliolo
 obitu consolaretur) clarissimorum hominum sua
 ciuitatis grauissimos exitus collegisse dicit. *Epist.* 6. *lib.* 6. Commemorarem non solum ve-
 terum, sed horum etiam recentium vel ducum
 vel comitum tuorum grauissimos casus. Etiam
 externos multos claros viros nominarem. Leuat
 enim dolorem communis quasi legis & humani-
 tatis recordatio. Plutarchus in *consolat.* ad *A-*
pollonium scribit: *Antimachum* poetam, mor-
 tua sibi uxore *Lyda*, quam vehementer amabat,
 scripsisse elegiam quandam ad consolandum &
 leniendum mœrorem suum, in qua calamitates
 heroicas colligebat, malis alienis suum casum ac
 dolorem leuare & minuere studens. *Achilles*
Iliad. 4. *Lycaonem* vnum ex filiis *Priami* mor-
 tem deprecantem, preciumq; salutis & vite pro-
 mittentem hortatur, ut æquo animo ferat mor-
 tem; casum *Patroclum*, illo multo meliorem; se
 quoq; eximia corporis statura, & pulchritudine
 præditum, strenui patris & *Thetidis* filium, vel
 mane, vel meridie, vel vespere moriturum.

Artificium
 Horatii in
 consolando.

Horatius od. 24. *lib.* 1. *P. Virg.* ob *Quintiliij*
 mortem artificiose consolatur. Primum enim
 facit

facit Musam assentiri et indulgere lugenti, eiusque lacrymas approbare, ne ad vulnus recens illidas manus. Ut enim crudum adhuc vulnus medentium manus reformidat, deinde patitur atque ultro requirit: sic recens animi dolor, consolationes reiecit ac refugit, mox desiderat, & vehementer ad motis acquiescit. Plin. epist. 16, lib. 1. Tum posteaquam sese Virg. luctus quodammodo sociam adiunxit, aggreditur paulo maiore fiducia ad eius agritudinem minuendam commemoratione conditionis humanæ: quæ est, ut semel omnibus moriendum sit. Postremo ostendit nihil eum lugendo affecuturum, neque vlla unquam ratione perfecturum, ut Quintilius reuiuifcat.

Quod alteri præceperit) Denique noli te obliuisci Cic. esse, & eum qui alijs consueueris præcipere & dare consilium, & quæ sequuntur. Seruius Sulpic. epist. 1. lib. 4. Non ero longior, quantum ex 3. Tuscul. de consolantium officijs pauca subiiciam, ut ad ea scriptionem nostram accommodemus. Hac igitur officia sunt consolantium, tollere agritudinem funditus, aut sedare, aut detrahere quamplurimum, aut suppressere, nec pati manare longius, aut ad aliam traducere. Sunt, qui vnum officium consolantis putent: malum illud omnino non esse, ut Cleanthi placet, sunt, qui non magnum malum, ut Peripatetici sunt, qui abducunt à malis ad bona.

Officia con-
solantium.

ut Epicurus. Sunt, qui satis putant ostendere, nihil inopinati accidisse, nihil mali. Chrysippus autem caput esse censet in consolando, detrahere illam opinionem morienti, si se officio fungi putet iusto, atq; debito. Sunt etiam, qui hac omnia genera consolandi colligunt: alius enim alio modo mouetur, ut fere nos omnia in Consolationem unam coniecimus: erat enim in tumore animus, & omnis in eo tentabatur curatio.

Est epist. lib. 4. numero quinta, qua quidem tota Seruius Sulpitius orator & Iurecos. & à Quintiliano libr. 30. & à Cicerone Philipp. 9. postquam in legatione decessit, egregie collaudatus, ipsum Ciceronem propter filia Tullioli obitum (obiit autem pariens) in luctu & mœrore acerbissimo iacentem consolatur, tanta auctoritate, prudentia, humanitate & orationis suauitate, ut nihil in hoc epistolarum genere putem extare perfectius. Quæ sane M. Tullio, ut ipse testatus est epist. sequente, qua Sulpizio respondit, dolorem illum vix consolabilem non parum minuit.

Eam igitur epistolam adolescentes legant, relegant, ediscant: ac si quando aliquem de morte parentis, fratris, sororis, filiorum, consanguinei, affinis aut cognati alicuius consolantur, ne omittant iisdem argumentis uti, quibus intelligunt esse usum Sulpitium: quanquam

Epistola
Seruij Sul-
pitij com-
mendatur.

ex nostra item, hac est, Christianorum disciplina, & ex libris sanctorum virorum non mediocris, immo vero maior atq; adeo firmiter ad consolandum materia sumi potest. Inprimis autem nitantur adolescentes in hac forma litterarum omnem verborum lenitatem adhibere, ut consolatio grauib; instructa sententijs, & mollibus exornata verbis, ad miserorum afflictorumq; aures magna cum suauitate affluat, & in intimos eorum sensus placidissime illabatur.

De responsione ad Consolatoriam.

CAPVT XXXIX.

Consolanti respondebis, primum, clt. 6. l. 4.
13. & 15.
libr. 5. ad
Att. 7.
lib. 11.
gratam tibi fuisse consolationem, si minus iucundam, nec dubium tibi fuisse, quin tali ex tuis incommodis mœrore afficeretur amicus: deinde quem fructum ex illius litteris cœperis, quod illis lectis aliquantulum acquieueris, cum oratio prudens ac beneuola, auctoritas, exempla, consilia, cætereq; reseleganter copioseq; collectæ. multam adhibuerint medicinā dolori:

K 4

sed

P. Man. 36
lib. 4.

sed illud maiorem, quod firmitudinem, grauitatemque animi illius perspexeris.

Postremo, ubi causas tui doloris & fletus exposueris, desiderare te amici presentiam ostendes, quam multum mœrori tuo (quando litteræ tantum valuerunt) mederi posse significabis.

Grati tamen viri est, gratias agere, et vicissim officium suum amico, et semper, & ad omnia promptum paratumque ostendere. Precaberis tamen Deum ipsum, ut nunquam illi tuâ uti opera contingat, nisi in rebus cum secundis, tum lætis.

SCHOLIA.

Si consolatio nihil nobis profuerit, laudabimus animum, studium & ingenium consolatoris: quod tanquam bonus ac peritus medicus nullum remediij genus non admouerit. Sed malum vincere omnem artem. Lege epist. Ouid. 4. libr. 1. de Ponto. Vbi ait facundiam Rufini tantas vires non habuisse, ut sanare eius animum posset: nec enim esse in potestate medicorum, ut semper curent agrotum. Maius esse malum suum quam uic-

medicina. Proinde aut sanari se non posse, aut
sola diuturnitate posse. Postea cum sese cum alijs
exsulibus contulisset, & omnes meliore fortuna
vſos docuisset, quam ipse vteretur, addit hac in
extremo:

Quò magis ignoscat sapientia vestra dolenti,
Quæ facit ex dictis non ita multa tuis.
Nec tamen inficior, si possent nostra coire
Vulnera, præceptis posse coire tuis.
Sed vereor ne me frustra sanare labores,
Nec iuuer admota perditus æger ope.
Nec loquor hæc, quia sit maior prudẽtia nobis,
Sed sim quam medico notior ipse mihi.
Vt tamẽ hoc ita sit, munus tua grande voluntas
Ad me peruenit, consuluiq; boni.


Et Cic. ad Att. sed nescio quomodo imbecil- *Epist. 16.*
ior est medicina quam morbus. Vide 3. Tuscul. *lib. 10.*

De Officiosa.

CAPVT XL.

Officiosa epistola, qua operam vel *φιλική.*
pollicendo, vel præstando no- *Plin. 4. 19.*
stram, aut præstitam honeste cõmemo- *libr. 1. 32.*
rando, vel gratiam inimus apud ali- *libr. 6. 16.*
libr. 7.

K 5 quem



quem, vel initam, aut fouemus, aut augemus, iure generi consolatorio subiicitur: quia cum alibi, tum in quæq; consolatoria epist. (vt dictum est) operam nostram studiumq; polliceri solemus. Commemoratis enim prius, si placebit, amicitiae nostrae causis, nil tam promptum & paratum esse scribemus, quam omnem nostram operam, curam, diligentiam, auctoritatem, gratiam, & facultates ad omnia, quæ ad amici voluntatem, comodum, & dignitatem pertinere cognoscemus. Ideo rogabimus, vt nostra quantulacumq; sit opera, alijs que rebus & ipse, & sui in omnibus vantantur negotijs, publicis, priuatis, forensibus, & domesticis, cum suis, tum amicorum, ac aliorum omnium, quoniam hoc nobis gratius atq; optatius fieri nihil possit.

*P. Man. 23.
lib. 2. in
fac.*

*Polit. 9.
lib. 1.
Cic. 8. 11.
lib. 5.
P. Man. 38.
lib. 4.*

*Cic. 10. l. 3.
fera in prin-
cip.*

Cic. 1. li. 3.

Addemus etiam (si ad rem facere videbitur) nos semper desiderasse, tempus dari, quo & ipse, & alij cognoscerent, quanti à nobis fiat: vel doluisse, nunquam datam nobis fuisse occasionem

nem

nem præstandi officij iam diu debiti: nunc autem quando id accidit, nihil nos prætermittere sine nefario scelere posse.

Si quid prætermissum fuerit, & crebritate, & magnitudine officiorum nos refarturos pollicebimur. Si quid autem præstitimus, non minus breuiter quàm modeste commemorabimus, quantum extiterit studium nostrum dignitatis amici vel tuendæ, vel augendæ: seu potius non dubitare nos scribemus (quod modestius & laudabilius habetur) quin vel sui vel alij perscripserint, cum nec mediocre nec obscurum, nec eiusmodi fuerit, quod silentio possit præteriri, breuiterq; rem ipsam etiam nos attingere poterimus. Nihil præterea nos prætermisuros pollicebimur, quod ad utilitatem, honoremq; eius spectauerit. Omnia igitur dicemus & postulet à nobis & expectet: cum officijs nostris amici cogi-

tationes superaturi
simus,

SCHO.

Cic. 1. li. 8.

17. libr. 5.

29. lib. 10.

Plin. 4 l. 2.

Cic. 10. lib.

3. non lon-

ge à prin-

cipio.

SCHOLIA.

De Officiosa) Officiosam epistolam vulgo appellant eam, in qua operam nostram studiumq; amico pollicemur. Sed vocem multo latius patientem nimis arctant, cum ad hanc significationem restringunt, magnamq; epistolis Consolatorijs, Gratulatorijs, Monitorijs, alijsq; nonnullis iniuriam faciunt: quippe qui eas quoq; hac appellatione, quam tamē non minus merentur, non dignantur. Immo vero Officiosa verius hæc dici possint: quamvis qui aliquem consolatur, qui alicui gratulatur, qui aliquem monet, re ipsa officio amici fungatur: at qui aliquid pollicetur, verbis duntaxat officium amici præstet. possunt ergo rectius fortassis pollicitatoria nominari.

De responsione ad Officiosam.

CAPVT XLI.

et. 13. 19.
libr. 5. 32.
libr. 7.

AD officiosam epistolam omnia responderi poterunt, quæ infra in gratiarum actione convenire dicemus. Non minus enim officiosa, & humanitatis plena debet esse responsio, quam

quam fuerit epistola, ad quam respon-
detur. Etsi minime noua tibi fuerunt, P. Man. 3e
libr. 1. 13.
16. 26. lib.
quæ præstitit amicus, grata tamen, &
iucunda fuisse declarabis. Cum ea sit 2. 14. li. 3e
Plin. 1. lib.
4. 14. libr.
7. 7. lib. 8e
amici voluntas, humanitas & beneuo-
lencia erga te, libenter talem te ample-
cti animum.

Polliceberis etiam operam tuam,
certandumque esse officiis dices, quibus
æquo animo vel vincas illum, vel vin-
caris ab illo. Tuam omnem spem signi-
ficabis in illo vno, vel in illo maxime
post Deum ipsum, à quo primo bona
omnia emanant, positam esse: tantam
humanitatem & beneuolentiam, tot
tantaque officia, nullam vnquam obli-
uionem inobscuraturam esse.

De Gratulatoria.

CAPVT XLII.

Gratulatio, quæ aut vtilitati & cō- ευχαρισ-
τία.
modo debetur, quæ magna qui- Cic. 11. 13e
li. 3. 8. li. 15
dem est, aut honori ac dignitati, quæ
maior

Plin. 13. maior habetur, aut virtuti & pietati,
23. libr. 4. quæ omnium est maxima, sit, cum ali-
12. 15. lib. cui gratularis de rebus, vel quæ illi
5. 26. libr. prospere euenerunt, vel quæ alijs, de
6. quibus quidem maximam illum arbi-
P. Man. 1. traris percipere lætitiā.
2. 8. libr. 1.

9. 10. libr. Si de rebus, quæ ad hominem perti-
21. 20. 29. nent, illud obseruare debes, vt incredi-
lib. 3. 29. bili te ex illa dignitate, vtilitateue illi
30. 45. nec petenti, nec ambientī delata, nec
lib. 4. expectanti quidem, affici lætitiā dicas
 perinde, ac ex rebus tuis, & ipsius causā
 fa, & tuo quoq; nomine, & quod vides
 ea egregijs, & doctis viris tribui orna-
 menta & commoda, quæ debentur.
 Addes etiā nō dubiū tibi fuisse, quin
 illam assecuturus esset rem, cum multo
 etiā maiora illius merita postulent:
 orabisq; Deum, vt honorem illum, aut
 facultates fortunet.

Cic. 5. 7. 9. Inseres tamen nonnunquam hortā-
lib. 2. 14. tionem ipsam, etiā si minus necessā-
lib. 9. rium esse intellexeris, vt & tuum testi-
Plin. 13. ficeris in illum amorem, & magis ho-
lib. 7. minem ad virtutes, et res præclarissime
 gerendas inflammes.

Si

Si de alijs, vt puta de fratre erit gratulatio, mirum in modum te gaudere scribes, illum cæpisse fructum vel pietatis in suos, vel animi in Rempub. vel rerum bene & prudenter gestarum, cum affecutus frater fuerit illam aut dignitatem aut vtilitatem. Idcirco te facere significabis, cum fratris causa, tum quod iudicas amicum omnibus secundissimis rebus dignissimum. Quo quidem genere vtimur, cum vel nobis ipsi gratulamur, vel alijs de aliqua re nostra.

Cic. 7. 9.
lib. 19.

Ad Att. 1.
lib. 4. Plin.
19. lib. 4.
23. lib. 9.

Vbi cauendum esse arbitror, ne adeo inaniter, & effuse animus noster exultet, vt illa lætitia, vel gestiens, vel nimia dici possit. Rerum autem ordo postulat, vt cum mista est epistola, gratulatio sit in principio: id quod & Cicero ostendit, & filius.

Cic. 9. li. 2.
12. lib. 3.
21. lib. 16.
ult. med.

SCHOLIA.

P. Manat. in epist. 7. lib. 1. qua Cicero Curioni de Tribunatu plebis gratulatur: Tria seruat, inquit, in officio gratulationis. Primum

gra-

gratulatur tantam dignitatē: deinde bene precatur: tum hortatur ad magistratum cum laude gerendum. Gratulatorijs, opponuntur Deploratoriae seu Lamentatoriae, tum praesertim, quum non nostras, sed amici calamitates & miseras lugemus, ut contra in gratulatorijs, nostram, ob illam quae eius honori vel fortunis facta fuerit accessionem, laetitiam testamur. Verum quando nostras ipsi calamitates deploramus, quum casus nostros lamentamur, & nostrum dolorem aut etiam nostros gemitus & lacrymas in sinum amici velut effundimus, Gratulatorijs velut ex aduerso non respondent. De gratulatione vide Brandol. cap. 18. lib. 2.

De responsione ad Gratulatoriam

CAPVT XLIII.

Cic. 11. 14.
libr. 4. 21.
libr. 16.
ad Att. lib.
9. in epist.
Caes. ad Op.
pium.
Plin. 8.
lib. 4.

AD gratulatoriam rescribes, gratam tibi fuisse gratulationem: amici enim cum humanitatem, tum beneuolentiam agnoscis, cum minime dubium vllō tibi vnquā tempore fuerit, quin omni ille afficeretur laetitia de omni-

omnibus tuis, tum commodis, tum honoribus: vt & semper capisti voluptatem, capturusue ex omnibus rebus es, quas ad illius vel dignitatem, vel utilitatem pertinere cognosti cognosceresue.

Optare te, & sperare monstrabis, *Cic. 15. lib. 2.*
rem non modo prospere euenturam, sed etiam maximæ tibi voluptati fore: confidere etiā, multū te in ea amici humanitatem, & prudentiam adiuturam. Probatissimam tibi esse significabis rationem, quod ab optimo sit animo. Deum gratias agere, tuæ esse partes videntur.

*De Epistola qua gratias
agimus.*

CAPVT XLIIII.

IN gratiarum vero actione, quæ pri- *Απει-
χαισι-
κν.*
mum locum in epist. si pluribus de
rebus scribendum est, desiderare vide-
tur,

Cic. 15. l. 2. tur, accurate, & prudenter de rebus
11. lib. 10. nostris actū esse ab amico ostendemus:
Plin. 19. li. confectam rem esse, siue conficiendam
4. 2. lib. 5. nos sperare ex nostra sententia: resque
3. 16. 28. ipsas si videbitur, quæ ab illo factæ sunt,
lib. 6. narrabimus, omnes conferentes non in
P. Man. 15. merita nostra, sed in illius cum huma-
libr. 2. 37. nitatem, tum liberalitatem, & diligen-
lib. 4. tiam: id quod faciemus etiam, cum de
P. Man. 26. rebus nobis donatis erit dicendū, pol-
libr. 4. licebimurque non mediocrem nos adhi-
Polit. 4. bituros curam, ut viros nos dignos a-
lib. 8. mici laudibus, & fauoribus ac muneribus præstemus.

Verum si res forte fortuna minus ex voto successerint, per amicum non stetisse fatebimur, quo minus eas affecti fuerimus: omnia enim, quæ ab amico proficiſcuntur, grata nobis esse & solent, & debent.

Demum vel aperte meritas agemus gratias, & si dabitur, relatuſ promittemus: sin minus, Deum ipsum orabimus, ut cumulate pro nobis respondeat: vel per circuitionem id faciemus, gratia-

gratiarū relatione potius, quam actione opus esse scribentes.

Dicimus tamen quandoq; non esse amici agere gratias, vel pluribus id agere, ne blandus esse videatur: cum iam pridem id ex nostra necessitudine, quæ ad summam beneuolentiam peruenit, sublatum esse debeat.

Cic. 24. li.

10. 13. l. 11

Ad Brut. 6.

P. Man. 11.

lib. 4.

SCHOLIA.

Non esse amici gratias agere) Nam inter ærtiſſimo amicitia vinculo confociatos, gratiarum actio locum habere debeat, an vero prætermitti sine culpa, & offensione possit, fortasse dubitetur. Brutus quidem & Plancius ita existimarunt. Ille enim in vna sic ait. Iam non ago tibi gratias. Cui enim re vix referre possum, huic verbis non patitur res satisfieri. In altera sic. Noli expectare dum tibi gratias agam. Iam pridem hoc ex nostra necessitudine, quæ ad summam beneuolentiam peruenit, sublatum esse debet. Hic autem, Plancius inquam, in hunc modum exorditur suam; Facere non possum, quin in singulas res meritaq; tua tibi gratias agam. Sed me hercule facio cū pudore. neq; enim talis necessitudo, quantam tu mihi tecum esse voluisti, desiderare videtur gratiarum actio-

nem, neq; ego lubenter pro maximis tuis beneficijs tam vili munere defungor orationis: & malo præsens obseruantia, indulgentia, assiduitate memorẽ me tibi probare. Hoc igitur illi sentiũt. At M. Tull. de gratiarũ actione ep. 19. li. 10. his verbis scripsit. Quamquã gratiarum actionem à te non desiderabam, quũ te re ipsa atq; animo scirem esse gratissimum, tamen (fatendũ est enim) fuit ea mihi periucunda. Sic enim vidi, quasi ea quæ oculis cernuntur, me à te amari. Dices, quid antea? sed nunquam illũstrius. Patet, Ciceronem officium hoc nequaquam improbare vel in summa amicitia. Rationes porro quastum Brutus, tum Plancus afferunt, non videntur contemnendæ, quoniam inter quos perfectã multis officijs constituta est necessitudo, in hos iam cadit illud Aristoteleum, vna anima in duobus corporibus. Si ergo mihi gratias non ago pro meis in me ipsum meritis, cur alteri mihi agam, qui non solum pars & dimidium animæ meæ, vt loquuntur poëta, sed vt Philosophus dixit, tota est mihi anima? Nihilominus, etiamsi talis amicitia reperiatur, vt reperta est inter Dauidem & Ionatham, Pythiam & Damonem Pythagoreos, Pyladem & Orestem, & præterea ex omni antiquitate inter paucissimos, puto gratias agi amico posse, si minus debent: quandoquidem ea interdum ob amorem alteri præstamus, quæ nobis ipsis

nun-

Cic. 3. off.
In Lelio 1.
de finib.

nunquam prestaremus, atq; ita alium quam nos
& pluris facere, & magis diligere videmur.
quod autem amicus dicitur alter ego, vis amoris
& magnitudo illius concordiae exprimitur.

Beneficium quod accepimus, erit modis om- ὡκείαι
nibus amplificandum. Nam saepe gratiam retu- χαίριτες
lisse videtur, qui bene gratias agit. Amplifica- γλυκε-
tur autem his ferme rationibus: si vltro collatū ρώτεται.
est, si incunctanter, si cito. Bis enim dat, qui cito
dat. Si intempore, si vberius quam alter ausus
sit petere, si nihil promerito. si ab eo, cui libenter
debemus, hoc est, ab eo quem amamus ex animo.
Lege cap. 17. lib. 2. Brandolin.

De responsione ad epistolam Gratiarum adtricem.

CAPVT XLV.

AGENTI gratias respondebimus,
non mirari nos, sed vehementer
gaudere, grata illi esse officia nostra,
cum hominem omnium gratissimum Cic. 18. lib.
cognouerimus, idēq; nunquam nos de- 2. 11. li. 5.
stitisse prædicare. dolere quod plura 19. 20. li.
pro amico facere nobis non licuerit 10.

Recipiemus tamen, illius dignita-

L 3

tem,

tem, in dies maiori nobis curæ futuram, licet adeo eam amplificatam esse sciamus virtutibus suis, vt vel nihil, vel parum addi posse videatur.

Præterea tantam inter amicos necessitudinem, nullam desiderare gratiarum actionem scribemus: nec eam nos vnquam expectasse. Immo si mutua fuerunt beneficia, (vt maiorem captemus beneuolentiam) illum non gratiam modo nobis habuisse, verum etiam cumulatissime retulisse dicemus.

Modesti præterea hominis est, præsertim si ad magnos scribatur viros, nõ modo nullam admittere gratiarum actionem: verum illud etiam addere, beneficium se accepisse, non dedisse, cum plus vel commodi, vel suauitatis ex illa re in eximium illum virum collocata adeptus ipse fuerit, quam magnus ille vir.



De

De epistola Imperante, & Prohibente.

CAPVT XLVI.

IMperare, & prohibere superiorum, προσα-
aut magistratum, aut potestatem κτικῇ.
aliquam gerentium est. Sed cum illi ἀπαγο-
per alios vt plurimum scribant, vtrisque ρευτικῇ.
præcepta tradenda sunt.

Omni-
bus igitur, qui per litteras ali-
quid imperaturi aut mandaturi sunt,
siue suo, siue alieno nomine id agant,
tria potissimum considerata sunt: Imperanti-
bus tria cō-
sideranda.
quibus imperetur, quid imperent, quo-
modo imperent. Nam & si omnibus
benigne mansueteq; imperandum est
(omnes enim humanitati quam super-
biæ libentius obtemperant) ingenuis
tamen, & generosis animis mansue-
tius & consideratius imperandum est:
sponte enim quæ agenda sunt, agunt.

Retinenda tamen est semper ma-

L 4

iestas

iestas imperantis, ne cui præest, subesse : aut quem cogere potest, rogare videatur.

In hoc genere aut nullo, aut quam breuissimo exordio vtendum est. Id, si res postulabit, ad ea quæ facienda sunt, lectorum animos præparabit, rationemq; , qua ipse ad imperandum ductus sit, aut vtilitatem exponet. nonnunquam rei magnitudinem, difficultatem, honestatem, laudem premiumq; proponet. Id si opus non erit, à narratione incipiet eius rei, de qua imperaturus est.

Rem autem, quam imperabit, primum fieri posse ostendat necesse est : deinde etiam facilem, aut certe non difficilem : honestam præterea & vtilem, non ei qui imperat solum, sed ei quoq; qui imperium sustinet : & si poterit, etiam necessariam.

Modum quoq; rei gerendæ, facultatemq; præbeat. Postremo, quid ex ea re emolumentum vel laudis sit vterq; consecuturus, ostendat. Mandandi eadem pene

*Mandare
& Impera-
re differunt.*

pene quæ imperandi ratio est : nisi quod qui mandat, rogare potest : qui imperat, si modo imperat, non potest. Precum tamen loco adhortationes atq; incitationes succedunt : quæ imperanti nunquam inutiles, sæpe etiam necessariae sunt. Præterea qui mandat, familiarius ac lenius : qui imperat, grauius ac seuerius agit.

Prohibendi quoq; ratio non sane ab imperando multum discrepat. Quibus enim rationibus imperamus, iisdem quoque prohibeamus necesse est. Sed prohibemus asperius, & præmij loco poenam, ignominiamq; proponimus. Plus tamen in omni re humanitas & æquitas, quam ius vllum aut seueritas valet. Sed de hoc toto genere hætenus. Vide Brandol. lib. 2. cap. 23. Quomodo autem imperanti aut prohibenti respondendum sit, credo id satis superq; ex tot generibus hætenus explicatis disci cognosciq; potuisse : multa enim inde huc recte accommodabuntur.

De epistola Dedicatoria, seu Nuncupatoria.

CAPVT XLVII.

Προσφω-
ντική.
Dedicato-
ria quid.

Quibus des-
dicemus
libros.

Cur dedica-
toria.

GENUS vnum est epistolarum, quo
vtimur, cum quacunque tandem
de materia librum vel à nobismet ipsis
scriptum confectumq̃, vel illustratum,
vel emendatum, vel commentarijs, an-
notationibus, scholijs explicatum, vel
nostra solum opera typis impressum
ad aliquem aliquosue mittimus. Illi
autem eiusmodi sint oportet, qui vno
aliquo eximio ornamento, aut multis
simul emineant, qui maximos in Re-
pub. honores gesserint, sanguinis no-
bilitate clari, eruditione præstantes,
Barones, Comites, Principes, Reges,
Imperatores, Episcopi, Cardinales, Põ-
tifices. Vnde appellatio fluxit epistolę.
Namq̃ cū Deo Diuisq̃ dedicare quip-
piam proprie dicamur, isti heroes præ-
reliquorum hominum cętu dñi quidam
terrestres ob maiestatem potestatisq̃
am-

amplitudinem, virtutes, diuitias, & cetera tum animi, tum fortunæ bona videntur. Vox, nuncupatoria, inscriptio nem respicit: vt epistola nuncupatoria sit, qua quis librum suum cuiquam inscribit, cum quo librum nominari, seu à quo librū nuncupari cupit. Confunduntur porro, et pro eodem ista duo vocabula, quando de Epistola sermo est, vsurpantur. Dedicamus autem idcirco lucubrationes nostras magnis Principibus, & eorum eas nomine insignimus: primum quidem, vt ipsorum nobis beneuolentiam, gratiam amoremque conciliemus, conciliatum augeamus atque confirmemus. Tum, vt priuati homines eo meliorem de nostris laboribus opinionem concipiant, quod eos ad tam illustres viros, ad ipsa capita & Rectores orbis terrarum missos conspiciunt: quibus procul dubio nihil inelegans, indotum, vulgare, abiectumque donatur. Hinc fit, vt libentius & cupidius tales libros euoluant, ac magis venerentur:

Cur Nuncupatoria.

Causse dedicationis.

tur: videlicet, ne illorum quibus consecrati sunt auctoritatem parvipendere, & iudicium irridere videantur. Quemadmodū ergo fures citius à dedicatis atque sacris, quam à profanis rebus manum abstinēt, sic obrectatores & invidi linguas suas fere coercent ab illis doctorum vigilīs lacerandis, quas clarissimis & potentissimis Principibus dicatas intuentur: aliorum libros, qui nullum illustre splendidumq; nomen præferunt, negligunt ferme, & legere vix dignantur. Ita non auctoritas modo, sed patrociniū quoque & tutela libris comparatur.

Mos antiquus.

Olim ad eruditos homines, & amicos potius ac necessarios, quam ad nobiles mittebantur libri. Sic Aristoteles Ethica ad Nicomachum filiū, & quosdam de Rhetorica (non illos 3. qui feruntur hodie, sed diuersos ab illis) ad discipulum suum Theodecten, M. Tullius bonam suorum monumentorum partem ad M. Brutum, T. Pompon. Atti-

Atticum, Q. Fratrem, M. Filium, Iulius Cæsar, & M. Terentius Varro de latina lingua suos ad Ciceronem miserunt. Tunc nomen illius ad quem liber mittebatur, cum titulo: & dedicatio cum ipsomet opere tanquam illius exordium coniungebatur, hoc modo.

M. TERENTII VARRONIS DE LINGVA LATINA AD M. TVLLIVM CICERONEM LIBER QVARTVS.

Item, M. TVLLII CICERONIS AD Q. FRATREM DIALOGI III, DE ORATORE. Postea sic incipit. Cogitanti

mihi sæpenumero, & memoria vetera repetenti, perbeati fuisse, Quincte frater, illi videri solent &c. & in off. Quamquam te Marce fili, annum iam audientem Cratippum. His temporibus more

receptum est, vt dicatio separetur, & sit epistola in aditu operis collocata, habens talem inscriptionem siue titulum.

M. ANTONIVS MURETVS S. D. SCIPIONI GONZAGA MAR-
CHIONI, ET S. R. I. PRINCIPI.

Hoc ita fit iustas ob causas. Etenim si
operi

*Mos recens
tior.*

operi copularetur, non possent ea differi, quæ in tali epistola differuntur: esset quippe nimis longum sæpe, & ut paulo post manifesto patebit, absurdum. Age iam, aliquot leges & præcepta in hoc genus demus, non illa quidem fixa & prorsus immutabilia, attamen satis congruentia satisque certa.

Præceptiones huius generis.

Genus dicendi siue character qualis nam hic deceat, disci potuit ex cap. 12. gravis scilicet, copiosus ac summus, si summa fuerit personarum auctoritas, existimatio, amplitudo, dignitas. Si mediocris, poterit recte mediuste temperatusque character adhiberi. Quando infimus: nunquam, aut perraro, quoniam ad plebeios & infimos, nisi forte ad amicos, non solemus mittere libros.

Exordimur ab aliqua re pulchra, illustri, præclara, delectabili, seu à loco communi, paulatimque ad operis argumentum institutumque delabimur, quomodo facere plerumque consuevit Paul. Manut. in suis quas appellauit præfationibus. Interdum à nostris rebus

bus, occupationibus, negotijs, fortuna, vitæ statu atq; euentis principium ducimus.

Deinde occasionem & causas explicamus, quibus incitati fuerimus ad librum conscribendum, ne quid incon- sulto aggressi putemur. Hic de vtilita- tibus ex ea lectione illoq; studio capiē- dis licebit disputare: hæc siquidem vna solet existere ratio, qua docti viri ad li- bros diuulgandos impelluntur.

Tertio dicendum est aliquid de mo- do & œconomia quam tenuerimus in opere nostro. Hoc & superius præce- ptum, in tanta librorū eadem, aut quasi eadem de re scriptorū multitudine, ob- seruatu sunt vehementer necessaria, vt si minus res nouas, noua tamen cōmo- dioreq; via & methodo, diligentius, & apertius (quæ singula per se magna sunt) tradere nos velle, intelligatur.

Post hæc Patroni nostri laudabiles actiones, egregia facinora insigniter prædicabimus, ac, si videbitur, ad ea- rundem laudum ampliorem gloriam
cohor-

cohortabimur: qua in parte nihil veta-
bit esse longiores. Quamuis necesse
non fuerit, rhetoricū quendam in lau-
dando ordinem persequi: verum, si
multa sunt, præcipua deligenda, & ver-
bis exquisitis in cælum extollenda e-
runt.

Postremo munus nosq̃ ipsos offere-
mus, extenuantes nostrum ingenium,
doctrinam cum libro deprimentes, at
paucis, suauiter ac moderate. Rogabi-
mus item, vt nos in suorum numero
habere pergat, plurā, maiora, elabora-
tiora ipsiusq̃ splendore digniora polli-
cebimur. Verumenimvero, hic ordo
præceptionum tam anxie custodien-
dus non est: nam hic quoq̃, vt alibi, li-
bera est epistola. Ego quæ de hoc gene-
re sentiebam, strictim exposui.

SCHOLIA.

M. Tullius bonam) ad Brut. scripsit lib. de
natura Deor. de finibus bonorum & malorum.
Tuscul. disputat. Paradoxa, Orat. perf. epist.
aliquot, ad Q. F. lib. de Orat. & epistol. libr. 3.
ad Atticum libellos de Senectute & Amicitia,

et epistolarum lib. 16. ad M. Filium 3. de Off. ad quem plura scripturus fuit, ut ipsemet in exordio affirmavit. Horum librorum prefationes legat, qui graviter, polite et sapienter prefari concupiscit. Habebat Cicero volumen proæmiorum, ut est in quadam ad Attic. epist. ex eo eligebat, si quod *ὀνυγμα* institueret. Vnde confirmatur id quod docuimus, commune quippiam et *ὑποτίτλον* in dedicatorijs tractandum esse principio, alioqui nec M. Tullius volumen proæmiorum, nec Demosthenes volumen exordiorum paratum habere potuisset.

Ep. 6. l. 16.
ad Att.

De Composita seu Mista.

CAPVT XLVIII.

MISTVM genus, de quo proxime dicendum est merito ultimum tenet locum. Nam si epistola ijs constat generibus, quæ per se (quod modo vidimus) separata sunt, necesse erat de singulis primum separatim dicere, mox de misto. Quod proprie fit, cum diuersis epistolarum generibus contexta est

Mixtū.

M epi-

*Cic. ep. 14.
lib. 2.*

epistola, licet tam late pateat mistum hoc genus, ut nulla fere sit epistola, quæ diuersis non contextatur argumentis, & plura & diuersa non contineat membra. Nulla enim, verbi causa, commendatitia epistola inuenitur, qua non omnibus laudibus illum ornes, quem commendas, qua non & honeste petas, & suadeas, ut ea faciat, quæ ipse rogas. Rursus, quem consolari poteris, quin dolorem declares tuum? quin horteris eundem, ut moerorem deponat, aliaque efficiat omnia, quæ res ipsa exigat, & ratio postulet consolandi? Verum hæc membra vnius generis sunt, non diuersorum: nam his ablatiis, epistola suum perderet nomen.

*Cic. 10.
lib. 3.*

Quo pacto ad mistam epistolam rescribatur satis ex præcedentibus generibus disci poterit.

SCHOLIA.

Licet tam late pateat) *Quod tam late patere vult compositam epist. Rochus, ut nulla prope-modum epistola sit non mista vereor ut probandum sit. Nec enim si in commendatitia laudamus, si petimus, idcirco est mista, immo hæc illius generis*

tie

ris natura est. Similiter cum in consolatoria nostrum dolorem declaramus, & aliū ad mœrorem dimittendum cohortamur, non diuersas epistolarum formas confundimus ac permiscemus, sed vnius generis partibus diuersis quidem, verum ad vnum eundemq; finem spectantibus vtimur. Ac si scriptor vnum præcipue finem sibi proposuerit, tum etiam mista epistola, hoc est, ex diuersis generibus cōflata, simplex dici poterit, & eius generis, ad quod ille finis pertinebit. Quod si diuersos fines pari ratione pariq; modo propositos habuerit quispiam, illa epistola recte vocabitur mista. Mista epistolæ exempla apud Ciceronem, maximeq; in ijs quæ sunt ad Attic. reperientur.

*Epistolam esse liberam, nec
certis perpetuisq; legibus
adstringi.*

CAPVT XLIX.

Illud tamen animaduertendum est, nos non omnia hæc, quæ dicta à nobis sunt, firmissimam legem esse vellemus, nec aliter fieri nunquam posse existimare, nedum præcipere. Nam cum libera & soluta sit epistola, nulli fere

M 2

addi-

addicta legi, ingeniosi adolescentes, vt magis generi, de quo agitur, conuenire videbitur, & addere, & mutare, & imminuere poterunt multa. Nos enim ea tantum posuimus, quæ apud Ciceronem potissimum obseruata animaduertimus, vt bonarum artium studio si viam, quæ ante hac aspera, latebrosa, ac difficilis per multos iam annos illos remorabatur, adeo facilem atque latam efficeremus, vt quam citissime ad metam ipsam peruenire possent. Cetera omnia acuto ipsorum iudicio relinquimus: nam ipsi per se, nullo vel docente, vel admonente, cum multa epistolarum genera similitudinē quandam inter se habere videantur, vt Commendatitium, Petitorium, Laudatorium, Hortatorium, fieri quandoque posse videbunt, vt argumentū illud, quod in vno genere positum minus inuenient, in altero reperiant. Quinimo in quouis litterarum genere, non modo proprium genus, sed cetera fere omnia syluam tibi & materiam quandam facilem,

cilem, ac variam suppeditare poterunt. Vbi enim totum commendatitium genus (exempli causa) vno oculorum intuitu perspexeris, sexcentas pulcherri-
mas res inuenies, quas in rem tuam facere videbis: & sæpe eandem ipsam quam quæris. Cum igitur in commen-
dando versaris vel laudando, aut rem, aut hominem, Laudatorio vti poteris, in exponendo Expositorio, in petendo Petitorio, in suadendo Hortatorio, in remunerando Officioso. Ita tam multi-
plex, tamq̃ præclara tibi rerum omni-
um vbertas, varietas, & copia scriben-
di erit, vt sæpius ipse, qua potissimum
vrsurus in scribendo sis, nescias.

*De modo & forma vale-
dicendi.*

CAPVT L.

Quemadmodum ex congressu ac
sermone hominum salutatio, sic
M 3 etiam

etiam valedictio, ad epistolam translata fuit: & quomodo congregientem ante omnia, ita discedentem quoque post omnia salutem precari, cuiusdam humanitatis faustiꝑ ominis iudicabatur. Ergo illa quidem ordiri epistolam, hac eandem exaratam atꝑ confectam claudere consueuimus, idꝑ secunda persona semper vtentes. Cæterum, vbi de salutatione locuti sumus, ea solum afferenda putauimus, quæ apud veteres obseruare nos meminimus: similiter hoc loco facientes, eosdem potissimum adolescentibus ad imitandum proponemus.

Itaꝑ M. Tullius, quique ad ipsum scribunt, hos fere modos adhibent. Vale. Istuc frequentissimũ & tritissimum est. Plinius nunquam aliter. Da operam, vt valeas: hoc mihi gratius facere nihil potes. Me velim, vt facis, diligas, valetudiniꝑ tuæ & tranquillitati animi seruias. Vale. Tume diliges, & valebis. Bene vale & me dilige. Fac va-leas. Fac valeas, meꝑ mutuo diligas.

Hoc

Hoc fere semper vti solet Plancus ad Ciceronem scribens. Tamen, si quando ad charissimos & amicissimos scribit M. Tullius, certis quibusdā iisdemque suauissimis, & interdum longiusculis formis vtitur in valedicendo, quas plerasq; omnes puerorum causa collegimus.

Ad uxorem & liberos.

VAlete mea desideria, valete. Vale mea Terentia. Mea Tertia fidissima atq; optima vxor, & mea charissima Tulliola, & spes reliqua nostra Cicero, valere. Vos mea suauissima & optatissima Terentia, & Tulliola, si nos amatis, curate vt valeatis. Cura vt valeas. Etiam atq; etiam vale. Tu velim tuam & Tulliae valetudinem cures. Valetudinem tuam cura diligenter, Fac vt tuam & Tulliae valetudinem cures. Maxime autem date operam vt valeatis, si nos vultis valere. Da operam vt valeas.

M 4

Ad

Ad Q. Fratrem.

Reliquum est vt te orem, vt valetudini tuæ, si me & tuos omnes valere vis, diligentissime seruias. Cura mi frater, vt valeas. Fac mi frater, vt valeas. Vale mi optime & optatissime frater. Mi frater, vale. Te oro etiam atq; etiam, mi frater, vt valeas. Cura mi suauissime & charissime frater, vt valeas. Vale mi suauissime & optime frater.

Ad T. Pomponium Atticum.

CVra vt valeas & nos ames, & tibi persuadeas, te à me fraterne amari. Cura vt valeas. Fac valeas. Etiam atq; etiam vale.

Ad Tironem.

ETiam atq; etiam vale. Cura vt valeas etiam atque etiam Tiro noster. Quantum me diligis, tantum fac, vt valeas, vel quantum te à me scis diligì. Ama nos & vale. Vale, salue, Fac plane

ne vt valeas. Cura te etiam atq; etiam diligēter. Cura te diligenter. Cura te (si me amas) diligenter. Tu velim in primis cures vt valeas. Cura mi Tiro vt valeas.

Tiro Libertus M. Tullij, nondum e morbo cōsualuerat.

Post vale, si quid est, quod maxime illum agere, aut quod infixum illi in animo hærere cupiamus, ad quem scribimus, licebit hoc ipsum adiungere: id ex superioribus exemplis animaduerti ut cunque potuit. Valedictionem, est quando iterat Cicero. Fac plane vt valeas: nos ad summum. Vale. Valetudinem tuam cura diligenter. Vale. Et interpositis aliquot versibus, vt ep. 18. lib. 7. & epist. 3. lib. 14. vbi ter valedicit, & ad Tironem 13. lib. 15. Item ad Atticum epist. 19. lib. 5. vbi postea vale non repetitur, & epist. 4. libr. 11. nec non alibi.

Græci epist. finiebant verbis ὑγιαίνει seu ἔρρωστο· χαίρειν & ἐν πράττειν non solum exordijs, sed clausulis quoq; epistolarum seruiebant. Aristotel. ad Philippum τὰ δ' ἄλλα ἐν πράττειν. Quod ad cetera attinet, seu, de reliquo sis fælix.

Græci quibus verbis vtantur in valedicendo.

M 5

Et

Ετιν αλῖα. πρῶτῃ μὲν τὰ συμφέροντα, ἐπὶ δὲ
 λειδ' ἐτὰ δ' ὄξαντα. Age quæ conducunt,
 perfice quæ videntur. Sic Cicero ad
 Tironem epist. 6. post Vale, subiecit,
 salve. Vale mi Tiro, vale, vale, & salve.
 & 9. ad eundem, Vale, salve. Plautus
 in Curcul. & Capt. Vale atq; salve. Sic
 coniungebant vtrumq; veteres disce-
 dētes ab iis, quos nunquā postea visuri
 essent, seu quos se nunquam iterum vi-
 suros sperabant. Cistell. Quando ita
 tibi lubet, vale atq; salve. Mercat. Li-
 men superum, inferumq; salve, simul
 autem vale. Quin ita saluere, & valere
 iubebant mortuos.

Virgil. II. AEncid.

Salve aeternum mihi maxime Palla

Aeternumq; vale. addamus illud,

Catul. epig. ad fratris tumul.

Accipe fraterno multum manantia fletu,

Atq; in perpetuum frater aue atq; vale.

Apud Salust. in Coniurat. Catilina. ad Q. Ca-
pulum scribens, pro Vale, vsurpauit, Aucto.

SCHO-

SCHOLIA.

Dicimur quoq̃ salutare eos quibus valedicimus. quod in puerorum gratiam obseruandum existimaui. Sic Ouid. 1. Trist. eleg. 3. de discessu suo conquerens.

Numina vicinis habitantia sedibus inquam,
Iamq̃ oculis nunquam templa videnda meis,
Dijq̃ relinquendi quos vrbs habet alta Quirini,
Este salutati tempus in omne mihi.

Et Euryalus 9. Æneid. comprehendans matrem suam Ascanio,

Hanc ego nunc ignaram huius, quodcunq̃ periculi est,

Inque salutatam linquo.

Cicero epist. 1. lib. 3. ad Q. F. sub finem epistolæ, ante valedictionem : Quid præterea? quid? etiam. In quem locum Paulus Manutius, genus est, inquit, in epistolis, præsertim ijs quæ ad familiares mittuntur, in extremo vsitatum. Varias enim res cum scripsimus, nec iam memoria quidquam suppeditat : quasi nos hæc per litteras collocutio delectet, ipsi nos interrogamus, numquid præterea scribendum supersit? deinde, alterum, Quid, est illud quidem ipsum quoq̃ cum interrogatione positum : sed responsio tamen ad priorem interrogationem quædam videtur.

Cicronis.
mos.

videtur. Nam cum rogauit, quid præterea est quod scribam? respondet, quid scribam? quasi dicat: nunc quidem nihil video, quod præterea possim scribere, mox inuenta re subiungit: Etiam. etiam inquit, præter superiora aliquid est. sic epist. 10. lib. 1. ad Att. Noui tibi quidnam scribam? quid? etiam. & epist. 6. libr. 2. ad eundem: Præterea de muro statue, quid faciendum sit. aliud quid? etiam. quando te proficisci istinc putes, fac ut sciam. Vale. & 19. eiusdem lib. atq; etiam alibi.

Observauit adhuc Manut. officio fere suas epistolas Ciceronem claudere consueuisse. Exempla cum innumera occurrant, ego vnum & alterum puerorum causa adducere volui. Epist. 4. lib. 6. Ego quæ te velle, quæq; ad te & ad tuos pertinere arbitror, omnia studiose diligenterq; curabo. & 5. Ame vero tibi omnia liberisq; tuis paratissima esse confidas velim. Id enim & vetustas nostri amoris, & mea consuetudo in meos, & tua multa erga me officia postulant. & 18. lib. 5. Meus animus erit in te liberosq; tuos semper, quem tu esse vis, & qui esse debet.

De tempore, loco, & salutationibus.

CAPVT LI.

Habet

Habet aliquam voluptatem, sæpe autem vtilitatē, cognoscere quando scripta sit epistola, & vbi locorum viuat is qui scripserit. Vtrumq; vero, & tempus, & locus, vel breuitatem litterarū, vel raritatem, vel negligentiam interdum excusat. Sic igitur tempus adscribemus. Datum, Data, aut prætermisso participio, ad III. Non. Octob. ad X V. Kalend. Nouembres. Aut sine præpositione. I V. Idus Aprilis &c.

Locum sic. Theſſalonica, Brundisij, Athenis, Leucade &c. poterit etiam locus hoc pacto significari, Rhegij, è castris. Romæ, ex ædibus nostris, ex cubiculo meo: & adiungi denuo tempus, hac ratione. Ante lucem, vesperi, hora tertia, Liberalibus &c. Paulus Manutius & Angelus Politianus apponunt annum à Christo nato, sic. Venetijs, M. D. LIII. Florentiæ, X. Kalend. Maias, M. CCCC. LXXXXX, idq; pro olympiadibus & Coss. per quos Romani atque Græci annos supputabant.

bant. Atqui ex his tribus, valedictione inquam, tempore, & loco, non rarò aliàs valedictio (cum scilicet toties ad eundem scribimus) aliàs locus, aliquādo tempus omittitur, cum vel parum refert, addas nec ne, vel is cui scribitur, iam nouit. Neq̃ certus semper ordo tenebatur, nunc enim hoc, nunc illud antecedebat. Vale. Romæ, Nonis sextil. Vale. V. Kalend. Martias Neapoli. Pridie Idus Maias Placentia. Vale. hoc tamen vltimum vix inuenias,

Consueuimus adhæc aliorum nomine alios in extrema epistola salutare, ante aut post Vale, his modis. Saluebis à meo Cicerone. Cícero meus modestissimus & suauissimus puer tibi salutem dicit. Cícero tibi plurimam salutem dicit, adscribit. Terentia tibi salutem, Terentia impertit tibi multum salutis, aut multam salutem. Alios item nostris verbis salutari petimus. Alexim humanissimum puerum saluere iubeas velim. Dionysium iube saluere.

De

De Attica optime, & ei salutem dices, & Pilia. Pilia & puellæ Cæciliæ bel-
lissimæ salutem. Atticæ plurimam sa-
lutem velim dicas. Valebis, & valere
filiam & Cæciliam nostram iubebis,
& saluebis à meo Cicerone. Dionysio
plurimam salutem. Cornelio verbis
meis salutē dices. Demetrium saluere
velim iubeas plurimum. Pilia salutem
dices & Atticæ, delitijs atq; amoribus
meis. Atticam nostram cupio absen-
tem suauiri: ita mī dulcis salus visa
est per te missa ab illa. Referes igitur ei
plurimam, itemq; Pilia dicas velim.
Deniq; restant alia quædam, quæ ab
hominibus eruditis, & imprimis à M.
Tullio fieri seruariq; solent in calce e-
pistolarum, quæ, si ad præcepta certos-
que locos redigere omnia voluerimus,
nimis longum faciemus. Satis sit præ-
cipua duntaxat paucis explicasse: ce-
tera diligenter notent, & scribendo
imitentur.

SCHOLIA.

Quan-

Quando scripta sit epistola) Verum enim uero, si in ipsismet litteris seu in corpore litterarum, tempus & locus notentur aliquando, vitabuntur multa magnæq; perturbationes, quæ nonnunquam solent existere, cum epistola non simul ac scripta est mittitur, sed dies aliquot asseruatur, & res interim negotiaq; commutantur. Interdum quoque epistola per dies plures in manu est, in eamq; aliud alio tempore conijcitur, ut necesse sit errare eum, qui omnia illo die, qui ad calcem adscribitur exarata putet. Hinc Cicero ad huiusmodi vitandam confusionem, quandoq; initio, alias in medio epistola diem notat.

Dies festi
Christianorum.

Quod attinet ad festos dies & ludos, quibus in tempore significando uti possumus, illi antiqui dicebant: Data Liberalibus, Floralibus &c. pro quibus nostra vsurpanda sunt, verbi causa, Datum seu data Epiphaniorum die, seu Regalibus, Hilaribus, si Bacchanaliorum dies cū Longolio ita vocare lubet, Cineribus, Soterijs, pro die illo, quo liberatorem ac Seruatorem nostrum supplicio mortis in cruce extinctum anniuersario luctu prosequi sollemne est Christianis. Aut simplicius & vsitatius, die Parasceves, Ferijs Resurrectionis, seu Christi ab inferis existentis, Pentecoste, Martinalibus, Natalibus, &c.

Nomen in
extrema
epistola.

Nomen in calce epistolæ subscribere, natum est ex subscriptionibus, quas olim Principes addebant

debant diplomatis: quarum meminit Suetonius in Nerone: post, ubi acrius inuasit animos ostentatio nobilitatis, & desiderium celebritatis exarsit, unusquisque affectavit videri ortus regio sanguine, regiosque mores tanquam sibi gentiles & patrios usurpare. Alij existimant cuiusdam moderationis esse, postremo se loco nominare. Quasi minus honestum sit, quidquid ultimum. Nonne animo legentis primum omnium occurrit, qui scribit? Quod si omnino postremus esse cupit, ne ponat initio, vel ego, vel verbum primæ personæ. Sed hæc sunt ineptissima, quæ conantur rerum naturam invertere: natura enim primum in quocunque opere facientem constituit. Quæso quid absurditatis habet, si is primus occurrat oculis, qui primus occurrit animo & cogitationi? immo quantumcunque abscondas te, & in angulum chartæ secedas, resoluta epistola, statim à principio legeris, nisi iam antea sciat qui legit, à quo mittatur. Hæc Ludo. Vives.



N

De

*De Kalendis, Nonis & Idibus;
& quomodo per eas lo-
quantur probati au-
ctores:*

CAPVT LII.

TEmpus epist. adscribi oportere, su-
pra docuimus. Id numerandis Ka-
lendis, Nonis & Idibus, in quas v-
nusquisq; mensis tamquam in partes
distribuitur, fieri debet. Vt igitur ado-
lescentes horum nominum dierumq;
rationem probè intelligant, & cum v-
sus postulauerit, prompte ac sine erro-
re tempus per illos notare possint, bre-
uiter & distincte, quantum consequi
poterimus, de ipsis hoc capite differe-
mus. Macrobl. lib. 1. Saturnal. cap. 15.
Priscis temporibus, inquit, antequam
Fasti à Cn. Flauio scriba inuitis Patri-
bus, in omnium notitiâ proderentur,
Pontifici minori hæc prouincia dele-
gabatur, vt nouæ lunæ primum obser-
uaret

tiaret aspectum: visamq; regi sacrifici-
culo nuntiaret. Itaq; sacrificio à Rege
& minore Pontifice celebrato, idem
Pontifex, calata, id est, vocata in Ca- *Aliàs cala-*
pitolium plebe, iuxta curiam calatam, *bram.*
que castrum Romuli proxima est, quot nu-
mero dies à Kalend. ad Nonas superes-
sent; pronuntiabat: & quintanas qui-
dem quinquies dicto verbo καλῶ, septi-
manas repetito septies prædicabat.
Verbum autem καλῶ græcum est, id est,
voco: & hunc diem qui ex his diebus qui
calarentur primus esset, placuit Calen- *Calendæ.*
das vocari. Hinc & ipsi curiæ, ad quam
vocabantur, calatæ nomen datū est: &
classi, quod omnis in eam populus vo- *Aliàs calæ-*
caretur. Ideo autem minor Pontifex *bræ.*
numerum dierum, qui ad Nonas su-
peressent, calando prodebat, quod post
nouam lunam oportebat Nonarum
die populares, qui in agris essent, con-
fluere in urbem; accepturos causas fe-
riarum à Rege sacrorum: sciturosque
quid esset eo mense faciendum.

N. 2

Vnde

Nonæ.

Vnde quidam hinc Nonas existimant dictas: quasi nouæ initium obseruationis: vel quod ab eo die semper ad Idus nouem dies putentur. Sicut apud Tuscos Nonæ plures habebantur: quod hi nono quoque die Regem suum salutabāt, & de proprijs negotijs consulebant.

Idus.

Iduum porro nomen à Tuscis, apud quos is dies Itis vocatur, sumptum est. Item autem illi interpretabantur Iouis fiduciam. Nam cum Iouem accipiamus lucis auctorem, vnde & Luce-tium Salij in carminib. cantunt: & Cre-tenses Δία τὴν ἡμέραν vocant: ipsi quoque Romani Diespit, rem appellant, vt diei patrem: iure hic dies, Iouis fiducia vocatur, cuius lux cum solis occasu non finitur, sed splendorem diei & noctis continuat, illustrante luna, quod semper in plenilunio, id est, medio mense fieri solet. Diem vero, qui vel nocturnis caret tenebris, Iouis fiduciam Tusco nomine vocauerunt. Vnde & omnes Idus Ioui feriatas obseruandas san-

xit antiquitas. Alij putant Idus, quod
 ea die plena Luna videatur, à videndo
 Vidus appellatas, mox litteram, v, de-
 tractam: sicut contra, quod Græci
 ἰδῆναι dicunt, nos v, littera addita, vide-
 dere, dicimus. Nonnullis placet Idus
 dictas vocabulo græcò ἀπὸ τοῦ ἰδῆναι:
 quod eodie plenam speciem Luna de-
 monstraret. Sunt qui existiment, Idus ab
 oue iduli dictas, quam hoc nomine vo-
 cant Tusci, & omnibus Idibus ouis im-
 molatur à Flamine. Nobis illa ratio
 nominis vero propior existimatur: vt
 Idus vocemus diem, qui diuidit men-
 sem. Iduare enim Etrusca lingua diui-
 dere est: vnde vidua quasi valde idua,
 id est, valde diuisa: aut vidua, id est,
 viro diuisa.

*Vidua vnde
 dicatur.*

Quot autem dies quisq; mensis, quot
 Nonas & Idus complectatur, his versu-
 bus clare docetur.

*Ter denos September habet totidēq; Nouēber, Hæc omnia
 Iulius, Aprilis, reliquis super additur vnus. pluribus
 Sic nisi bissextus, videnos Februus octo. versibus &
 Prima dies mensis cuiusq; est dicta Calendæ. eleganter
 in Eidyllijs*

N 3

Sex Ausonius.

*Sex Maius Nonas, October, Iulius & Mars:
Quattuor at reliqui. Tenet Idus quilibet octo.
Inde dies alios omnes dic esse Calendas,
Quas retro numerans dices à mense sequenti.*

Superest posterior pars, vt demon-
stremus, quonā modo per Kalend. &c.
cū optimis auctoribus loquamur. Pri-
mum omnium, quin recte & latine di-
catur pridie Kal. Non. Idus; item I V.
seu die I V. Kalend. Non. Idus, nemo
quisquam dubitabit, subintelligitur
enim præpositio, ante, per ellipsin,
quasi dicas, pridie, seu I V. ante Kalen-
das, hoc est, ante eum diem, qui dicitur
Kalendæ. Exempla infinita passim oc-
currunt. Deinde idem prorsus est, III.
Kalend. & ad III. Kalend. sicut non
differunt, ad diem constitutam venire,
& die constituta: aut ad tempus veni-
re, & tempore. Quare non recte Gram-
matici, qui ita, ad III. Kal. & III. Ka-
lend. distinguunt, vt per hoc definitus
atq; certus dies significetur, qui est ter-
tius: per illud vero; non intelligamus
ipsum tertium diem à Calendis, nec
aliquem

aliquem tertium diem, sed diem aliquem illi propinquum: & perinde sit dicere, ad tertium Kalendas, ac si diceremus, circiter tertium Kalendas. Tullius & ceteri scriptores optimi illos refutant. Et ut nihil differunt, III. Kalend. & ad III. Kalend. sic nullo modo discrepant, ad Kalend Quintiles, vel Kalēd. Quintilibus. Quod hic dico de Kalendis, accipi volo (sicut ea, quæ infra dicentur) etiam de Nonis & Idibus.

Ergo quæ adhuc explicauimus, nec obscura, nec inusitata sunt. At ista, Ante diem V. Kalend. Maij, In ante diem XV. Kalend. Martias, Ex ante diem Nonas Iunij, quomodo M. Tullius in orationibus suis, in epistolis, præsertim ad Atticū, millies loquitur, hæc inquam à paucis intelliguntur, & à nemine fere vsurpantur. Ante diem V. Kalend. Maias, id est, eo ipso die V. Kalend. Maij, 27. videlicet Aprilis. In ante diem XV. Kalend. Nouemb, Id est, in diem illum ipsum, qui est 15.

ante Kalend. Nouemb. nimirum 18. Octob. connumerato ipso Calendarū die, quod in his loquendi generibus notandum est, Ex ante diem Non. Iunij, id est, eo ipso die Nonarum Iunij, vel 5. die mensis Iunij. Quod autem pro eo ipso die, non præcedente illum numerum qui exprimitur, accipi debeant huiusmodi locutiones, certissimis argumentis & ratione conuincam. Gellius M. Tullium Ciceronem ante diem 111. Non. Ianuarias natum esse scribit. Atqui Cicero ipsemet 111. Non. Ianuarij suum natalem esse asserit libr. 7. ad Att. epist. 5. & libr. 13. epist. 40. XIV. Philipp. Memoria tenent me ante diem XIII. Kalend. Ianuar. principem libertatis reuocandæ fuisse. Intelligit autem orationem 3. Philipp. quam ipso die XIII. Kalend. Ianuarias habuit in Senatu. lib. epistolarum 16. epist. 5. Nos apud Alyziam, ex quo loco tibi litteras ante dederamus, vnum diem commorati sumus, quod Quintus nos consequutus non erat.

*Lib. 15,
cap. 28.*

erat. Is dies fuit Non. Nouemb. Inde ante lucem proficiscentes, ante diem *Manut. schol. epist. 12. lib. 3.* VIII. id. Nouembr. has litteras dedimus. Est igitur concisa locutio cum dicimus, III. Non. Nouemb. quæ integra fit, cum dicimus, III. ante Non. quæ non utebantur antiqui, sed eius loco, *Cicero omittit vocabulum, diem, & dixit ante V III. Kalend. sextil.* Ante diem III. Nonas. id est, ante Nonas die tertio, connumeratis, ut superius admonui, ipsis Nonis.

Doctissimi quidam viri, ubicunque reperitur in Cicerone, ad III. vel ad I V. Kalend. & cet. scribendum censent, a. d. ut significet, ante diem, quem loquendi modum cum ignorarent librarii imperiti, sæpenumero pro a. d. ad, scripserunt. Hanc scripturam & formam locutionis confirmant etiam Græci auctores, qui latinis mensium nominibus utuntur: sic enim ipsi quoque loquuntur, *πρὸς δὲ νεννῶν ἀπριλλίῳ, πρὸς δὲ εἰδῶν ἰαννίῳ, πρὸς καλανδῶν ἰθὺς σεπτεμβρίῳ.* Titus Livius quoque 3. ab V. C. Ante diem III. Idus sextiles consulatum incunt. Et libr. 45. supplicatio pro con-

Lege Man.
Schol. in
ep. 7. lib. 8.
in 17.
lib. 3. ad
Att.

cione populi indicta est, ex ante diem
V. Idus Octob. Varro lib. 1. de re ru-
stica. ex a. d. VII. Id. Februarias. Ex a.
d. VII. Id. Maij, id est, ex eo die, qui
dicitur Ante diem VII. Idus.

SCHOLIA.

Cum in enumeratione mensurorum dierum
Nonæ & Idus antecedant Calendas, eaq̃ Calen-
darum conditio sit, vt præter vnum diem, reli-
quæ alterius mensis sint: et si primus cuiusq̃ men-
sis dies vocatur Calenda, tamen in enumeratio-
ne trium illarum mensis partium cauebant dili-
genter Romani, ne ante Nonas & Idus, Calen-
das nominarent. Itaq̃ Nonas, Idus, Cal. dicebant,
ne si secus nominarent, male ominosum esset. Ci-
cero tamen in Verrem Calendis, Nonis, Idibus
dixit, vt ibidem notauit Asconius. Hæc Tur-
neb. aduersar. lib. 11. cap. 14.

Iduare enim diuidere) Quo videtur allu-
sisse Horatius, ode. 11. libr. 4. Idus appellans
diem qui findit mensem. Et Dionys. Halicar-
nass. exponit Idus διχομνιδία ἡμέραν, hoc est,
dissectorem mensis diem, & quasi semestrem.

Quidam istas loquendi formas ex ante, in an-
te diem, ante diem Nonarum, &c. sic interpre-
tantur, vt dicant, subaudiiri verbum hoc, fini-

sum,

rum, aut tale quippiam: quasi dicas, ante diem V. Kalend. finitum, exactum, id est, inquit, nihil aliud, quam, V. Kalend.

De epithetis.

CAPVT LIII.

EPithetorum, quæ M. Tullius in Partit. oratorijs ad nomen adiuncta, Quintilianus apposita, Priscianus & Grammatici adiectiua nominant, cum in omni sermone scriptioneque magnus & creber, tum in superscriptione, quam vocant, epistolarum necessarius est vsus. Quocirca prius nonnulla de epithetis præcipientur, quam de ratione superscriptionis dicere ingrediamur: vt etiam hac in parte adolescentium elegantiae suauitatisque cupidorum industriam studio & labore nostro adiuuemus. Aristot. lib. 3. de doctrina dicendi, cū de elocutione disputat, oportet inquit, & adiuncta ad nomen & translationes accommodatas sumere. Hoc autem fiet, si ex pro-

Lib. 8. cap.
2. & 6.

Aristotelis
doctrina de
Epithetis.

*Tritum
axioma.*

portione ducantur: sin minus, indeco-
rum apparebit: contraria namq; inter
se collata maxime elucescunt. Quibus
verbis accuratus ille magister duo
quædam docet, Vnum, epitheton de-
bere accommodatum esse ei, cui adiun-
gitur: omnem quippe vîm, leporem &
gratiam voces alioqui lectissimæ amît-
tunt, nisi loco & opportune fuerint
vsurpatæ. Alterum, quo pacto id fieri
possit: si ducantur nimirum ex pro-
portione, quâ si negligemus, statim in-
decorum apparebit, eo quod contraria
& minime inter se conuenientia, cum
mutuo conferuntur, magis solent per-
spici. Sed exemplis res clarior fiet.
Sumamus duo nomina contraria,
pax, bellum, virtus, vitium: nunc toti-
dem epitheta, tranquilla, turbulentum,
amabilis, odiosum. Si primum conue-
niat primo, hoc est, si pax recte dici-
tur tranquilla, secundum eius contra-
rio conueniet, & dicetur bellum recte
turbulentum. Item si epitheton, ama-
bilis, quod est contrarium huic, odio-
sum

sum, conueniet virtuti, odiosum conueniet vitio, quod est contrarium virtuti. Quod si contraria nomina non fuerint, videndum est, an contrarium epitheton eidem nomini conueniat. Tunc enim id, quod addere volebamus, non erit accommodatum. vt si bene dixit Virgilius, Monstrum horrendum, informe: male dicet, qui, Monstrum amabile, formosum appellarit. Interdum etiam contraria epitheta eidem conueniunt, cum qualitates mutantur, vt mala mens, malus animus, bona mens, bonus animus, lati humeri, lata frons, angusti humeri, angusta frons. Interdum plura epitheta eidem nomini adduntur, vt singularis eximiaque virtus, incredibilis sapientia ac pene diuina: multa que eiusdem generis, quæ passim occurrunt apud bonos auctores.

*Vide Maiores
rag. in 3.
Rhetoricor.
Aristotel.*

Iam, epitheton tribus modis sumi, aut ab animo, aut à corpore, aut à rebus externis: & sumi præcipue laudandi vituperandi que causa: & poëtas frequen-

quētius ac liberius vti epithetis quam oratores. hæc, inquam, satis nota sunt, eorumq; subtilior explicatio, ad nostrum institutum non valde pertinet, quamuis ad elocutionem epistolicam generatim pertinere videatur: atque ideo magistri in hac arte tradenda, de appositis præcipere quantum sufficere putabunt, ne omittant. Nos ad instituta pergamus.

Quia ergo epistola est genus descriptionis communissimum, eiusq; longe plurimus inter nobiles ignobiles, doctos indoctos, senes adolescentes, sacros profanos, sumos infimos &c. usus cernitur, ordine quodam, diuersorum statuum, ætatum, sexuum, conditionum, &c. selectiora epitheta subiiciemus. Qua in re idcirco breuiores erimus, quod prudentia, quæ cum ætate crescit, & diligens præstantium auctorum lectio nō modo copiam maiorem appositorum suppeditabunt, verum etiam delectum & proprietatem eorundem docebunt.

Ponti-

*Pontifex Maxi-
mus.*

Sanctissimus.

Beatissimus.

B. Petri Apostolorum
principis successor.
*Id est Christi Vicarius.**Cardinales.*

Amplissimi.

Illustrissimi.

Episcopi.

Reuerendissimi.

Præsules sanctissimi.

Antistites Religiosissimi.

*Abbates, Mona-
chi, Sacerdotes.*

Reuerendi.

Colendi.

Honorandi.

Religiosi.

Religiosissimi.

Imperator.

Augustus.

Inuictissimus.

Potentissimus.

Apud veteres, Diuus, ex
adulatione, vt quidam
docti sentiunt. Græci
Impera. sæpe in edi-
ctis suis, nostra diui-
nitas, &c.*Rex.*

Gallorum. Christianiss.

Hispanorū. Catholicus.

Britannorum. Sereniss.

Polonorum. Augustus.

| | |
|---|--------------------|
| { | Clementissimus. |
| | Potentissimus. |
| | Communia; vt etiam |
| | Serenissimus & re- |
| | gibus & archiduci |
| | bus tribuitur. |

Duces seu Principes.

Illustrissimi.

Clarissimi.

Excellentissimi.

Comites.

illustres.

Incliti.

Barones.

Generosi.

Nobilitate generis clari.

Consules.

Vigilantissimi.

Diligentissimi.

Clarissimi & grauiissimi.

Optimi & præstantissi-
mi.

Sapientissimi.

Senatores.

Prudentissimi.

Reipub. studiosissimi.

Lætici.

Leētissimi.

Ornatissimi & honestissimi.

Prætores.

Iustissimi.

Integerrimi.

Iudices.

Incorruptissimi.

Iustitiæ patroni.

Theologi.

Eruditissimi.

Diuiinarum litterarum
scientia præstantiss.

Singulari pietate, & eruditione præditi.

Sacrarum scripturarum
interpretes.

Iureconsulti.

Eximij.

Celeberrimi.

Legum peritissimi.

Vtriusq; iuris antistites.

Integerrimi.

Medici.

Fidelissimi.

Clarissimi.

Multo vsu excellentissimi.

Pater.

Charissimus.

Amantissimus.

Plurimum semper ob-
seruandus.

Optimus.

Mater.

Suauissima atq; optima.
Charissima & dulcissima.

Fratres.

Optatissimi.

Optimi.

Dilectissimi.

Amantissimi atque optimi.

Suauissimi.

Optimi & dulcissimi.

Charissimi atque amantissimi.

Sorores.

Suauissimæ.

Vnice charæ. Dilectæ.

Charissimæ.

Dulcissimæ & amantissimæ.

Filij & Liberi.

Amantissimi.

Charissimi.

Dulcissimi.

Suauissimi.

Melliti.

Mellitissimi.

Coniux.

Optima.

Charissima.

Fidelissima.

Suauissima.

Fidissima atq; optima.

Soda-

Sodales.

Iucundissimi.

Amicissimi.

Amici.

Primi & fidelissimi.

Sinceri.

Nostri perstudiosi.

Viri præclari.

Viri primarij.

Omni laude dignissimi.

Vita & moribus ornatissimi.

Probitate & humanitate conspicui.

Viri totius ciuitatis honestissimi.

Auctoritate & prudentia nobiles.

Laudatissimi & clarissimi.

Optime de Rep. meriti.

Adolescentes.

Ingenui.

Ingeniosi.

Ornatissimi. Doctissimi.

Bene morati.

Liberali ingenio.

Eximie indolis.

Litterarum studiosissimi.

Optimæ, summæ spei.

Præstantissimis ingenijs.

Optimis studijs dediti.

Litterarū studijs & doctrinæ præditi.

Summæ eruditionis, summæq; virtutis.

Rectissimis studijs atque optimis artibus præditi.

Bonis artibus & disciplinis ornati.

Humanissimi & optimi.

Matronæ.

Castissimæ.

Probatissimæ.

Pudicissimæ.

Religiosissimæ.

Eximia pietate & virtute

Sanctissimæ atq; optimæ.

Præstantissimæ omnium

fæminarum.

Primariæ fæminæ.

Spectatissimæ castitatis.

Prudentissimæ, grauissimæ & lectissimæ.

Virgines seu Puellæ.

Castæ.

Verecundæ.

Bene moratæ.

Pudicissimæ.

Honestatis exemplaria.

O

De

De epigraphe seu inscriptione epistolarum.

CAPVT LIV.

*Ex Ludo.
Vinc.*

Vide ca. 14.

DE inscriptione nihil habemus antiquorum, quod quidem certo possimus affirmare. qua de causa existimarunt nonnulli, titulos fuisse superscriptiones: quam opinionem ante refelli. Sed suspicor multis epistolarum non fuisse additam superscriptionem: sicuti nec intus in calce, locum aut tempus, quum iam alioqui sciretur, aut nihil referret. Itaque ubi is, cui perferenda epistola dabatur, cui nam esset redditurus nouerat, nihil erat superscriptione opus. Fere autem eam ad rem vel domesticis vel notis hominibus utebantur: quod si publico tabellario committerent, is utique signa dignoscebat. Sed coniecturarum satis: superscriptio certe hoc tempore necessaria est.

Clausa

Clausa igitur & obsignata epistola, in tergo illius, nomina eius cui mittitur, cū honoribus & dignitatibus quas gerit, ponuntur, tertio casu, perinde vt in salutationibus, nisi quod nomē nostrum tacemus. Quamquam etiam ante nomina vnū atq; alterum epitheton collocare in more positū est, sicuti post nomina & dignitates. Notatur quoq; locus in quo ille versatur, cui reddendę sunt litterę. Vtrum autē scribas meo, an, suo, parui refert. Viues tamen: vt in titulo, inquit, dicitur suo, ita in superscriptione, meo: nam hīc qui scribit, iniungit tabellario vt perferat, vel reddat eas litteras: alterum enim illorum verborum subauditur. Nunc ob vtilitatem puerorum, aliquot inscriptionum exempla conficiemus.

Ad Episcopum.

Reuerendissimo P. & illustrissimo Principi Marquardo à Berg, Pontifici Augustano, singulari omnium honestarum artium defensori atq; Patrono. Dilingę. O a Ad

Ad Principem.

Illustrissimo Guilielmo, vtriusq; Ba-
uarie Principi, Palatino Rheni, Mæ-
cenatî suo & Patrono liberalissimo ac
benignissimo. *Monaci.*

Ad Parentes.

Antonio Seuerino Prætori, aman-
tissimo parenti, & Appolloniæ sua-
uis, & dulcissimæ matri, suis. *Lugduni.*

Ad Fratrem.

Accusandi N. N. rectissimis studijs, atq; opti-
casu, ut P. mis artibus dedito adolescenti, charis-
Man. face- simo & amantissimo fratri suo. *Ingol-*
re consue- *stadium.*
uit.

Ad Præceptorem.

Eximia eruditione, & multa pro-
bitate insigni Nicolao Salio, doctori
meo longe charissimo. *Pragæ.*

Ad studiosum litterarum.

Ingenuo & optimæ spei adolescen-
ti

ti Petro Curtio, liberalium disciplina-
rum studio in Academia Dilingana.

Ad virum honoratum.

Auctoritate & prudentia excellen-
tissimo viro N.N. Sereniss. Ferdinan-
di Archid. Consiliario &c.

Oenipontum.



O 3 PARS.

PARS TERTIA.

De exercitatione scribendi.

CAPVT LV.

Sicut pingere volentibus nihil prodest Apellis & Parrhasij laudatissimorum pictorū pulcherrima opera considerare & attente contemplari, nisi ipsi quoque arrepto penicillo pingere aliquid instituant: ita sane, præcepta perdidicisse omnia, & M. Tullij, Plinij Secundi, aut Pauli Manutij aliorumue tamquam probatissimorum artificum epistolas suspicere & admirari, nihil penitus conducit, si tu quoque sumpto in manus calamo quotidie te non exerceas. Stylus, crede mihi, immo crede Ciceroni, & ex tripode profectū puta, optimus & præstantissimus est dicēdi effector ac magister. Nemo unquam orator, nemo egregius scriptor sine multa exercitatione euasit. Hortensius nec vnum præterire diem patiebatur.

1. de orat.
de clavis
orat.

tiebatur, quo se non aut domi, aut in
 foro dicendo exerceret: sæpe vtrumq;
 eodem die faciebat. Cicero aiebat se ti- Epist. 18.
libr. 9.
 mere, si non frequenter declamaret,
 ne, quod adeptus erat in arte oratoria
 facultatis, exaresceret. Quem locum
 adducens Paul. Manut., *Attende, in-* Ad Paulu
Contarenu.
quit, mi Paule, & tuam causam, à qua mea ep. 11. li. 1.
disiuncta non est, si placet, mecum conside-
ra. Ille sibi, homo Romanus, latinae oratio-
nis inopiam metuebat, cum tamen omnibus
in hoc genere diuitijs, abundaret: nos, qui-
bus latina lingua peregrina est, qui in opti-
ma scribendi aut dicendi ratione rudes, &
infantes pane sumus, de summa eloquentia
sine summo studio cogitabimus? & unam
omniū difficillimam rem, eandemq; omni-
um gloriosissimam, ludibundi consequemur?
Vides me ipsum, qui, quid sim, ego quidem Manutius
quotidie a-
liquid lati-
ne scribe-
bat.
non statuo: sed sunt quibus non esse nihil
videar: nullum pane diem intermittere,
quin aliquid latine scribam? cum tamen,
ex quo lapidem hunc voluo, annus iam vi-
cesimus abierit.

SCHOLIA.

Si is demum eleganter, copiose & erudite scribit, qui multam cogitationem multumq; tempus adhibet ad scribendum; & qui id quod scribit quam diligentissime castigat, non potest vlllo modo bene scribere, qui ex tempore, id est, sine cura scribit. Hinc quando scriptorum nostrorū vitia excusare volumus, dicere solemus, ea esse extemporanea, vt satis appareat, quid de huiusmodi descriptionibus sentire debeamus. Non sunt igitur adolescentes hoc modo exercendi, nisi velimus eos perpetuo inepte ac male scribentes reddere. dandum est illis aliquot dierum spatium, cohortandiq; erunt, vt omnem sedulitatem sibi adhibendam existiment in scribendo. Interdum tamen, vt sciatur melius, quid & quantum profecerint, extemporanea & improvisa scriptione tentari poterunt. Nam qui diligentes antea fuerunt, & multum scripserunt, iidem quoq; propter consuetudinem suam etiam subito bene scribent. Quanquam sollerti magistro hoc genere examinis opus esse non videtur: mirū enim, si ex ep. totius anni nondum intellexerim, quid meus discipulus sit affecutus. Nec vero iudicabit quemquam ex tempore scripturum recte, qui antea magna etiam cum attentione, & longa mora vsus, semper male scripserit.

De diuersis thematis à doctore proponendis,

CAPVT LVI.

*Lib. de ill.
lustris
Grammat.*

M Verrius Flaccus illustris Grammaticus, ad exercitanda discipulorum ingenia, vt Suetonius memoria prodidit, æquales inter se committere solebat, proposita non solum materia quam sciberent, sed & præmio quod victor auferret. Id erat liber aliquis antiquus, pulcher, aut rarior. Quare ab Augusto quoque nepotibus eius præceptor electus, transijt in Palatium cum tota schola. Huius auditores hac institutione multum profecisse, & præstantes postea viri euasisse dicuntur. Istius doctoris exemplum sequi debet ludimagistri, quando etiam Quintilianus iubet materiam præscribere pueris, in qua sese exerceant.

*Argumenta
qualia.*

Illa vero materia, seu illa argumenta, quæ à doctore dictantur, ne sint arida,

da, perplexa, spinosa, ne nimis breuiā
 & angusta, verum copiosa, facilia, a-
 perta, amœna, faceta, noua, puero-
 rumq; ingenijs accommodata: in eius-
 modi enim cum libenter, tum fructuo-
 se exercentur. Hæc sumi poterunt ex
 ijs rebus & auctoribus, qui explanan-
 tur in scholis. Item ex fabulis Ouidia-
 nis, & scriptis poëtarum, Epicorum vt
 Homerī, Virgilij, Comicorum vt Ari-
 stophanis, Plauti, Terentij, Tragicorū
 vt Euripidis, Sophoclis, Senecæ. Ex
 historicis tam sacris quam profanis.
 Per sacros intelligo nihilominus vete-
 ris testamenti & Euangeliorum libros,
 ex profanis suppeditabunt copiam &
 varietatem magnam T. Liuius, Xeno-
 phon, Plutarchus, Q. Curtius &c. Re-
 petatur verbi gratia cædes Polixenæ
 ex Euripidis Hecuba. Hortemur Græ-
 cos, ne illam ad Achillis tumulum ma-
 ccent. Dehortemur Medeam à cæde
 paruorum liberorū. Inuehamur in sce-
 lus Atrei, qui apud Senecam Thye-
 stæ fratris sui liberos occidit, & coctos
 patri

*Ex tragæ-
dijs.*

*Ex historia.**Ex sacris
libris.*

patri comedendos apponit. Gratias agamus S. P. Q. R. quod M. Tullium patriæ parentem ab exilio reuocarit. Gratulemur Augusto victoriam de Antonio & Cleopatra. Petamus à Catilina ne vexet Rempub. Dissuadeamus Herodi, ne promissa puellæ saltatrici facta, seruet. Laudemus Ioannis Baptistæ inuictam constantiam: vituperemus Pilatum: defleamus infantium puerorum atrocissimam trucidationem. Consolemur Dauidem à Saul ad necem quæsitum, & multis iniurijs affectum. Denique ne longior sim, infinitus hic adolescentibus patebit campus.

Præceptorum munus & officium erit in his delectum habere, & optima quæque discipulis proponere, quoad ipsi in lectione bonorum poëtarum historicorumque versati, suis auspicijs, & sine Theseo rem gerere possint. Porro eadem hypothesis iterum ac tertio alijs verbis, alioque orationis habitu, & inter-

interdum contrario, plane tractanda et
verlanda erit; vt, quod modo lauda-
runt, vituperent; quod suaserunt, dis-
suadeant. Ex his similia intelligantur.

SCHOLIA.

Poterit aliquando sumi argumentum siue
sententia scriptoris alicuius, quam ille sua epi-
stola complexus sit, & pueris ad scribendum
proponi, deinde epistola cum epistola comparari,
ex qua comparatione nullo negotio perspiciet
magister, quid discipulus proficiat, & quæ spes
in posterum de eo concipienda sit. Vbi non me-
diocriter progressi fuerint, latinamq; phrasin
probe cognitam & perspectam habuerint, Ger-
manica lingua dictabimus argumentum, & in *Argumen-*
illius interpretatione alumnos nostros exercebi- *tum lingua*
mus. Fuerit autem ad comparandam verbo- *patria.*
rum copiam, & scribendi facilitatem fortasse
necessarium, nedum utile, in alijs quoq; scriptio-
nibus, quam in epist. exercere pueros, quod hoc
capite potissimum docere praeceptores
seu monere studui.



Scriben-

*Scribendum nonnunquam
sine Argumento.*

CAPVT LVII.

VTile fructuosumq; cenſeo, interdum nullum penitus dictare argumentum, ne praua conſuetudine ſemper alienis auxilijs nitendi, cibosque iam præmanſos comedendi, nihil per ſe egregium contentur diſcipuli, nihil quærant, de nulla re ſolliciti laborent. Quamobrem magiſtri, proinde vt auiculæ pullis ſuis adhuc teneris & implumibus, eſcas opera ſua conquiſitas in os ingerant: ſed cum iam adoleuerint, eos extrudant nidis, ipſorumque vires periclitantes, libero cœli ſpatio volutare cogant. Certe haud vnquam deerit materia ad ſcribendum, etiam cum deerit. Etenim hæc ipſa minime mihi contemnenda, aut doctis viris inuſitata videtur materia: nihil habeo quod ſcribam, ideo
non

non scribo. Cuius peristyles & adiuncta, si quis voluerit paululum circumspicere, inueniet verissimum esse, quod dixi modo. Eleganter & festiue Plinius. Olim mihi nullas epistolas mittis, *Ep. 11. l. 1.*
 Nihil est, inquis, quod scribam. At hoc ipsum scribe, nihil esse quod scribas. Vel solum illud, vnde priores *Initium veteris epistolarum.*
 incipere solebant; si vales bene est, ego valeo. Hoc mihi sufficit, est enim maximum.

Et Ciceró ad Attic. Vbi nihil erit *Ep. 8. li. 4.*
 quod scribas, id ipsum scribito. Et rursum epist. 44. libr. 12. Tu mihi, etiam si nihil erit, quod scribas (quod fore ita video) tamen id ipsum scribas velim, te nihil habuisse, quod scriberes, dummodo ne his verbis. Diserte quoque, & perquam venuste, vt semper, hac eadem de re disputauit Manut. epist. 13. libr. 1. quam ego epistolam iudicaui dignam esse, quæ hic ad verbum recitaretur.



Paul.

*Paul. Manut. Romulo Cer-
uino S.*

Quod tu persæpè queri solitus es, id mihi nunc accidit, vt epistolæ prorsus caream argumento, sed ego tamen non committam, quod tu soles, vt argumenti me inopia deterreat à scribendo. Quin vide, quam diuersa ratio sit: tu cum sententiã non habes, valde tibi ais laboriosum esse epistolam texere: ego nunquam facilius soleo scribere, quam cum nihil habeo, quod scribam. At inanes huiusmodi litteræ sint necesse est. Primum, hoc non semper. Quandoq; enim accidit, vt nihil dicentes, aliquid tamen dicamus: vt in fidebus est quædam manus aberratio sine arte, in qua tamen ipsa ars sit: sic in epistolis argumentum quandoq; est sine argumento. Itaq; non semper inanes huiusmodi litteræ: siquidem in ijs solet aliquid nonnunquam existere, quod pondus habeat. Sed fac inanes esse quid refert? non hoc spectamus, id sequi-

*Epist. sine
argumento
non semper
inanes.*

quimur, vt exercitatione duce eo perueniamus aliquādo, vbi sita laus videatur eloquentiæ; quod si nobis tantum in hoc proficere non licet, vt veteribus illis quorum est purissima oratio, similes esse possimus: attentemus tamen, si possimus nostris, qui inquinatè loquuntur, dissimiles esse. Quod, vt opinor, & multum, & sæpe scribendo consequemur. Ac noli putare, semper in eo nobis esse elaborandum, vt philosophemur in epistolis. Graues sententiæ probantur, fateor: sed nunquid hoc vno latina lingua continetur? me quidem Cicero noster paulo minus interdum delectat, de iocis cum agit, quam de turpi & honesto cum disputat. vtrobi-que enim sunt ornamenta: & vtrumque sæpe necessarium est. Itaque ad vtrumque me do: teque vt idem facias, etiam atque etiam hortor. cumque res non erit, de qua scribas: tum tu, si me audis, vel leuissima quæque ex omni genere arripies, & his pro argumentis vttere. Hoc autem quatenus agas, aut cum quibus agas,

P

aut

tibi non præscribo: cuius tanta prudentia est, quantam ætas ista, qua nunc es capere vix potest. Summa sit, ut & cum argumento, & sine argumento sapientissime scribas. Vale. Romæ.

SCHOLIA.

Ut auiculæ pullis) Hoc parentes in alendis educendisq; liberis imitantur: qui primum infantibus cibum præmansum & confectum dentibus in os inserunt: deinde sat habent, in manum dare: mox mensis tantum admovent: postremo dimittunt aliquo foras, ut suapte industria ipsi victum sibi quarere, & quod dicit Plautus, sine scirpea rate nare consuecant.

Consuetudo
Ciceronis.

Cicero ad Curion. lib. 2. epist. 4. Quamobrem, quoniam mihi nullum scribendi argumentum relictum est, utar ea clausula qua soleo, teq; ad studium summæ laudis cohortabor. Unde discimus quid faciendum nobis sit, cum materia & rebus deficiamus. Præterea cum argumentum deerat, siue cum nullum scribendi argumentum relictum erat, aliquid iocorum attexebat Cicero. Hoc ex clausula epist. 5. lib. 6. intelligitur. Cupiebam me hercule longiorem epist. facere, sed nec erat res de qua scriberem, nec iocari præcure poteram.

De

De Imitatione.

CAPVT LVIII.

IMitatio quam Græci μιμησις & ζήλος
 appellant, in omni facultate maxi-
 mam vim habet, plurimumq; potest,
 qua, qui caret, recta & facili via caret,
 laboremq; nimis magnum & non val-
 de fructuosum suscipit in omnibus
 quæ agit. Est autem nihil aliud imita-
 tio, quam diligens & artificiosa quæ-
 dam mentis applicatio ad eas laudes
 adipiscendas, quas in aliquo excellere
 arbitramur: vt eius quam simillimi e-
 uadere possimus. Hæc præter artem
 & exercitationem omnino est neces-
 saria, illarumq; duarum rerum comes
 atque socia. Immo vero dubitari for-
 tasse possit, cum hæc tria ad bene scri-
 bendum requirantur, quod maxime
 ex omnibus requiratur. Ars sine exer-
 citatione nihil est: exercitatio sine ar-
 te manca est: imitatio quamquã sine ar-
 te illa quidem, sine exercitatione tamẽ

*Imitatio
quid?*

*Ars.
Exercitatio.
Imitatio.*

P 2 haud

Similitudo. haud quaquam constare potest. exercet enim se, quisquis imitatur. ut igitur opifices non modo præcipiunt discipulis, quo pacto versent instrumenta, sed etiam se ipsos intueri laborantes & considerare iubent, sic nos, postquã artificium epistolæ conscribendæ tradidimus, ad optimũ præstantissimumque artificem ac magistrũ intuendum adolescentes mittemus. Cum enim imitari oporteat, & hoc certo nihil magis certius sit, ut loquitur Plautus, stultissimum videtur, ad imitandum non optima quæq; proponere. id quod Seneca & Quintil. asserunt.

*Scriptores
omnes le-
gendi, solum
Cicero imi-
tandum.*

*Laus Cice-
ronis.*

Scriptores igitur omnes latinos diligenter volutandos, & accurate studio seq; legendos vetat doctus nemo: præter Cicronem quemquam vllum imitandum, nemo quoq; paulo doctior suadet: à quo reliquis omnibus, ut à sole stellis, accessit, cui nihil à ceteris allatum est: ad quem reliqui sese effinxere: qui nullius auctoris latini imitatione usus est, sua sponte omnibus nume-
ris

ris absolutus atq; perfectus: reliquis omnibus maior, nullo neq; Græco, neque latino inferior: ad cuius imitationem contendere præstantius sit, quam reliquorum eloquentiam superare illustrius. Certe si alijs operam dandam, aut horas aliquot tribuendas adhorter, his nominibus adhortabor. Primū, vt, quid à Cicerone tum verborū tum sententiarum vel sumant, vel surripiant, vel mutuentur, deprehendamus: & ad illius imitationem alacriores reddamur, à quo magni etiam nominis scriptores multa sumere perspicimus, Deinde vt, quemadmodum qui de re-
cta declinant, vbi in deuia aliquantum aberrarint, & per salebrosos minimeq; planos locos iter languentes fecerint, optatius in viam redeunt, atque recta ambulant attentius: sic per omnia auctorum scripta satis prima ætate diuagati, errore tandem percepto, nos ad Ciceronem cupidius recipiamus, totosq; conferamus. Postremo, vt, sicut
obtusum quotidiani cibi suauitate palatum,

Reliqui scriptores quare legendi.

Simile.

Simile.

latum, aceto, aut acerbiori aliquo iure irritamus, gustatuique consulimus, ita assidua Ciceron. lectione contractum, si quod contrahi potest, fastidium, auctorum crudiorum acerbitate depellamus: aut quasi oscitantes, & obdormientes, iniucundo aliorum scriptorum strepitu, & murmure excitemur, ac noua relicta voluptatis, id est, intermissæ Ciceronianæ lectionis, cupiditate gestiamus.

SCHOLIA.

*Perversi
imitatores.*

Qui gaudent, & se beatos putant, quoties in orationibus, epistolis, & libris suis non modo Ciceroniana verba, & locutiones, hoc enim licet, & magno honori est, sed etiam versiculos integros, immo periodos ita possint intexere, ut ad rem declarandam nihil dici potuisse magis appositum, & ex ipsorum arculis profecta pigmenta videantur, & hoc putant esse imitari, eorum puerilem errorem nolo nunc pluribus reprehendere: tantummodo Romuli Amasæi locum proferam è Schola secunda de ratione & ordine studiorum, Ea est, inquit, recta & gra-
uis

vis in dicendo antiquorum imitatio, ut quem-
admodum illi dixerint, nobis dicenda putemus.
Nam sicuti mella apes è tam multis floribus ita
conficiunt, ut longe aliud illa, quam flores esse
videantur: atque ut in animantium corporibus
succus & sanguis aliam longe speciem præsefe-
runt, quam illa unde emanarunt ciborum gene-
ra: sic à veteribus dicendi formula sumenda est,
ut nostrum tamen esse quidquid ex ea fuerit ex-
pressum videatur.

De emendatione episto- larum.

CAPVT LIX.

Qui suos fœtus libenter & sæpe
lambunt, hoc est, scriptiones suas
diligenter emendant & expoli-
unt, quos limæ labor & mora non of-
fendit, hi quantumvis ingeniosos, pa-
rum tamen sedulos anteuertunt. Ve-
rum emendatio, de qua loquimur, est
potius magistri quàm discipuli, qui cum
epistolam à se conscriptam attulerit, ac-
cipi-

*Donatus in
vita Publij
Virg.*

Ne vero aspera, multorumq; verborum, & cum toruitate vultus coniuncta, sed blanda & brevis sit reprehensio. Interdum collaudetur adolescentis ingenium, quædam eleganter & scite elata sigillatim commendentur: sublectæ aliunde sententiolæ, affectatæ quædam locutiuncule aliquandiu dissimulentur, paulatim tamen indicentur, vt ne vitiosa consuetudo, quæ altera natura est, contrahatur. Vbi robustior & exercitator fuerit, tum magister liberius & pro suo iure aget. Si quod verbum durius, si sordidius, si hiulcum aut alieno loco positum, si oratio parum apta & cohærens, si quid præteritum, si quod argumentum futile allatum, si quid furto alicui scriptoris surreptum, deniq; si quid languidius dictum, si verbosius, si contractius, illud ipsum notabit, transuersoque calamo signum allinet atrum, vt ait Horatius. Delere, mutare, dilatare, astringere, vincire, illustrare, mollire, ornare iubebit, & quomodo id fiat, ostē-

det, ne alium docere videatur, quod ipse nesciat. Semper autem bene se sperare significationem det, nec vnquam ita emendet epistolam, vt non etiam commendet diligentiam in aliqua saltem parte, v. g. in vno sermonis puritatem, in alijs perspicuitatem, in quibusdam acumen, in nonnullis dispositionem. Hac ratione, cum partim laudarit, partim reprehenderit discipulum, magister efficiet, vt neq; desperet ille de se, nec alium facile despicat: & æmulatio inter condiscipulos excitabitur, dum quisq; alterius laudem sibi concupiscet.

SCHOLIA.

Viile præceptum.

Hoc quoq; nonnunquam praderit. postquam annotarit, quid in scriptis puerorum placeat, quid displiceat, quid bene, quid male positum videatur, exemplum eadem de re vel à se studiose elaboratum, vel ex auctore aliquo sumptū proponere, quod imitentur pueri, & ad quod sua corrigant, & quasi eliment. Neq; pigebit in marginibus aut voce quid ipse sit secutus admonere.

*here. quo in eo, perinde, ut in speculo videant,
 quid ipsos suffugerit, quid assequi nequiverint,
 ubi dormitauerint, aut cecutinerint. Sunt au-* *Nota.*
*tem vitia, quæ præceptoribus in adolescentibus
 displicere non debent, velut, sublimior spiritus,
 & verborum luxuries quædam. Cic. 2. de Orat.
 Volo enim se efferat in adolescente facunditas.
 Nam facilius, sicut in vitibus, reuocantur ea,
 quæ se nimium profuderunt, quam si nihil vale-
 at materies; noua sarmenta cultura excitantur:
 ita volo esse in adolescente, vnde aliquid am-
 putem. Non enim potest in eo esse succus
 diuturnus, quod nimis celeri-
 ter est maturitatem
 consecutum.*



INDEX

INDEX EORVM, QVAE per Capita in hoc Li- bro explicantur.

PARS PRIMA.

Cap.

| | | |
|-------|--|--------|
| I. | D efinitio epistolæ, & eius notatio. | fol. 1 |
| II. | Eiusdem origo & antiquitas. | 3 |
| III. | Epistolæ vsus, & quæ proprie sic ap- pelletur. | 5 |
| IIII. | Verum epistola artificium quoddam, ac præceptiones requirat. | 9 |
| V. | Epistolam scripturus tria potissimum considerare debet, siue de epistolæ decoro. | 19 |
| VI. | Epistolas breuitate commendari. | 22 |
| VII. | De perspicuitate epistolæ | 22 |
| IIIX. | Ecquid etiam græcæ voces, & quando epistolis admiscere possimus. | 35 |
| IX. | Omnibus ne in rebus epist. versetur. | 41 |
| X. | De tribus epistolarū characteribus. | 45 |
| XI. | Epistolarum complura esse genera. | 51 |

PARS ALTERA.

| | | |
|------|---|----|
| XII. | De salutatione in capite epistolar. ad- hibenda. | 60 |
|------|---|----|

XV. De

| | | |
|---------|---|-----|
| XIII. | De latina & græca salutandi ratione. | 66 |
| XIV. | De exordio epistolæ. | 72 |
| XV. | De epistola Narratoria. | 77 |
| XVI. | Quot in responsione spectanda, & de responsione ad Narratoriam. | 80 |
| XVII. | De commendatitia. | 82 |
| XVIII. | De responsione ad Commendatitiam. | 87 |
| XIX. | De Petitoria. | 92 |
| XX. | De responsione ad Petitoriã. | 95 |
| XXI. | De Hortatoria & Debortatoria. | 99 |
| XXII. | De responsione ad Hortatoriam. | 104 |
| XXIII. | De Laudatoria. | 106 |
| XXIV. | De responsione ad Laudatoriam. | 111 |
| XXV. | De Accusatoria seu Expostulatoria. | 115 |
| XXVI. | De responsione ad Accusatoriã seu Expostulatoriam. | 117 |
| XXVII. | De Exprobratoria. | 119 |
| XXVIII. | De responsione ad Exprobratoriam. | 121 |
| XXIX. | De Inuectiua. | 123 |
| XXX. | De responsione ad Inuectiuam. | 124 |
| | XXXIII. | |

| | | |
|---------|--|-------|
| XXXI. | De excusatoria seu Purgatoria. | 126 |
| XXXII. | De responsione ad Excusatoriam seu Purgatoriam. | 128 |
| XXXIII. | De Deprecatoria. | 130 |
| XXXIV. | De responsione ad Deprecatori- am. | 133 |
| XXXV. | De locosa. | 134 |
| XXXVI. | De responsione ad locosam. | 137 |
| XXXVII. | De Flebili seu Lacrymosa. | 139 |
| XXXIIX. | De Consolatoria. | 142 |
| XXXIX. | De responsione ad Consolatori- am. | 149 |
| XL. | De Officiosa. | 151 |
| XLI. | De responsione ad Officiosam. | 154 |
| XLII. | De Gratulatoria. | 155 |
| XLIII. | De responsione ad Gratulatori- am. | 158 |
| XLIV. | De epistola, qua gratias agimus. | (159) |
| XLV. | De responsione ad epistolam gra- tiarum aëtricem. | 163 |
| XLVI. | De Imperante & Prohibente. | 165 |
| XLVII. | De epistola Dedicatoria, seu Nun- cupatoria. | 168 |
| XLIIIX. | De epistola Composita sine Mi- sta. | 175 |
| | XLIX. | |

| | | |
|--------|--|-----|
| XLIX. | Epistolam esse liberam, nec cer- tis perpetuisque legibus ad- stringi. | 177 |
| L. | De modo & forma valedicendi. | 179 |
| LI. | De tempore, loco & salutationi- bus. | 187 |
| LII. | De Kalendis, Nonis, Idibus: & quomodo per eas loquatur pro- bati auctores. | 192 |
| LIII. | De Epithetis. | 201 |
| LIIII. | De epigraphis seu inscriptione e- pistolarum. | 208 |

PARS TERTIA.

| | | |
|--------|---|-----|
| LV. | De exercitatione scribendi. | 212 |
| LVI. | De diuersis thematibus à doctore proponendis | 216 |
| LVII. | Scribendum nonnunquam sine argumento. | 220 |
| LVIII. | De Imitatione. | 225 |
| LIX. | De emendatione epistolarum. | 229 |

F I N I S.







